



ს ა ქ ა რ ტ ვ ე ლ ი ს
ს ა გ ა რ ე მ ს ა ქ მ ე თ ა
ს ა მ ი ნ ი ს ზ რ



ნ ლ ი უ რ ი ა ნ ბ ა რ ი უ ი

2013

I. საქართველოს სუვერენიტეტისა და ტერიტორიული მთლიანობის განმტკიცება

1. საქართველოს ოქუპირებული რეგიონების დეოკუპაცია და რუსეთ-საქართველოს კონფლიქტის მშვიდობიანი გზით მოგვარება
2. არაღიარების პოლიტიკა
3. იძულებით გადაადგილებულ პირთა და ღმრთილთა უსაფრთხო და ღირსეული დაბრუნება
4. ჟენევის საერთაშორისო მოლაპარაკებები

II. ევროპული და ევროატლანტიკური ინტეგრაცია

1. ევროკავშირში ინტეგრაცია

- აღმოსავლეთ პარტნიორობის ვილნიუსის სამიტი - ახალი ეტაპი ევროინტეგრაციის გზაზე
- ასოცირების შესახებ შეთანხმება — საქართველოს ევროპეიზაცია შეუქცევადი გახდება
- სავიზო რეჟიმის ლიბერალიზაციის სამოქმედო გეგმა — ევროკავშირთან უვიზო მიმოსვლის მთავარი წინაპირობა
- ევროკავშირთან შემდგომი დაახლოების სხვა სამართლებრივი ინსტრუმენტები
- საქართველო-ევროკავშირის თანამშრომლობის ინსტიტუტები — დინამიური პოლიტიკური დიალოგი ევროკავშირთან

2. ნატოში გაწევრიანება

- ჩრდილო-ატლანტიკური საბჭო (NAC) საქართველოში
- საქართველო ნატო-ს საგარეო საქმეთა მინისტრიალებზე
- ნატო-საქართველოს კომისია (NGC) — დინამიური პოლიტიკური დიალოგი ალიანსთან
- წლიური ეროვნული პროგრამა (ANP) — დემოკრატიული განვითარება და სახელმწიფო ინსტიტუტების გაძლიერება
- საქართველოს წვლილი ევროატლანტიკური უსაფრთხოების უზრუნველყოფაში
- თანამშრომლობა ალიანსის ასპირანტ სახელმწიფოებთან
- ნატო და საქართველო — პროფესიონალიზმის ამაღლება და უსაფრთხოების სექტორის გაძლიერება

III. საქართველოს ორმხრივი და მრავალმხრივი ურთიერთობები

1. ორმხრივი ურთიერთობები

- ურთიერთობები მეზობლებთან
- აშშ
- ურთიერთობები ევროპის ქვეყნებთან
- ურთიერთობები ჩრდილოეთ და სამხრეთ ამერიკის ქვეყნებთან
- ურთიერთობები აზიისა და ოკეანეთის რეგიონის ქვეყნებთან
- ურთიერთობები აფრიკის კონტინენტის ქვეყნებთან

2. თანამშრომლობა რეგიონული ორგანიზაციების ფარგლებში

3. საქართველო საერთაშორისო ორგანიზაციებში

IV. ეკონომიკური დიპლომატია და კეთილდღეობა

1. ეკონომიკური დიპლომატია
2. ენერგეტიკული უსაფრთხოება
3. საქართველო რეგიონულ და საერთაშორისო ინფრასტრუქტურულ პროექტებში

V. კულტურული დიპლომატია

VI. საკონსულო საქმიანობა

- საკონსულო ურთიერთობები
- საზღვარგარეთ საქართველოს მოქალაქეთა საკონსულო მომსახურება და საკონსულო დახმარება.

VII. აგასადორილი 2013

VIII. სამინისტრო

1. ადამიანური რესურსების მართვა და დიპლომატია კვალიფიკაციის ამაღლება

- ადამიანური რესურსების მართვა
- საგარეო საქმეთა სამინისტროს სტრუქტურა - დიაგრამა
- სასწავლო ცენტრი

2. საზოგადოებასთან ურთიერთობა

3. საქართველოს დიპლომატიური მისიები და გენერალური საკონსულოები საზღვარგარეთ - დიაგრამა

4. ურთიერთობა დიპლომატიურ კორპუსთან



საქართველოს საგარეო საქმეთა სამინისტრო საზღვარგარეთ საქართველოს ეროვნული ინტერესების განხორციელებას ემსახურება. ეს კი მხოლოდ მსოფლიოს სახელმწიფოებთან და საერთაშორისო ორგანიზაციებთან მჭიდრო თანამშრომლობითაა შესაძლებელი. სწორედ ამ თანამშრომლობის განვითარება და გაღრმავება წარმოადგენს საგარეო საქმეთა სამინისტროს და საქართველოს დიპლომატიური და საკონსულო წარმომადგენლობების ამოცანას.

ამ ამოცანის შესრულებისას საგარეო საქმეთა სამინისტროს თითოეული წარმომადგენელი საერთო ფასეულობებს ეყრდნობა. თითოეული ჩვენგანი ანგარიშვალდებულია ქვეყნის წინაშე, რომ სათანადო პროფესიონალიზმით, ერთგულად და პატიოსნად ემსახუროს ქვეყანას, რომლის ეროვნული ინტერესები თითოეული დიპლომატისთვის ყველაზე მაღლა დგას.

საგარეო პოლიტიკა ქვეყნის უსაფრთხოების უზრუნველყოფის ერთ-ერთი მთავარი საყრდენია. აქედან გამომდინარე, აუცილებელია, რომ საგარეო პოლიტიკა პროგნოზირებადი, მდგრადი და თანამიმდევრული ქმედებების ერთობლიობას წარმოადგენდეს, რათა საერთაშორისო ურთიერთობებში საქართველო სანდო, საიმედო და სასურველ პარტნიორად აღიქმებოდეს.

ვინაიდან საგარეო პოლიტიკის საბოლოო მიზანი საქართველოს მოქალაქეთა უსაფრთხოებისა და კეთილდღეობის განმტკიცებაა, ჩვენს მოქალაქეებს უფლება აქვთ, იცოდნენ, რა საგარეო პოლიტიკურ ქმედებებს ახორციელებს ქვეყნის მთავარი დიპლომატიური უწყება. სწორედ ამ მიზნით გადავწყვიტეთ, წლის ბოლოს გამოგვეცა წინამდებარე წლიური ანგარიში და ფართო საზოგადოებისათვის საგარეო საქმეთა სამინისტროს გასული წლის საქმიანობა ამგვარად გაგვეცნო.

2013 წელი ქართული საგარეო პოლიტიკისათვის მნიშვნელოვანი მოვლენებით მდიდარი აღმოჩნდა. ჩვენი ყველაზე დიდი მცდელობები როგორც თითოეულ ქვეყანასთან ურთიერთობისას, ასევე საერთაშორისო ფორმატებში, ოთხი მთავარი მიზნისკენ იყო მიმართული: საქართველოს ტერიტორიული მთლიანობის და სუვერენიტეტის განმტკიცებისათვის საერთაშორისო ჩართულობის უზრუნველყოფა, საქართველოს ევროპული და ევროატლანტიკური ინტეგრაციის მიზნების განხორციელების კუთხით კონკრეტული შედეგების მიღწევა, ამერიკის შეერთებულ შტატებთან სტრატეგიული თანამშრომლობის განვითარება, მეზობელ ქვეყნებთან არსებული კეთილშეზოგადი ურთიერთობების გაღრმავება და რუსეთის ფედერაციასთან ურთიერთობების დეესკალაცია ჩვენი ქვეყნის ტერიტორიული მთლიანობისა და სუვერენიტეტის სრული დაცვის საფუძველზე.

საქართველოს სუვერენიტეტისა და ტერიტორიული მთლიანობის განმტკიცებისათვის განხორციელებულ ღონისძიებებს ეძღვნება წინამდებარე წლიური ანგარიშის პირველი თავი. ანგარი-

შის ეს ნაწილი აღწერს იმ მკაცრ რეაქციას, რომელიც რუსეთის ფედერაციის მიერ საოკუპაციო ხაზის გასწვრივ მავთულხლართებისა და ღობეების გავლენას მოჰყვა და, ამავდროულად, საქართველოს არაღიარების პოლიტიკას, ლტოლვილთა და იძულებით გადაადგილებულ პირთა უსაფრთხო და ღირსეული დაბრუნების საკითხსა და ჟენევის საერთაშორისო მოლაპარაკებებს შეეხება.

წლიურ ანგარიშში, ბუნებრივია, განსაკუთრებული ადგილი ეთმობა საქართველოს ევროპული და ევროატლანტიკური ინტეგრაციის პოლიტიკას. გასული წლის ყველაზე მნიშვნელოვანი საგარეო პოლიტიკური მიღწევა უდავოდ ვილნიუსში გამართული ევროკავშირის აღმოსავლეთ პარტნიორობის სამიტი იყო. ევროკავშირთან ამ მაღალი დონის ახალმა პარტნიორობამ შეუქცევადი უნდა გახადოს საქართველოში დემოკრატიული მმართველობა და ჩვენი ქვეყნის ევროპული ინტეგრაცია. ეს ორი მიმართულება კი მჭიდროდაა ერთმანეთთან დაკავშირებული: რაც უფრო განვითარდება საქართველოში დემოკრატიული პროცესები და გაძლიერდება დემოკრატიული ინსტიტუტები, მით უფრო გაღრმავდება საქართველოს ევროკავშირთან ინტეგრაციის პროცესი. ამასთანავე, უაღრესად ინტენსიურად და ნაყოფიერად ვითარდებოდა ნატო-საქართველოს ურთიერთობები, რასაც ცხადყოფს წლის განმავლობაში განხორციელებული სხვადასხვა დონის კონტაქტების სიხშირე, წლიური ეროვნული პროგრამის შესრულების მეტად დადებითი შეფასება ალიანსის მხრიდან და ის წვლილი, რომელიც საქართველოს შეაქვს ავღანეთში საერთაშორისო უსაფრთხოების ძალების (ISAF) მხარდამჭერ მისიაში.

წინამდებარე ანგარიშში გაეცნობით 2013 წლის განმავლობაში საქართველოს ორმხრივი ურთიერთობების განვითარებას როგორც მეზობელ ქვეყნებთან და ევროპის სხვა სახელმწიფოებთან, ასევე ჩრდილოეთ და სამხრეთ ამერიკის, აზიის, ოკეანეთისა და აფრიკის ქვეყნებთან.

ათობით ოფიციალური ვიზიტისა და ამდენივე ახალი ორმხრივი შეთანხმებების წყალობით, ურთიერთობები კიდევ უფრო გაღრმავდა ევროპის ქვეყნებთან. ევროკავშირთან ასოცირების ხელშეკრულების პარაფირებამ კი ევროკავშირის წევრ-სახელმწიფოებთან ჩვენი ქვეყნის თანამშრომლობას ახალი პოლიტიკური, ეკონომიკური და კულტურული განზომილება შესძინა.

მიმდინარე წელი წარმატებული იყო აშშ-თან ჩვენი ორმხრივი თანამშრომლობის კუთხით. წელს აშშ-საქართველოს სტრატეგიული პარტნიორობის ქარტიის ფარგლებში წარმატებით ჩატარდა ოთხი სამუშაო ჯგუფის შეხვედრა, რომელზეც ორმხრივი სტრატეგიული თანამშრომლობის პოლიტიკური თუ ეკონომიკური, თავდაცვის, ენერგეტიკის, ვაჭრობისა და სხვა საკითხები იქნა განხილული.

ანგარიშში, ასევე, საუბარია იმ ნაბიჯებზე, რომელიც საქართველომ გადადგა რუსეთთან მიმართებაში. ვითარების დეესკალაციის მიზნით საქართველომ ცალმხრივად აიღო ვალდებულება ძალის არგამოყენების თაობაზე, გაუქმდა რუსეთის მოქალაქეებისათვის სავიზო რეჟიმი, განვაცხადეთ თანხმობა რუსეთის მსოფლიო სავაჭრო ორგანიზაციაში (WTO) გაწევრიანებაზე, დაინიშნა პრემიერ-მინისტრის წარმომადგენელი რუსეთის ფედერაციასთან არაფორმალური დიალოგისათვის, შეიცვალა კონფრონტაციული რიტორიკა, გადაწყდა, რომ ქართველი სპორტსმენები მონაწილეობას მიიღებენ სოჭის ზამთრის ოლიმპიადაში და სხვა. ამასთანავე, რუსეთის ფედერაციამ პრაქტიკულად გააუქმა საქართველოს მიმართ მოქმედი სავაჭრო შეზღუდვები, რაც, ასევე, მსოფლიო სავაჭრო ორგანიზაციაში რუსეთის მიერ ნაკისრ ვალდებულებებს შეესაბამება. აღდგა ორ ქვეყანას შორის სატრანსპორტო კომუნიკაციები. მოვლენათა ასეთი განვითარება ეწინააღმდეგება რუსეთის მხრიდან ისეთი არაკონსტრუქციული ქმედებები, როგორიცაა მავთულხლართებისა და ღობეების აღმართვა ოკუპაციის ხაზის გასწვრივ, რითაც უხეშად ირღვევა იქ მცხოვრები ადამიანების უფლებები და რაც კიდევ ერთხელ უხეშად ხელყოფს ჩვენი ქვეყნის სუვერენიტეტს.

სამინისტრო განსაკუთრებულ ყურადღებას უთმობს საგარეო პოლიტიკის იმ მიმართულებას, რომელსაც გლობალური პარტნიორობის განვითარებას ვუწოდებთ და, რომელიც ახლო აღმოსავლეთის, არაბული სამყაროს, აფრიკის, აზიის და ოკეანეთის რეგიონებთან ურთიერთობების გაღრმავებას ითვალისწინებს.

ამ მხრივ, 2013 წლის განმავლობაში მნიშვნელოვანი ნაბიჯები ამ რეგიონების ქვეყნებში საელჩოების გახსნის, დიპლომატიური ურთიერთობების დამყარებისა და უკვე მოქმედი საელჩოებიდან სხვა ქვეყნების დიპლომატიური გადაფარვის კუთხით. ამასთანავე, გაიმართა პოლიტიკური კონსულტაციები ზემოჩამოთვლილი რეგიონების ათამდე ქვეყანასთან და განხორციელდა, ხშირ შემთხვევაში, პირველი მაღალი დონის ვიზიტები. შედეგად, შემცირდა იმ რამდენიმე ქვეყნის რაოდენობა, რომელთაც საქართველოს ოკუპირებული რეგიონების დამოუკიდებლობა აღიარეს.

ანგარიშში ასევე შეიტყობთ საქართველოს მიერ ეკონომიკური და კულტურული დიპლომატიის კუთხით გადადგმული მნიშვნელოვანი ნაბიჯების შესახებ და გაცნობით იმ ღონისძიებებს, რომელსაც სამინისტროს საკონსულო სამსახური ახორციელებს უცხოეთში მყოფი ჩვენი მოქალაქეების ინტერესების დასაცავად და მათთვის სათანადო დახმარების აღმოსაჩენად.

საგარეო საქმეთა სამინისტროს, ბუნებრივია, ქვეყნის საგარეო ურთიერთობებში განსაკუთრებული როლი ეკისრება. შესაბამისად, დიდ მნიშვნელობას ვანიჭებ სამინისტროს როგორც მაღალკვალიფიციურ, თანამედროვე, ძლიერ სახელმწიფო უწყებად ჩამოყალიბებას. ჩემი ამოცანაა, საქართველოს დიპლომატიური სამსახური იქცეს მაღალ-პროფესიულ, ძლიერ სახელმწიფო ინსტიტუტად, რომელიც პოლიტიკური კონიუქტურისგან დამოუკიდებლად შეასრულებს მასზე დაკისრებულ მაღალ მისიას - ქვეყნის ეროვნული ინტერესების დაცვას საზღვარგარეთ. შესაბამისად, საგარეო პოლიტიკის წარმართვასთან ერთად, ჩვენი სამინისტროს ძალისხმევა ქართული სახელმწიფოს პროფესიონალური დიპლომატიური სამსახურის ინსტიტუციური გაძლიერებისა და დახვეწისკენაა მიმართული. ეს კი შესაბამისი კადრების სათანადო შერჩევით, მათი პროფესიული ზრდითა და კვალიფიკაციის მუდმივი ამაღლებით მიიღწევა. ამ მიმართულებით გასულ წელს სამინისტროში არაერთი სიახლე დაინერგა.

2014 წელს სამინისტრო მტკიცედ განაგრძობს საერთაშორისო თანამეგობრობის მხარდაჭერის კონსოლიდაციას საქართველოს ტერიტორიული მთლიანობისა და სუვერენიტეტის გასამყარებლად და გადადგამს სათანადო ნაბიჯებს ამ მხრივ საერთაშორისო თანამეგობრობის აქტიური ჩართულობის უზრუნველყოფის მიზნით. მომავალ წელს საქართველო ხელს მოაწერს ევროკავშირთან ასოცირების შეთანხმებას, რაც ჩვენი ქვეყნის ევროპული ინტეგრაციის კუთხით გარდამტეხი მოვლენა იქნება. ამასთანავე, ნატო-სთან ჩვენი ქვეყნის წარმატებული თანამშრომლობიდან გამომდინარე, რაც არაერთხელ აღიარეს ჩვენმა პარტნიორმა ქვეყნებმა, ველით, რომ მომავალ წელს კიდევ ერთ ნაბიჯს გადავდგამთ ნატოში განწევრიანების გზაზე. მომავალ წელს საქართველო განაგრძობს გლობალური პარტნიორობის გაფართოვებას მსოფლიოს ყველა რეგიონში, რაც კიდევ უფრო გაზრდის საქართველოს მეგობარ სახელმწიფოთა რაოდენობას.

წინამდებარე ანგარიში საგარეო უწყების მხრიდან ფართო საზოგადოებასთან კომუნიკაციის პირველი ამგვარი მცდელობაა. იმედია, თქვენთვის საინტერესო აღმოჩნდება მიღებული ინფორმაცია ჩვენი ქვეყნის საგარეო პოლიტიკისა და საგარეო საქმეთა სამინისტროს მიერ გასულ წელს გაწეული საქმიანობის შესახებ.

1. საქართველოს სუვერენიტეტისა და გეოპოლიტიკური მთლიანობის განმტკიცება

საქართველოს ოკუპირებული რეგიონების დოკუმაცია
და რუსეთ-საქართველოს კონფლიქტის გზავილობიანი
გზით მოგვარება

2013 წლის განმავლობაში საქართველოს საგარეო საქმეთა სამინისტრომ განაგრძო ძალისხმევა რუსეთის ფედერაციასთან დაძაბული ურთიერთობების ეტაპობრივი დე-ესკალაციის მიზნით, საქართველოს სუვერენიტეტისა და საერთაშორისოდ აღიარებულ საზღვრებში ტერიტორიული მთლიანობის პრინციპის სრული პატივისცემის საფუძველზე.

სამწუხაროდ, საქართველოს მთავრობის მხრიდან გადადგმულ კონკრეტულ, კონსტრუქციულ ნაბიჯებს რუსეთის ფედერაციის მხრიდან მთელი რიგი პროვოკაციები მოჰყვა, რაც რუსეთის საოკუპაციო ჯარის მიერ აფხაზეთისა და ცხინვალის რეგიონების საოკუპაციო ხაზის გასწვრივ მავთულხლართებისა და სხვა ხელოვნური ბარიერების აღმართვით გამოიხატა. აღნიშნულმა უკანონო ქმედებებმა კიდევ უფრო დაამძიმა ადგილობრივი მოსახლეობის ჰუმანიტარულ მდგომარეობა და მნიშვნელოვნად შეზღუდა საერთაშორისოდ აღიარებული მათი უფლებები და თავისუფლებები, მათ შორის, თავისუფალი გადაადგილების, საკუთარ სასოფლო სამეურნეო ნაკვეთებზე საქმიანობის წარმოების, არსებულ საფლავებზე რიტუალების ჩატარების და გადაუდებელი და პირველადი სამედიცინო დახმარების მიღების უფლება. შექმნილი ჰუმანიტარული კრიზისის გამო, საოკუპაციო ხაზის გასწვრივ მიმდებარე სოფლებში მცხოვრები ოჯახები იძულებული გახდნენ, დაეტოვებინათ საკუთარი საცხოვრებელი ადგილები, რამაც იძულებით გადაადგილებულ პირთა ახალი ტალღა წარმოშვა.

საოკუპაციო ხაზის გასწვრივ რუსეთის საოკუპაციო ჯარების მიერ მავთულხლართებისა და სხვა ხელოვნური ბარიერების აღმართვასთან დაკავშირებული საკითხი მუდმივად იდგა ორმხრივი და მრავალმხრივი შეხვედრების დღის წესრიგში; ქართული მხარის პოზიციის დაფიქსირება ხდებოდა საქართველოს დელეგაციების გამოსვლებში მრავალმხრივ ფორუმებზე.

4 ოქტომბერს შედგა საქართველოში აკრედიტებული დიპლომატიური კორპუსის წარმომადგენლების ვიზიტი ცხინვალის რეგიონის საოკუპაციო ხაზთან მიმდებარე სოფლებში, კერძოდ, გორის რაიონის სოფ. დიდ ხურვალეთსა და დიცში და ქარელის რაიონის

საქართველოს მთავრობის მიერ გადადგმული ნაბიჯები რუსეთთან ურთიერთობის დეესკალაციის მიზნით

■ 2012 წლის 1 ნოემბერს საქართველოს პრემიერ-მინისტრმა რუსეთის ფედერაციასთან ურთიერთობების საკითხებში თავის სპეციალურ წარმომადგენლად ზურაბ აბაშიძე დანიშნა. ქართული მხარის საპასუხოდ, საქართველოსთან არაფორმალური დიალოგის წარმართვა რუსეთის მხარემ რუსეთის ფედერაციის საგარეო საქმეთა მინისტრის მოადგილე - სტატს-მდივანს გრიგორი კარასინს დააკისრა. 2012-2013 წლების განმავლობაში ზურაბ აბაშიძემ და გრიგორი კარასინმა არაოფიციალური დიალოგის ფარგლებში ხუთი შეხვედრა გამართეს;

■ 2013 წლის 7 მარტს საქართველოს პარლამენტმა მიიღო რეზოლუცია „საქართველოს საგარეო პოლიტიკის ძირითადი მიმართულებების შესახებ“, რომელშიც დაადასტურა 2010 წელს საქართველოს მიერ ცალმხრივად აღებული ვალდებულება ძალის გამოყენების შესახებ;

■ 2013 წლის 2 მაისს საქართველოს ეროვნულმა ოლიმპიურმა კომიტეტმა მიიღო გადაწყვეტილება სოჭის ოლიმპიურ თამაშებში მონაწილეობის თაობაზე.

სოფ. დვანში. დიპლომატიური კორპუსის წარმომადგენლები რუსეთის საოკუპაციო ჯარების მიერ მავთულხლართების აღმართვის შედეგად შექმნილ საგანგაშო მდგომარეობას გაეცნენ. საქართველოში აკრედიტებული ელჩების მხრიდან ხაზგასმით აღინიშნა, რომ რუსეთის აგრესიული და საერთაშორისო სამართლის ნორმებისა და პრინციპების საწინააღმდეგო პოლიტიკა უხეშად არღვევს საოკუპაციო ხაზის მიმდებარე ზონებში მცხოვრები მოსახლეობის ფუნდამენტურ უფლებებსა და თავისუფლებებს და მძიმე ჰუმანიტარულ შედეგებს იწვევს.

რუსეთის აგრესიულ და საერთაშორისო სამართლის ნორმებისა და პრინციპების საწინააღმდეგო პოლიტიკას მკაცრი რეაქცია მოჰყვა საერთაშორისო თანამეგობრობის მხრიდან. საოკუპაციო ხაზის გასწვრივ მავთულხლართების გავლების პროცესის დამგმობი ოფიციალური განცხადება გააკეთეს ნატო-ს გენერალურმა მდივანმა ანდერს ფოგ რასმუსენმა, უსაფრთხოებისა და საგარეო პოლიტიკის საკითხებში ევროკავშირის უმაღლესმა წარმომადგენელმა კეტრინ ეშტონმა, ევროკავშირის საბჭოს უსაფრთხოებისა და პოლიტიკურ კომიტეტში (PSC) ევროკავშირის წევრი-სახელმწიფოების ელჩებმა, ეუთო-ს საპარლამენტო ასამბლეის წარმომადგენელმა სანჩეზ ამორმა, ევროპის საბჭოს საპარლამენტო ასამბლეის მონიტორინგის კომიტეტის საქართველოზე მომხსენებლებმა ასტრუპ იენსენმა და ბორის ჩილევჩიმა, აშშ-ის სახელმწიფო დეპარტამენტმა, საქართველოში აშშ-ისა და იაპონიის საელჩოებმა. გარდა ამისა, საერთაშორისო ორგანიზაციების ფარგლებში, აშშ-ის, ევროკავშირის და სხვა პარტნიორი სახელმწიფოების დელეგაციებმა არაერთხელ მოუწოდეს რუსეთს საერთაშორისო ვალდებულებების, მათ შორის, 2008 წლის 12 აგვისტოს ცეცხლის შეწყვეტის შეთანხმების შესრულებისკენ.



ჩვენ შემოთავაზებით აღვნიშნავთ რუსეთის უსაფრთხოების ძალების მიერ ლოპხევისა და სხვა ფიზიკური ბარიერების აღმართვას საქართველოს ოკუპირებული ტერიტორიების ადმინისტრაციული საზღვრების გასწვრივ. ეს პროცესი წინააღმდეგობაში შედის რუსეთის საერთაშორისო ვალდებულებებსა და საერთაშორისოდ აღიარებული საზღვრების ფარგლებში საქართველოს ტერიტორიული მთლიანობისა და სუვერენიტეტის პრინციპთან. ასევე ბორდერიზაცია აზარალებს ნდობას მხარეებს შორის და სირთულეებს უქმნის ადმინისტრაციული საზღვრის ორივე მხარეს მცხოვრები საქართველოს მოქალაქეებისთვის და ჩვენ რუსეთის ფედერაციას მოვუწოდებთ ბარიერების მოხსნისა და საქართველოში კონფლიქტთან დაკავშირებული პრობლემების თაობაზე შენევის საერთაშორისო დისკუსიას მიმართვისკენ. აშშ-ის სახელმწიფო დეპარტამენტის პრეს-სპიკერის მოადგილის მარი ჰარფის განცხადება.

“ვითარება, რასაც ჩვენ ვხედავთ, ტრაგიკულია. მე ეს მაგონებს ბერლინის კედელს, როდესაც ხელოვნურად აღმართული ბარიერებით ხდება ხალხის დაშორიშორება, ადამიანები ვერ ახერხებენ თავის მინდვრებზე და წინაპრების საფლავებზე გასვლას“. საქართველოში აშშ-ის ელჩის ბ-ნი რიჩარდ ნორლანდის განცხადება ცხინვალის რეგიონის საოკუპაციო ხაზის გასწვრივ მავთულხლართების გავლებასთან დაკავშირებით

„ღრმა შემოთავაზებით აღვნიშნავ რუსეთის ფედერაციის განგრძობად აქტივობებს, რომელიც უკავშირდება საქართველოში ადმინისტრაციული ხაზის გასწვრივ მავთულხლართების და სხვა დაბრკოლებების განთავსების პროცესს. ეს ეწინააღმდეგება რუსეთის მიერ ნაკისრ საერთაშორისო ვალდებულებებს და ხელს არ უწყობს კონფლიქტის მშვიდობიან მოგვარებას. ამას ნეგატიური გავლენა აქვს ადგილზე არსებულ სიტუაციაზე და იმ ადამიანების ცხოვრებაზე, რომლებიც საქართველოში ადმინისტრაციული ხაზის ორივე მხარეს ცხოვრობენ. მე მოვუწოდებ რუსეთს ამ ბარიერების აღებისკენ. ნატო-ს პოზიცია ნათელია. როგორც გაცხადდა ჩიკაგოს სამიტზე, ალიანსი მხარს უჭერს საქართველოს ტერიტორიულ მთლიანობას და სუვერენიტეტს მის საერთაშორისოდ აღიარებულ საზღვრებში. ჩვენ მოვუწოდებთ რუსეთს, უკან წაიღოს სამხრეთ ოსეთისა და აფხაზეთის აღიარება.“ ნატოს გენერალური მდივანი ანდერს ფოგ რასმუსენი, 2013 წლის 2 ოქტომბერი

6 სექტემბრის ევროკავშირის საბჭოს მიერ მიღებული გადაწყვეტილებით, საქართველოში ევროკავშირის სადამკვირვებლო მისიის (EUMM) მანდატი გაგრძელდა 15 თვით, 2014 წლის 14 დეკემბრამდე. ამასთან, დაინიშნა მისიის ახალი ხელმძღვანელი ტოივო კლაარი. საქართველოს მთავრობა დიდად აფასებს ევროკავშირის სადამკვირვებლო მისიის, როგორც საქართველოს ტერიტორიაზე მოქმედი ერთადერთი საერთაშორისო მექანიზმის საქმიანობას, რაც საქართველოში უსაფრთხოებისა და სტაბილურობის შენარჩუნებას უზრუნველყოფს. ევროკავშირის სადამკვირვებლო მისია განსაკუთრებულ მნიშვნელობას იძენს საქართველოს წინააღმდეგ მიმართული რუსეთის პროვოკაციული პოლიტიკისა და აფხაზეთისა და ცხინვალის რეგიონების საოკუპაციო ხაზის გასწვრივ მიმდინარე საგანგაშო პროცესების გათვალისწინებით.

“ევროკავშირის უმაღლესი წარმომადგენელი დიდ შემოწმებას გამოთქვამს რუსეთის უშიშროების ძალების მიერ საქართველოში, ცენტრალური ხელისუფლების მიერ კონტროლირებად ტერიტორიასა და აფხაზეთისა და სამხრეთ ოსეთის რეგიონების შორის არსებული ადმინისტრაციული გამყოფი

ხაზის გასწვრივ ღობეებისა და სხვა დაბრკოლებების აღმართვის მიზნით საქმიანობის გაგრძელებასა და გააქტიურებას. ეს საქმიანობა არღვევს საქართველოს ტერიტორიულ მთლიანობას, უქმნის მნიშვნელოვან სირთულეებს მოსახლეობას ადმინისტრაციული გამყოფი ხაზის ორივე მხარეს და წარმოშობს სერიოზულ გამოწვევას სტაბილურობისა და უსაფრთხოებისთვის ამ რეგიონებში.

ევროკავშირის უმაღლესი წარმომადგენელი მოუწოდებს რუსეთის ფედერაციას უზრუნველყოს ამ ბარიერების მოხსნა. ის კვლავ ადასტურებს ევროკავშირის მიერ საერთაშორისოდ აღიარებულ საზღვრებში საქართველოს ტერიტორიული მთლიანობის მხარდაჭერას. 2013 წლის 30 სექტემბერს საქართველოში სტუმრობისას ევროკავშირის პოლიტიკისა და უსაფრთხოების კომიტეტის წარმომადგენლები ეწვევნ ადმინისტრაციულ გამყოფ ხაზსა და ევროკავშირის სადამკვირვებლო მისიას.”

საგარეო და უსაფრთხოების პოლიტიკის საკითხებში ევროკავშირის უმაღლესი წარმომადგენლის კეტრინ ემტონის პრესსპიკერის განცხადება

არალიარების პოლიტიკა

საქართველოს საგარეო საქმეთა სამინისტროს ერთ-ერთ მთავარ პრიორიტეტად რჩება საქართველოს ოკუპირებული რეგიონების - აფხაზეთი და ცხინვალის რეგიონი - არალიარების პოლიტიკის გაგრძელება, საერთაშორისო თანამეგობრობის მტკიცე მხარდაჭერით. ამ კუთხით, წლის განმავლობაში საგარეო უწყება მიმართავდა ძალისხმევას, რათა მოეხდინა საერთაშორისო საზოგადოებისა და მისი ცალკეული წევრების ინფორმირება საქართველოში განხორციელებული მრავალჯერადი ეთნიკური წმენდის, რუსეთ-საქართველოს კონფლიქტისა და საქართველოს განუყოფელი რეგიონების მიმდინარე ოკუპაციის შესახებ. საგარეო საქმეთა სამინისტროს საქმიანობის შედეგად გასული წლის მანძილზე საქართველოს ოკუპირებული რეგიონების არალიარების პოლიტიკა წარმატებით განხორციელდა. 12 ივლისს ქალაქ ნიუ-იორკში საქართველოსა და ვანუატუს რესპუბლიკას შორის ხელი მოეწერა ოქმს დიპლომატიური და საკონსულო ურთიერთობების დამყარების შესახებ. საქართველოსთან დიპლომატიური ურთიერთობების დამყარებით, ვანუატუს მთავრობამ საბოლოოდ

“ვანუატუს რესპუბლიკა აღიარებს საქართველოს ტერიტორიულ მთლიანობას მის საერთაშორისოდ აღიარებულ საზღვრებში, მისი რეგიონების - აფხაზეთის ავტონომიური რესპუბლიკისა და ცხინვალის რეგიონის/სამხრეთ ოსეთის ჩათვლით”. ოქმი საქართველოსა და ვანუატუს რესპუბლიკას შორის დიპლომატიური და საკონსულო ურთიერთობების დამყარების შესახებ

დაუსვა წერტილი ოკუპირებული აფხაზეთის რეგიონის აღიარებასთან დაკავშირებული საკითხის ირგვლივ მანამდე არსებულ გაუგებრობას, რაც წარმოადგენს მისი მხრიდან საქართველოს სუვერენიტეტისა და ტერიტორიული მთლიანობის ერთმნიშვნელოვანი მხარდაჭერისა და საერთაშორისო სამართლის პრინციპების პატივისცემის ცალსახა დადასტურებას.

იძულებით გადაადგილებულ პირთა და ლტოლვილთა უსაფრთხო და ღირსეული დაბრუნება

საერთაშორისო თანამეგობრობის მხრიდან არაერთგზის გაჟღერებული მოწოდების მიუხედავად, აფხაზეთისა და ცხინვალის რეგიონებში განხორციელებული ეთნიკური წმენდის მსხვერპლნი მოკლებული არიან საკუთარ საცხოვრებელ ადგილებში დაბრუნების შესაძლებლობას, რაც ფუნდამენტურ უფლებას წარმოადგენს. საგარეო უწყება აქტიურ ძალისხმევას მიმართავს ოკუპირებული ტერიტორიებიდან დევნილი მოსახლეობის საერთაშორისოდ აღიარებული უფლებების დაცვისაკენ.

13 ივნისს ქალაქ ნიუ-იორკში, გაერო-ს გენერალური ასამბლეის 67-ე სესიის ფარგლებში მიღებულ იქნა რეზოლუცია „აფხაზეთიდან, საქართველო და ცხინვალის რეგიონიდან/სამხრეთ ოსეთი, საქართველო იძულებით გადაადგილებულ პირთა და ლტოლვილთა სტატუსის შესახებ“. რეზოლუცია გმობს საქართველოს ოკუპირებულ რეგიონებში ძალისმიერი გზით განხორციელებულ დემოგრაფიულ ცვლილებებს, ხაზს უსვამს საკუთარ სახლებში ღირსეული და უსაფრთხო დაბრუნების აუცილებლობას ეთნიკური კუთვნილების მიუხედავად, ყურადღებას ამახვილებს დევნილთა საკუთრების უფლების პატივისცემისა და დაცვის აუცილებლობაზე. აღსანიშნავია, რომ 2012 წელთან შედარებით, რეზოლუციის მომხრეთა რიცხვი 2 სახელმწიფოთი გაიზარდა და შეადგინა 62, რაც ადასტურებს საერთაშორისო თანამეგობრობის მზარდ მხარდაჭერას საქართველოს ოკუპირებული რეგიონებიდან იძულებით გადაადგილებულ პირთა ფუნდამენტური უფლებების განხორციელების უზრუნველსაყოფად.

10-15 ივნისს საქართველოს ოფიციალური ვიზიტით ეწვია იძულებით გადაადგილებულ პირთა უფლებების საკითხებში გაერო-ს სპეციალური მომხსენებელი ჩალოკა ბეიანი. ვიზიტის მიზანი იყო საქართველოში იძულებით გადაადგილებულ პირთა მდგომარეობის გაცნობა. ვიზიტის ფარგლებში ჩალოკა ბეიანმა შეხვედრები გამართა მთავრობის წარმომადგენლებთან, მათ შორის, საგარეო საქმეთა მინისტრთან, და მოინახულა საქართველოს მთავრობის მიერ იძულებით გადაადგილებულ პირთათვის აშენებული კომპაქტური დასახლებები შიდა ქართლსა და დასავლეთ საქართველოში. აღსანიშნავია, რომ შიდა ქართლში ვიზიტის ფარგლებში ჩალოკა ბეიანი გორის რაიონის სოფელ გუგუთიანთკარს ეწვია, სადაც მას შესაძლებლობა მიეცა, გასცნობოდა რუსეთის სამხედრო ძალების მიერ ცხინვალის რეგიონის საოკუპაციო ხაზის გასწვრივ მავთულხლართების გავლების პროცესს.

ქენევის საერთაშორისო მოლაპარაკებები

საქართველოს მთავრობა ქენევის მოლაპარაკებებს განიხილავს როგორც ერთადერთ ფორმატს რუსეთის ფედერაციასთან უსაფრთხოებასა და სტაბილურობასთან დაკავშირებული (ძალის გამოუყენებლობისა და საერთაშორისო უსაფრთხოების მექანიზმები) და ჰუმანიტარული (იძულებით გადაადგილებულ პირთა) საკითხების განსახილველად, ევროკავშირის, გაერო-სა და ეუთო-ს თანათავმჯდომარეობით. ქენევის მოლაპარაკებების ძირითად მიზანს 2008 წლის 12 აგვისტოს ცეცხლის შეწყვეტის შეთანხმების შესრულების უზრუნველყოფა წარმოადგენს.

2013 წლის განმავლობაში ქენევის საერთაშორისო მოლაპარაკებების ოთხი რაუნდი გაიმართა. სამწუხაროდ, რუსეთის ფედერაციის მხრიდან სამუშაო ჯგუფებში არაერთხელ ჰქონდა ადგილი მიმდინარე მოლაპარაკებების შეფერხებისა და არსებული შეთანხმებული ფორმატის შეცვლის უკანონო მცდელობას, რაც თანა-თავმჯდომარეების ერთობლივი ძალისხმევის შედეგად აღიკვეთა.



ქენევის მოლაპარაკებების პირველი სამუშაო ჯგუფის ფარგლებში საქართველოს მიზანს რუსეთის ფედერაციასთან ძალის გამოუყენებლობის შეთანხმების მიღწევა და ოკუპირებულ რეგიონებში უსაფრთხოების საერთაშორისო მექანიზმების შექმნა წარმოადგენს. სამწუხაროდ, რუსეთის ფედერაცია კვლავ უარს აცხადებს, აიღოს ძალის გამოუყენებლობის ვალდებულება, საქართველოს პრეზიდენტის მიერ 2010 წელს აღებული და 2013 წლის მარტში საქართველოს პარლამენტის მიერ დადასტურებული ცალმხრივი, იურიდიული ძალის მქონე ვალდებულების საპასუხოდ. ქენევის მოლაპარაკებების პირველი სამუშაო ჯგუფის ფარგლებში აქტიურად განიხილება საოკუპაციო ხაზის გასწვრივ რუსეთის უკანონო ქმედებები მავთულხლართებისა და მიწათხრილების გავლებასთან დაკავშირებით.

ქენევის მოლაპარაკებების მეორე სამუშაო ჯგუფის ფარგლებში ქართული მხარის პრიორიტეტს წარმოადგენს იძულებით გადაადგილებულ პირთა და ლტოლვილთა საკუთარ საცხოვრებელ ადგილებში დაბრუნების უზრუნველსაყოფად კონკრეტული ნაბიჯების გადადგმა. ამასთან, ქართული მხარის ძალისხმევა მიმართულია საქართველოს ოკუპირებულ რეგიონებსა და მიმდებარე ზონებში მცხოვრები მოსახლეობის ჰუმანიტარული და ადამიანის უფლებების მდგომარეობის გაუმჯობესებისკენ.



ევროპულ და ევროატლანტიკურ სტრუქტურებში ინტეგრაცია ქვეყნის საგარეო პოლიტიკის ქვაკუთხედს წარმოადგენს, რომელიც ეფუძნება საქართველოს მოქალაქეთა არჩევანს. ნატო-სა და ევროკავშირში ინტეგრაციის კურსს იზიარებენ ქვეყნის ძირითადი პოლიტიკური პარტიები, რასაც საქართველოს პარლამენტის 2013 წლის მარტის რეზოლუციაც ადასტურებს. საქართველო საერთო ევროპული ფასეულობებისა და პრინციპების ერთგულია, შესაბამისად, ხელისუფლება განაგრძობს ევროპული და ევროატლანტიკური ინტეგრაციის დღის წესრიგით გათვალისწინებული რეფორმების კურსს, რაც ქვეყნის შემდგომი დემოკრატიული განვითარების საწინდარია.

საქართველოს მთავრობა აგრძელებს ინტენსიურ მუშაობას ევროკავშირში ეტაპობრივი ინტეგრაციის მიმართულებით „აღმოსავლეთ პარტნიორობით“ გახსნილი ახალი შესაძლებლობების სრულად გამოყენების გზით. ეს ინიციატივა ევროკავშირთან პოლიტიკური ასოცირებისა და ეკონომიკური ინტეგრაციის სოლიდურ საფუძვლებს ქმნის და, ამ ეტაპზე, წარმოადგენს ეფექტურ პოლიტიკას საქართველოს საგარეო პოლიტიკური კურსის განხორციელებისათვის. ამ პროცესში, დიდი მნიშვნელობა ენიჭება ქვეყანაში ევროკავშირისა და, კონკრეტულად, „აღმოსავლეთ პარტნიორობის“ სათანადოდ წარმოჩენას, რაც საქართველოსა და ევროკავშირის ერთობლივი ძალისხმევით ხორციელდება.

2008 წლის პაპრილს ნატო-ს ბუქარესტის სამიტზე მოკავშირეებმა მიიღეს გადაწყვეტილება, რომ საქართველო ნატო-ს წევრი გახდება. ამ გადაწყვეტილების განხორციელება ქართველი ხალხისა და მთავრობის ერთ-ერთი უმთავრესი ამოცანაა. შესაბამისად, საგარეო საქმეთა სამინისტრო, ქართველი დიპლომატები და მათ შორის საქართველოს წარმომადგენლობა ნატო-სთან მაქსიმალურ ძალისხმევას მიმართავენ, რათა მივალწიოთ შემდგომ, არსებით პროგრესს ნატო-ში ინტეგრაციის გზაზე და კიდევ უფრო დავუახლოვდეთ საბოლოო მიზანს - ალიანსის წევრობას. ინტეგრაციის პროცესში ჩვენი ქვეყანა განაგრძობს ნატო-სთან აქტიურ პოლიტიკურ დიალოგსა და პრაქტიკულ თანამშრომლობას, რისთვისაც ეფექტიანად იყენებს ისეთ ინტეგრაციულ მექანიზმებს, როგორიცაა ნატო-საქართველოს კომისია (NGC) და წლიური ეროვნული პროგრამა (ANP). ამასთანავე, საქართველოს, როგორც ალიანსის საიმედო პარტნიორსა და მომავალ წევრს, საკუთარი წვლილი შეაქვს საერთო ევროატლანტიკური უსაფრთხოების განმტკიცებაში.

ვსაქართველოს ევროპულ დემოკრატიად დამკვიდრება და მისი ინტეგრირება ევროპულ და ევროატლანტიკურ სტრუქტურებში ყველაზე საიმედო გზაა ქვეყნის მშვიდობიანი და უსაფრთხო მომავლის უზრუნველსაყოფად. ამ კონტექსტში, ჩვენ მივესალმებით ევროპარლამენტის 2013 წლის 12 სექტემბრის რეზოლუციას, რომელიც ხაზს უსვამს პარტნიორი ქვეყნების სუვერენულ უფლებას, დამოუკიდებლად აირჩიონ საგარეო პოლიტიკური კურსი, და მესამე ქვეყნის მიერ ამ არჩევანის პატივისცემისა და ქვეყნის საშინაო საქმეებში ჩაურევლობის აუცილებლობას.

აღმოსავლეთ პარტნიორობის ვილნიუსის სამიტ- ახალი ეტაპი ევროინტეგრაციის გზაზე



„აღმოსავლეთ პარტნიორობის“ ვილნიუსის სამიტი - ევროკავშირთან თანამშრომლობის წლის უმაღლესი ღონისძიება

ვილნიუსის სამიტს საქართველო-ევროკავშირის თანამშრომლობის შემდგომი განვითარებისათვის ისტორიული დატვირთვა გააჩნია:

■ სამიტზე პარაფირებულ იქნა „საქართველო-ევროკავშირის ასოცირების შესახებ შეთანხმება“;

■ ხელი მოეწერა „ევროკავშირის ეგიდით მიმდინარე კრიზისის მართვის ოპერაციებში მონაწილეობის შესახებ ჩარჩო შეთანხმებას“;

■ საქართველომ შეძლო სავიზო რეჟიმის ლიბერალიზაციის სამოქმედო გეგმის შესრულების კუთხით მნიშვნელოვანი პროგრესის დემონსტრირება და ევროკავშირთან თანამშრომლობის სხვა პრიორიტეტულ სფეროებში კონკრეტული შედეგების წარმოჩენა, რაც სამიტზე დადებითად შეფასდა;

■ „აღმოსავლეთ პარტნიორობის“ ერთობლივმა დეკლარაციამ, ასევე, ევროკავშირთან თანამშრომლობის პროგრესულად განვითარების სამომავლო პრიორიტეტები განსაზღვრა.

28-29 ნოემბერს ლიტვის დედაქალაქ ვილნიუსში ევროკავშირის „აღმოსავლეთ პარტნიორობის“ მესამე სამიტი გაიმართა. სამიტზე საქართველომ, სხვა პარტნიორ ქვეყნებთან ერთად, ევროკავშირთან დაახლოების კუთხით მიღწეული მნიშვნელოვანი პროგრესი წარმოაჩინა, რის გამოც მას „შედეგების სამიტი“ (Summit of Deliverables) ეწოდა.

საქართველომ 2013 წლის განმავლობაში მნიშვნელოვანი ძალისხმევა გასწია „აღმოსავლეთ პარტნიორობის“ საგზაო რუკის ეფექტიანი იმპლემენტაციის კუთხით, რომელიც „აღმოსავლეთ პარტნიორობის“ 2011 წლის ვარშავის სამიტის შემდეგ შემუშავდა, როგორც ვილნიუსის სამიტამდე ევროკავშირთან დაახლოების სამოქმედო გეგმა.

ვილნიუსის სამიტის ფარგლებში საქართველო-ევროკავშირის ასოცირების შესახებ შეთანხმების პარაფირებასა და ევროკავშირის მისიებში მონაწილეობის შესახებ ჩარჩო შეთანხმების ხელმოწერასთან ერთად მიღებულ იქნა

სამიტის ერთობლივი დეკლარაცია, რომელიც:

- აღიარებს „აღმოსავლეთ პარტნიორობის“ განსაკუთრებულ როლს იმ პარტნიორობისთვის, ვისაც ევროკავშირთან უპრეცედენტოდ მჭიდრო თანამშრომლობის სურვილი აქვს;
- აღნიშნავს, რომ თითოეულ პარტნიორს აქვს სუვერენული უფლება თავისუფლად აირჩიოს ევროკავშირთან თანამშრომლობის ამბიციის დონე და მიზნები;
- კიდევ ერთხელ აღიარებს პარტნიორობის ქვეყნების ევროპულ მისწრაფებებსა და ევროპულ არჩევანს;

- აღნიშნავს, რომ ერთიანი ფასეულობების პატივისცემისა და ასოცირების შესახებ შეთანხმებების იმპლემენტაციის საფუძველზე პარტნიორ ქვეყნებს ევროკავშირთან ურთიერთობების პროგრესულად გაღრმავების შესაძლებლობა ეძლევათ;

- ადასტურებს „აღმოსავლეთ პარტნიორობის“ ისეთ მნიშვნელოვან პრინციპებს, როგორიცაა პარტნიორი ქვეყნების დიფერენციაცია, აღმოსავლეთ პარტნიორობის ინიციატივის ერთიანი მფლობელობა და მასზე საერთო პასუხისმგებლობა, რაც ყოველი პარტნიორის მისწრაფებებისა და საჭიროებების უკეთ გათვალისწინების შესაძლებლებას იძლევა;

- ხაზს უსვამს ევროკავშირთან სავიზო რეჟიმის ეტაპობრივი ლიბერალიზაციის მნიშვნელობას და აღნიშნავს, რომ საქართველომ მნიშვნელოვან პროგრესს მიაღწია სავიზო რეჟიმის ლიბერალიზაციის სამოქმედო გეგმის პირველი ფაზის იმპლემენტაციის კუთხით;

- აღიარებს ენერგო უსაფრთხოების უზრუნველყოფის მნიშვნელობას და ამ კუთხით, სამხრეთ დერეფნის, ასევე, აზერბაიჯან-საქართველო-რუმინეთის თხევადი გაზის ტრანსპორტირების AGRI LNG პროექტების როლს.

- მიესალმება ევროკავშირის გაძლიერებულ როლს კონფლიქტის მშვიდობიანი მოგვარების საქმეში და ხაზს უსვამს კონფლიქტის შეძლებისდაგვარად ადრეულ ეტაპზე მოგვარების საჭიროებას, საერთაშორისო სამართლის პრინციპებსა და ნორმებზე დაყრდნობით.

- მხარს უჭერს სამხრეთ კავკასიასა და საქართველოში კრიზისის საკითხებში ევროკავშირის სპეციალური წარმომადგენლის საქმიანობას. ხაზგასმით აღნიშნავს 2008 წლის 12 აგვისტოს ცეცხლის შეწყვეტის შეთანხმების სრულად განხორციელების საჭიროებას, საქართველოში ევროკავშირის მონიტორინგის მისიის არსებობის მნიშვნელობას, საქართველოში ევროკავშირის მონიტორინგის მისიის (EUMM) მანდატის სრულყოფილად განხორციელების საჭიროებას და ადასტურებს მხარდაჭერას ჟენევის საერთაშორისო მოლაპარაკებების მიმართ.

- განსაზღვრავს მიზნებს, რომლებიც 2015 წლის რიგის სამიტამდე უნდა განხორციელდეს. მათ შორის, აღსანიშნავია, ასოცირების შესახებ შეთანხმების - ღრმა და ყოვლისმომცველი თავისუფალი ვაჭრობის სივრცის ((Deep and Comprehensive Free Trade Area – DCFTA) ჩათვლით - 2014 წლის შემოდგომაზე ხელმოწერა, მისი დროებითი ამოქმედება, რატიფიკაციის პროცესის ხელშეწყობა და 2014 წელს, შეძლებისდაგვარად მოკლე ვადაში, ასოცირების დღის წესრიგის შემუშავება.

- განსაზღვრავს ყველა პრიორიტეტული მიმართულებით თანამშრომლობის განვითარების ამბიციურ გეგმებს.

სამიტის ფარგლებში გაიმართა საქართველოს პრეზიდენტის გიორგი მარგველაშვილის და საგარეო საქმეთა მინისტრის მაია ფანჯიკიძის ორმხრივი შეხვედრები ევროკავშირის ინსტიტუტებისა და წევრი ქვეყნების უმაღლესი და მაღალი რანგის თანამდებობის პირებთან. საქართველოს დელეგაციის მიერ სამიტზე ორმხრივი შეხვედრების დროს განსაკუთრებით გაესვა ხაზი ქვეყნის დემოკრატიულ განვითარებას, ევროპული არჩევანის შეუქცევადობას, საქართველოს ტერიტორიული მთლიანობის აღდგენის მნიშვნელობას და ევროკავშირის როლს ქვეყანაში უსაფრთხოებისა და სტაბილურობის განმტკიცებაში.

„აღმოსავლეთ პარტნიორობის“ ვილნიუსის სამიტის ფარგლებში, ასევე, გაიმართა საპარლამენტო ფორუმი, ბიზნეს ფორუმი და სამოქალაქო საზოგადოების კონფერენცია.



ასოციაციის შესახებ შეთანხმება – საქართველოს ევროპეიზაცია შეუქმნადი გახდება

საქართველო-ევროკავშირის ასოცირების შესახებ შეთანხმებაზე მოლაპარაკებები 2013 წლის ივლისში დასრულდა.

მოლაპარაკებების დასრულების შემდეგ, ევროკავშირისა და საქართველოს მიერ გაწეული მნიშვნელოვანი ძალისხმევის შედეგად, შესაძლებელი გახდა შეთანხმების პარაფირება ვილნიუსის სამიტზე. ევროკავშირის შიდა პროცედურების გათვალისწინებით, შეთანხმების პარაფირებიდან ხელმოწერამდე დაახლოებით 9-10 თვეა საჭირო. აღსანიშნავია, რომ 2013 წლის დეკემბერში, ევროპულმა საბჭომ მიიღო გადაწყვეტილება, შეთანხმებას ხელი მოეწეროს შეძლებისდაგვარად მოკლე ვადაში, არაუგვიანეს 2014 წლის აგვისტოს ბოლოსთვის.

წლის განმავლობაში ასევე, მიმდინარეობდა აქტიური კონსულტაციები ევროკავშირის მხარესთან ასოცირების დღის წესრიგის შემუშავების, ასოცირების შესახებ შეთანხმების ხელმოწერის, დროებითი გამოყენებისა და ძალაში შესვლის თაობაზე. შეთანხმების ხელმოწერის შემდეგ, მის ძალაში სრულად შესვლამდე შეთანხმების უმეტესი ნაწილი, მათ შორის, ვაჭრობასა და ეკონომიკურ თანამშრომლობასთან დაკავშირებული

„ეს ძალზედ მნიშვნელოვანი ეტაპია, როგორც საქართველოსთვის, ასევე, ევროკავშირისთვის; იგი ხსნის გზას ფართომასშტაბიანი მოდერნიზაციისა და რეფორმებისათვის, რაც ეფუძნება საერთო ფასეულობებს, ევროკავშირთან პოლიტიკურ ასოცირებასა და ეკონომიკურ ინტეგრაციას“.

■ საგარეო საქმეთა და უსაფრთხოების პოლიტიკის საკითხებში ევროკავშირის უმაღლესი წარმომადგენელი ქეტრინ ეშტონი და გაფართოებისა და ევროპული სამეზობლო პოლიტიკის საკითხებში ევროკომისარი შტეფან ფულე საქართველოსა და ევროკავშირის შორის ასოცირების შესახებ შეთანხმებაზე მოლაპარაკებების დასრულებასთან დაკავშირებით;

24 ივლისი, 2013

2013 წლის განმავლობაში გაიმართა:

- მოლაპარაკებების 3 პლენარული სესია შეთანხმების პოლიტიკურ ნაწილზე;
- 2 რაუნდი - ღრმა და ყოვლისმომცველ თავისუფალ სავაჭრო სივრცეზე;
- 30-მდე ვიდეო-კონფერენცია დარგობრივი თანამშრომლობის თავებზე
- შეთანხმება დაახლოებით 1000 გვერდია და ითვალისწინებს საქართველოს კანონმდებლობის დაახლოებას ევროკავშირის 300-მდე სამართლებრივ აქტთან



დებულებები დროებით ამოქმედდება.

საქართველოსა და ევროკავშირს შორის ასოციაციის შესახებ შეთანხმება ახალი თაობის შეთანხმებაა და ევროკავშირთან და მის კანონმდებლობასთან დაახლოების მნიშვნელოვან და ქმედით მექანიზმებს ითვალისწინებს. ეს შეთანხმება საქართველოს აძლევს ევროკავშირთან პოლიტიკური ასოციაციისა და ეტაპობრივი ეკონომიკური ინტეგრაციის შესაძლებლობას და ფაქტობრივად შეუქცევადს გახდის ქვეყნის ევროპეიზაციის პროცესს. ამასთან ერთად, მნიშვნელოვნად გაღრმავდება მხარეთა თანამშრომლობა ყველა პრიორიტეტული მიმართულებით.

ასოციაციის შეთანხმება ითვალისწინებს საქართველოსა და ევროკავშირს შორის ღრმა და ყოვლისმომცველი თავისუფალი სავაჭრო სივრცის (DCFTA) ჩამოყალიბებას, რომელიც გზას უხსნის საქართველოს საქონელსა და მომსახურებას ევროკავშირის შიდა ბაზარზე და ქვეყანაში ინვესტიციების მოზიდვის ახალ შესაძლებლობას ქმნის.

სავიზო რეჟიმის ლიბერალიზაციის სამოქმედო გეგმა – ავტოკავშირთან უვიზო მიმოსვლის მთავარი წინაპირობა



საქართველოსა და ევროკავშირს შორის უვიზო მიმოსვლის პერსპექტივა „აღმოსავლეთ პარტნიორობის“ ერთ-ერთი მთავარი კომპონენტი, ხალხთა შორის კონტაქტების გაძლიერების ძირითადი ინსტრუმენტი და ევროკავშირთან შემდგომი დაახლოების ეფექტური მექანიზმია. ამასთანავე, სავიზო რეჟიმის გაუქმება ერთ-ერთი ყველაზე ხელშესახები შედეგი იქნება საქართველოს მოქალაქეთათვის ევროინტეგრაციის პროცესში.

„ეს კიდევ ერთი წინგადადგმული ნაბიჯია საქართველოს მოქალაქეებისათვის უფიზო რეჟიმის შემოღებისა და საქართველოს ევროკავშირთან შემდგომი ინტეგრაციის საერთო მიზნის მიმართულებით.“

- საშინაო საქმეთა ევროკომისარი სესილია მალმსტრომი; 25 თებერვალი, 2013

25 თებერვალს საქართველოს მხარეს ოფიციალურად გადმოეცა სავიზო რეჟიმის ლიბერალიზაციის სამოქმედო გეგმა, რომელიც საქართველო-ევროკავშირის სავიზო დიალოგის საფუძველია. ამ გეგმის წარმატებით შესრულების შემთხვევაში, ევროკავშირის შესაბამისი პოლიტიკური გადანყვეტილების საფუძველზე, მომავალში საქართველოს მოქალაქეებისათვის ევროკავშირის სივრცეში

(შენგენის ქვეყნებში) უფიზო მიმოსვლის რეჟიმი ამოქმედდება.

საქართველო-ევროკავშირის სავიზო დიალოგის ეფექტურად წარმართვის მიზნით შექმნილია უწყებათმორისი სამუშაო ჯგუფი, რომლის საქმიანობის კოორდინაციას ახორციელებს საგარეო საქმეთა სამინისტრო.

წლის განმავლობაში მუშაობა მიმდინარეობდა სამოქმედო გეგმის პირველი, საკანონმდებლო, ფაზით გათვალისწინებული 4 სტანდარტული ბლოკით განსაზღვრულ სფეროებში (დოკუმენტების უსაფრთხოება; საზღვრის მართვა, მიგრაციის პოლიტიკა, თავშესაფარი; საზოგადოებრივი წესრიგი და უსაფრთხოება; საგარეო ურთიერთობები და ადამიანის ძირითადი უფლებები) რეფორმების განხორციელების კუთხით. ევროკავშირის მხარეს გადაეცა პროგრესის ამსახველი ოთხი ანგარიში საქართველოს მიერ გატარებული ღონისძიებების შესახებ.

ოქტომბერში ევროკავშირის ექსპერტთა შემფასებელმა მისიამ წარმატებულად შეაფასა საქართველოს მიერ სამოქმედო გეგმის პირველი ფაზის ფარგლებში განხორციელებული საქმიანობა და მიღწეული პროგრესი. საქართველო განაგრძობს სამოქმედო გეგმით გათვალისწინებული რეფორმების გატარებას ევროკავშირის რეკომენდაციების შესაბამისად. ამჟამად ჩვენი ამოცანა სამოქმედო გეგმის მეორე ფაზაზე გადასვლაა.



ევროკავშირთან შამდომი დაახლოების სხვა სამართლებრივი ინსტრუმენტები

მნიშვნელოვანი წინსვლაა ევროკავშირთან „აღმოსავლეთ პარტნიორობის“ საგზაო რუკით გათვალისწინებული ხელშეკრულებების გაფორმების მიმართულებით. 29 ნოემბერს ხელი მოეწერა ჩარჩო შეთანხმებას, რომელიც შესაძლებლობას აძლევს საქართველოს, ჩაერთოს ევროკავშირის ეგიდით მიმდინარე კრიზისული სიტუაციების მართვის ოპერაციებში და ამ გზით, ევროკავშირთან ერთად თავისი წვლილი შეიტანოს მსოფლიოში უსაფრთხოების ხელშეწყობის პროცესში.

12 დეკემბერს ხელი მოეწერა ოქმს ჩარჩო შეთანხმების შესახებ, რომელიც საშუალებას აძლევს საქართველოს ჩაერთოს ევროკავშირის პროგრამებში და გააფართოოს თანამშრომლობა სხვადასხვა სექტორებში, ევროკავშირის კანონმდებლობასთან დაახლოებისა და საუკეთესო ევროპული პრაქტიკის გაზიარების გზით.



საქართველო-ევროკავშირის მნიშვნელოვანი ღონისძიებები და ვიზიტები

- 12-13 თებერვალი, თბილისი - „აღმოსავლეთ პარტნიორობის“ არაფორმალური დიალოგის მეორე შეხვედრა, რომელიც პირველად მოიცავდა სექტორული დიალოგის შეხვედრასაც ტრანსპორტის დარგში;
- 25-26 თებერვალი - სამინაო საქმეთა საკითხებში ევროკომისარის სესილია მალმსტრომის ვიზიტი საქართველოში;
- 17 მაისი, კრაკოვი - „აღმოსავლეთ პარტნიორობის“ არაფორმალური მინისტრიალი, ვიშეგრადის ოთხეულის ორგანიზებით;
- 27-28 ივნისი, თბილისი - „აღმოსავლეთ პარტნიორობის“ პირველი მინისტრიალი კულტურის დარგში;
- 10-11 ივლისი - გაფართოებისა და ევროპული სამეზობლო პოლიტიკის საკითხებში ევროკომისარ შტეფან ფულეს ვიზიტი საქართველოში;
- 22 ივლისი, ბრიუსელი - „აღმოსავლეთ პარტნიორობის“ მე-4 ფორმალური მინისტრიალი;
- 12-13 სექტემბერი, ერევანი - „აღმოსავლეთ პარტნიორობის“ არაფორმალური დიალოგის მესამე შეხვედრა;
- 29 სექტემბერი-1 ოქტომბერი — ევროკავშირის საბჭოს პოლიტიკური და უსაფრთხოების კომიტეტში წევრი ქვეყნების ელჩების ვიზიტი საქართველოში;
- 4-5 ოქტომბერი, კიშინიუ - „აღმოსავლეთ პარტნიორობის“ სამოქალაქო საზოგადოების ფორუმის მორიგი წლიური შეხვედრა, საქართველოს საგარეო საქმეთა მინისტრის მონაწილეობით;
- 7-8 ოქტომბერი, ლუქსემბურგი - „აღმოსავლეთ პარტნიორობის“ პირველი მინისტრიალი მართლმსაჯულების, თავისუფლებისა და უსაფრთხოების საკითხებზე, საქართველოს იუსტიციისა და შინაგან საქმეთა მინისტრების მონაწილეობით;
- 9 ოქტომბერი, ლუქსემბურგი - „აღმოსავლეთ პარტნიორობის“ პირველი მინისტრიალი ტრანსპორტის საკითხებზე, საქართველოს ეკონომიკისა და მდგრადი განვითარების მინისტრის მონაწილეობით;
- 24 ოქტომბერი, თბილისი — საქართველო-ევროკავშირის თანამშრომლობის კომიტეტის მე-13 სხდომა;
- 14-15 ნოემბერი, ბრიუსელი - საქართველოს საგარეო საქმეთა მინისტრის მაია ფანჯიკიძის სამუშაო ვიზიტი ნატო-სა და ევროკავშირში;
- 12 დეკემბერი - საქართველო-ევროკავშირის თანამშრომლობის საბჭოს მე-14 სხდომა.

საქართველო-ევროკავშირის თანამშრომლობის ინსტიტუტები – დინამიური პოლიტიკური დიალოგი ევროკავშირთან

2013 წელს წარმატებით გაგრძელდა საქართველო-ევროკავშირის პოლიტიკური დიალოგი, რომელიც ტრადიციულად წარიმართება ორმხრივი თანამშრომლობის ინსტიტუტების, კერძოდ თანამშრომლობის საბჭოსა და კომიტეტის, ასევე დარგობრივი ქვეკომიტეტების ფარგლებში. ასევე, შედგა ადამიანის უფლებების დაცვის საკითხებში საქართველო-ევროკავშირის დიალოგის მორიგი შეხვედრა, რომელიც განსაკუთრებით წარმატებულად შეფასდა ევროკავშირის მხრიდან. საქართველო-ევროკავშირის პოლიტიკური დიალოგის ფარგლებში გაიმართა ევროკავშირის პოლიტიკურ და უსაფრთხოების კომიტეტთან ყოველწლიური შეხვედრა.



ოლიტიკური დიალოგის ფარგლებში განხილულ იქნა ქვეყნის შიგნით მიმდინარე პოლიტიკური და ეკონომიკური რეფორმები, განსაკუთრებით 2013 წლის ოქტომბრის საპრეზიდენტო არჩევნების გათვალისწინებით, საქართველო-ევროკავშირის თანამშრომლობის ძირითადი პრიორიტეტები და ქვეყანაში უსაფრთხოებისა და სტაბილურობის კუთხით არსებული მდგომარეობა და ევროკავშირის როლი ამ მიმართულებით. ქვეკომიტეტების ფარგლებში ტრადიციულად წარიმართა დეტალური მსჯელობა კონკრეტულ დარგებში (ვაჭრობა და ეკონომიკური თანამშრომლობა, მიგრაცია, ენერგეტიკა, ტრანსპორტი, გარემოს დაცვა, კულტურა, განათლება და ა.შ.) საქართველო-ევროკავშირის თანამშრომლობის გაღრმავების შესაძლებლობებზე. აღსანიშნავია, რომ ამ თანამშრომლობამ მნიშვნელოვნად შეუწყო ხელი საქართველოს მიერ ვილინიუსის სამიტზე წარმორჩენილი შედეგების მიღწევას.



სექტემბრის ბოლოს საქართველოში განხორციელდა ევროკავშირის საბჭოს პოლიტიკური და უსაფრთხოების კომიტეტში წევრი ქვეყნების ელჩების ვიზიტი, რომელსაც განსაკუთრებული მნიშვნელობა ჰქონდა ქვეყანაში დაგეგმილი საპრეზიდენტო არჩევნებისა და „ადმოსავლეთ პარტნიორობის“ ვილინიუსის სამიტის წინ. ვიზიტის ფარგლებში საქართველოს ხელისუფლების მაღალი რანგის ოფიციალურ პირებთან შეხვედრებზე განსაკუთრებული ყურადღება გამახვილდა ევროკავშირთან ურთიერთობების შემდგომი გაღრმავების პერსპექტივებზე და ევროკავშირის როლზე საქართველოში.

ლოში უსაფრთხოების ხელშეწყობის კუთხით. აღნიშნული ვიზიტი ევროკავშირის მხრიდან საქართველოს მიმართ მხარდაჭერის კიდევ ერთი ნათელი დემონსტრირება იყო.

ჩრდილოატლანტიკური საბჭო (NAC) საქართველოში

26-27 ივნისს საქართველოს ოფიციალური ვიზიტით ეწვია ჩრდილოატლანტიკური საბჭო ალიანსის გენერალური მდივნის, ანდერს ფოგ რასმუსენის ხელმძღვანელობით. ეს ნატო-ს მთავარი პოლიტიკური გადაწყვეტილებების მიმღები ორგანოს რიგით მესამე ვიზიტი იყო საქართველოში, რაც ალიანსსა და საქართველოს შორის არსებულ განსაკუთრებულ ურთიერთობებზე მეტყველებს. ნატო-ში 28 მოკავშირე სახელმწიფოს მუდმივი წარმომადგენლისა და გენერალური მდივნის ვიზიტი კიდევ ერთი დადასტურებაა იმისა, რომ ალიანსი მხარს უჭერს საქართველოს ინტეგრაციასა და ქვეყანაში მიმდინარე დემოკრატიულ რეფორმებს.



ჩრდილოატლანტიკური საბჭოს ვიზიტის ფარგლებში შედგა ნატო-საქართველოს კომისიის სხდომა პრემიერ-მინისტრ ბიძინა ივანიშვილის მონაწილეობით. ნატო-ს წევრი ქვეყნების ელჩებმა შეხვედრები გამართეს საკანონმდებლო და აღმასრულებელი ხელისუფლებისა და სამოქალაქო სექტორის წარმომადგენლებთან. მოკავშირეებმა მაღალი შეფასება მისცეს ქვეყანაში მიმდინარე დემოკრატიულ რეფორმებს: „საქართველომ არსებით წინსვლას მიაღწია დემოკრატიული განვითარების არაერთ სფეროში და მნიშვნელოვნად დაუახლოვდა ნატო-ს“, აღნიშნა ანდერს ფოგ რასმუსენმა 27 ივნისს, საჯარო ბიბლიოთეკაში გამოვლისას.

მოკავშირეებმა კიდევ ერთხელ დაადასტურეს ნატო-ს ერთგულება 2008 წლის ბუქარესტის სამიტის გადაწყვეტილებისადმი, რომ საქართველო გახდება ალიანსის წევრი და საქართველოს ტერიტორიული მთლიანობის, სუვერენიტეტისა და არაღიარების პოლიტიკის ურყევი მხარდაჭერა გამოხატეს. ჩრდილოატლანტიკური საბჭოს წევრებმა საქართველოს მადლობა გადაუხადეს ავღანეთში საერთაშორისო უსაფრთხოების ძალების მხარდაჭერ (ISAF) მისიაში მონაწილეობისა და საერთო ევროატლანტიკური უსაფრთხოების უზრუნველყოფაში შეტანილი მნიშვნელოვანი წვლილისთვის.



საქართველო ნატო-ს საგარეო საქმეთა მინისტრია

საქართველოს საგარეო საქმეთა მინისტრმა, მაია ფანჯიკიძემ 3-4 დეკემბერს მონაწილეობა მიიღო ნატო-ს საგარეო საქმეთა მინისტრების ფარგლებში გამართულ შეხვედრებში - ISAF-ის მონაწილე სახელმწიფოების საგარეო საქმეთა მინისტრებთან და ნატო-ს საქართველოს კომისიის სხდომაში მინისტრების დონეზე.

„საქართველოს დემოკრატიული რეფორმების ამბიციურ დღის წესრიგს აქვს ამბიციური მიზანი - იმ ევროატლანტიკურ ოჯახში ინტეგრაცია, რომელსაც ის ბუნებრივად ეკუთვნის. [...] ჩვენ განვაგრძობთ ქართველი ხალხის მხარდაჭერას მათი მთავარი მისწრაფების განხორციელების, ნატო-ში გაწევრიანების გზაზე“.

ანდერს ფოგ რასმუსენი, 4 დეკემბერი, ბრიუსელი



ნატო-ს საქართველოს კომისიის სხდომაზე, რომელსაც ალიანსის გენერალური მდივანი ანდერს ფოგ რასმუსენი თავმჯდომარეობდა, მაია ფანჯიკიძემ კოლეგებს ამომწურავი ინფორმაცია მიაწოდა საქართველოში მიმდინარე დემოკრატიულ რეფორმებზე, საქართველო-რუსეთის ურთიერთობებზე და ნატო-ში ინტეგრაციის მომავალზე ქართული მხარის ხედვა გააცნო.

„ვულოცავ ქართველ ხალხს გამჭვირვალე და მშვიდობიანი საპრეზიდენტო არჩევნების ჩატარებას, სადაც გამოხატვის, გადაადგილებისა და შეკრების ფუნდამენტური უფლებები უზრუნველყოფილი იყო. ამ არჩევნებით, საქართველომ დემოკრატიის კიდევ ერთი გამოცდა ჩააბარა და კონკრეტული ნაბიჯი გადადგა ევროატლანტიკური სტანდარტებისკენ“.

ანდერს ფოგ რასმუსენი, 2013 წლის 28 ოქტომბერი

მოკავშირეები მიესალმნენ საქართველოს მიერ გაწეულ ძალისხმევას დემოკრატიის განმტკიცების გზაზე. „საქართველო ნატო-ს უნიკალური და ერთ-ერთი უმნიშვნელოვანესი პარტნიორია. ქართველ ხალხს ბევრი რამით შეუძლია იამაყოს. წლევანდელი არჩევნები, ისევე როგორც გასული წლის საპარლამენტო არჩევნები იყო თავისუფალი, სამართლიანი და მონაწილეობითი, რაც თვალნათლივ აჩვენებს, რომ საქართველოში დემოკრატიული პროცესი სულ უფრო და უფრო მონიჭებული ხდება. ამ თვალსაზრისით საქართველო სამაგალითოა რეგიონისთვის“, აღნიშნა ნატო-ს გენერალურმა მდივანმა 4 დეკემბერს, ნატო-ს საქართველოს კომისიის სხდომაზე გამოსვლისას. დეკემბრის

მინისტრიალის ფარგლებში მაია ფანჯიკიძემ ISAF-ის მონაწილე ქვეყნების საგარეო საქმეთა მინისტრებთან შეხვედრაზე გამოსვლისას კიდევ ერთხელ დაადასტურა საქართველოს ერთგულება საერთო ევროატლანტიკური უსაფრთხოებისადმი და ქვეყნის მზაობა მონაწილეობა მიიღოს ავღანეთში, ნატო-ს ახალ მისიაში 2014 წელს ISAF-ის მისიის დასრულების შემდეგ.

დეკემბრის მინისტრიალის ფარგლებში ასევე შედგა საგარეო საქმეთა მინისტრ მაია ფანჯიკიძისა და ნატო-ს გენერალური მდივნის ანდერს ფოგ რასმუსენის შეხვედრა.



ქართული მხარე ასევე მონაწილეობდა ნატო-ს საგარეო საქმეთა 23-24 აპრილის მინისტრიალში. საგარეო საქმეთა მინისტრმა მაია ფანჯიკიძემ სიტყვით მიმართა ISAF-ის მონაწილე სახელმწიფოებს.

ნატო-საქართველოს კომისია (NGC) – დინამიური პოლიტიკური დიალოგი ალიანსთან

2013 წელს საქართველოს პოლიტიკური დიალოგი ალიანსთან განსაკუთრებით დინამიური და შინაარსობრივად მრავალფეროვანი იყო. საქართველო განაგრძობდა ისეთი ინტეგრაციული მექანიზმის ეფექტიან გამოყენებას, როგორიცაა ნატო-საქართველოს კომისია, რომელიც 2008 წელს შეიქმნა ნატო-ს ბუქარესტის სამიტზე დაწყებული პროცესის წარმართვაზე ზედამხედველობის მიზნით. ეს ფორმატი საქართველოს უმნიშვნელოვანესი საკითხების ფართო სპექტრის მოკავშირეებთან განხილვის შესაძლებლობას აძლევს როგორც მაღალ, ასევე სამუშაო დონეზე.

2013 წელს ნატო-საქართველოს კომისიის 20 შეხვედრა შედგა, მათ შორის ერთი საგარეო საქმეთა, ერთი თავდაცვის მინისტრებისა და ერთი - გაერთიანებული შტაბების უფროსების დონეზე.

2013 წელს ქართული მხარე NGC-ის ფარგლებში მოკავშირეებთან ერთად განიხილავდა საქართველოში მიმდინარე დემოკრატიულ რეფორმებს არაერთი მიმართულებით, მათ შორის თავდაცვისა და იუსტიციის სფეროში, ასევე, რუსეთ-საქართველოს ურთიერთობებსა და ვითარებას რუსეთის მიერ ოკუპირებულ საქართველოს რეგიონებში. გასულ წელს ალიანსთან დიალოგის ფარგლებში მხარეები განსაკუთრებულ ყურადღებას ამახვილებდნენ საქართველოს ნატო-ში ინტეგრაციის დინამიკაზე.

27 თებერვალს გაიმართა NGC ელჩების დონეზე საქართველოს იუსტიციის მინისტრის, თეა წულუკიანის მონაწილეობით.

■ 20-22 თებერვალს ნატო-ს თავდაცვის მინისტრების ფარგლებში გაიმართა საქართველოს თავდაცვის მინისტრის ირაკლი ალასანიას შეხვედრები ალიანსის უმაღლეს პირებთან.

■ 18 მარტს NGC-ზე მუდმივი წარმომადგენლების მოადგილეების დონეზე ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის პირველმა მოადგილემ დავით დონდუამ საქართველოს 2013 წლის წლიური ეროვნული პროგრამა (ANP) წარადგინა.

■ 15 მაისს შედგა NGC-ის შეხვედრა გენერალური შტაბის უფროსების დონეზე, საქართველოს შეიარაღებული ძალების გაერთიანებული შტაბის უფროსის ირაკლი ძნელაძის მონაწილეობით.

■ 22 მაისს NGC-ზე ელჩების დონეზე სიტყვით გამოვიდნენ საქართველოს საგარეო საქმეთა მინისტრის პირველი მოადგილე დავით ზალკალიანი და რუსეთის ფედერაციასთან ურთიერთობების საკითხებში პრემიერ-მინისტრის სპეციალური წარმომადგენელი ზურაბ აბაშიძე.

■ 30 მაისს საქართველოს შინაგან საქმეთა მინისტრმა ირაკლი ლარიბაშვილმა, ბრიუსელში, ნატო-ს შტაბ-ბინაში ვიზიტის ფარგლებში შეხვედრები გამართა ალიანსის უმაღლეს პირებთან.

■ 5 ივნისს ნატო-ს თავდაცვის მინისტრების ფარგლებში გაიმართა NGC-ის სხდომა თავდაცვის მინისტრების დონეზე, რომელშიც მონაწილეობა მიიღო საქართველოს თავდაცვის მინისტრმა ირაკლი ალასანიამ.

■ 26 ივნისს საქართველოში, NAC-ის ვიზიტის ფარგლებში, ჩატარდა ნატო-საქართველოს კომისიის სხდომა ელჩების დონეზე პრემიერ-მინისტრ ბიძინა ივანიშვილის მონაწილეობით.

■ 14 ოქტომბერს ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრი ალექსი პეტრიაშვილი ნატო-ს გენერალური მდივნის მოადგილეს ალექსანდრე ვერშბოუს შეხვდა.

■ 22-23 ოქტომბერს საქართველოს თავდაცვის მინისტრმა ირაკლი ალასანიამ მონაწილეობა მიიღო ნატო-ს თავდაცვის მინისტრთა კონფერენციაში.

■ 27 ნოემბერს გაიმართა NGC-ის სხდომა ელჩების დონეზე, რომელშიც საგარეო საქმეთა მინისტრის პირველი მოადგილე დავით ზალკალიანი და ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრი ალექსი პეტრიაშვილი მონაწილეობდნენ.

■ 4 დეკემბერს შედგა NGC-ის სხდომა საგარეო საქმეთა მინისტრების დონეზე, რომელშიც საქართველოს საგარეო საქმეთა მინისტრი მათა ფანჯიკიძე მონაწილეობდა. მინისტრების ფარგლებში შედგა საქართველოს საგარეო საქმეთა მინისტრის შეხვედრა ნატო-ს გენერალურ მდივანთან.

წლიური ეროვნული პროგრამა (ANP) – დემოკრატიული განვითარება და სახელმწიფო ინსტიტუტების გაძლიერება

წლიური ეროვნული პროგრამა, (ANP) საქართველოსთვის ალიანსთან პრაქტიკული თანამშრომლობის უმნიშვნელოვანესი მექანიზმია. ამ პროგრამის ფარგლებში საქართველო ყოველწლიურად გეგმავს რეფორმებს ხუთი ძირითადი მიმართულებით: პოლიტიკური და ეკონომიკური, თავდაცვის, სახელმწიფო რესურსების მართვის, უსაფრთხოებისა და სამართლებრივი საკითხები. წლიური ეროვნული პროგრამის შემუშავებისა და განხორციელების პროცესში საქართველო ნატო-სთან მუდმივ კონსულტაციებს აწარმოებს და მაქსიმალურად ითვალისწინებს ალიანსისა და წევრი სახელმწიფოების რეკომენდაციებს. წლიური ეროვნული პროგრამის მიზნების განხორციელება, ერთი მხრივ, საქართველოში დემოკრატიული ინსტიტუტების გაძლიერებას უწყობს ხელს, მეორე მხრივ კი, ქვეყანას ალიანსის წევრობასთან აახლოვებს.

2013 წელს საქართველომ წლიური ეროვნული პროგრამის მეხუთე ციკლი დაასრულა. ANP-ის მიზნების შესაბამისად საქართველოს ხელისუფლების მიერ გატარებულმა დემოკრატიულმა რეფორმებმა წლის ბოლოს ალიანსის მხრიდან განსაკუთრებით პოზიტიური შეფასება დაიმსახურა. მოკავშირეებმა აღნიშნეს, რომ დემოკრატიული რეფორმების გაღრმავებითა და გაფართოებით საქართველომ არსებით, თვისობრივ პროგრესს მიაღწია წლიური ეროვნული პროგრამის მიზნების განხორციელებაში, რაც ქვეყანას მისი მიზნის - ევროატლანტიკური ინტეგრაციის - განხორციელებასთან აახლოვებს. ალიანსის შეფასებით, ნათელია, რომ საქართველო დემოკრატიული ტრანსფორმაციისა და რეფორმების ერთგულია.

2013 წლის ბოლოს დაიწყო მუშაობა მომავალი წლის, რიგით მეექვსე ეროვნულ პროგრამაზე, რომლის პრეზენტაციაც ალიანსში 2014 წლის დასაწყისშია დაგეგმილი.

საქართველოს წვლილი საერთო ევროატლანტიკური უსაფრთხოების უზრუნველყოფაში

საქართველო საერთო ევროატლანტიკური უსაფრთხოების არა მხოლოდ მომხმარებელი, არამედ მნიშვნელოვანი კონტრიბუტორი და ალიანსის სანდო პარტნიორია. მშვიდობისა და დემოკრატიული ღირებულებების ერთგულებით, ნატო-ს ოპერაციებში მონაწილეობით ჩვენმა ქვეყანამ დაადასტურა, რომ ის მზად არის და შესწევს უნარი საკუთარი მნიშვნელოვანი წვლილი შეიტანოს საერთო ევროატლანტიკური უსაფრთხოების განმტკიცებაში. ქართველი სამხედრო მოსამსახურეები მოკა-



„საქართველო მთელი რიგი მიმართულებებით სამაგალითო პარტნიორია ნატო-სთვის. თქვენ გამოთქვით მზადყოფნა საკუთარი წვლილი შეიტანოთ ავღანეთში, ISAF-ის ოპერაციის შემდგომ მისიაში. ეს არის უდიდესი წვლილი ჩვენს ძალისხმევაში ტერორიზმის წინააღმდეგ ბრძოლის მიმართულებით.“
ანდერს ფოგ რასმუსენი, 2013 წლის 27 ივნისი, თბილისი

ვშირეებთან ერთად ასრულებენ მათზე დაკისრებულ მოვალეობებს ავღანეთის ერთ-ერთ ყველაზე ცხელ წერტილში, ჰელმანდის პროვინციაში. დღესდღეობით, 1600 კაციანი შემადგენლობით, საქართველოს ნატო-ს არანევრ ქვეყნებს შორის მსახიობი მისიაში ყველაზე მსხვილი სამხედრო კონტინგენტი ჰყავს. მიუხედავად უმძიმესი დანაკარგისა, ქართული მხარე არ გეგმავს კონტინგენტის შემცირებას მსახიობი მისიის დასრულებამდე 2014 წელს. საქართველო 2014 წლის შემდეგ ასევე მიიღებს მონაწილეობას ავღანეთში ნატო-ს ახალ მისიაში გადამწყვეტი მხარდაჭერა (დესოლუტე შუპპორტ) და საკუთარ წვლილს შეიტანს ავღანეთის ეროვნული შეიარაღებული ძალების განვითარებაში. ამასთან, ქართული მხარე ავღანელი სამხედრო მოსამსახურეების საქართველოში არსებულ სამხედრო-საგანმანათლებლო ინსტიტუტებსა და საწვრთნელ ბაზებზე მომზადებისა და ქართველი სამხედრო სამედ-იცინო პერსონალის ავღანეთის სამხედრო ჰოსპიტალებში გაგზავნის მზადყოფნას გამოთქვამს.



2015 და 2016 წელს საქართველო ნატო-ს სწრაფი რეაგირების ძალებს (NRF) შეუერთდება. ეს გადანაცვლება მოკავშირეებმა ჩვენი ქვეყნის თხოვნის საფუძველზე 2013 წელს მიიღეს. ქართველი ჯარისკაცების შესაბამისი წვრთნისა და მომზადების შემდეგ საქართველო გახდება ნატო-ს არანევრ მეოთხე ქვეყანა, რომელიც ნატო-ს სწრაფი რეაგირების ძალებში (NRF) ჩაერთვება. ეს გადანაცვლება ქართული სამხედრო კონტინგენტის ნატო-ს შეიარაღებულ ძალებთან თავსებადობის მაღალ დონეზე მეტყველებს.

თანამშრომლობა ალიანსის ასპირანტ სახელმწიფოებთან

2013 წელს გაღრმავდა საქართველოს თანამშრომლობა ორმხრივ და მრავალმხრივ ფორმატებში ნატო-ს ასპირანტ დასავლეთ ბალკანეთის სახელმწიფოებთან: ყოფილი იუგოსლავიის რესპუბლიკა მაკედონიასთან, ბოსნია-ჰერცეგოვინასთან და მონტენეგროსთან.

23 აპრილს, ბრიუსელში, ნატო-ს საგარეო საქმეთა მინისტრიალის ფარგლებში შედგა ასპირანტი ქვეყნების საგარეო საქმეთა მინისტრების შეხვედრა პოლონელ, რუმინელ და თურქ კოლეგებთან 3+4 ფორმატში.



3-10 ივნისს, საქართველოში გამართულ ნატო-ს კვირეულის ფარგლებში ალიანსში დასავლეთ ბალკანეთის სახელმწიფოების დესპანებმა მონაწილეობა მიიღეს სემინარში სახალხო დიპლომატიის საკითხებზე. კვირეული ნატო-სა და ევროკავშირის შესახებ საინფორმაციო ცენტრის ორგანიზებითა და ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატის, რუმინეთის საელჩოს, როგორც საქართველოში ნატო-ს საკონტაქტო საელჩოს და ნატო-ს სამეკავშირეო ოფისის მხარდაჭრით ჩატარდა. ნატო-ს კვირეულში ასევე მონაწილეობდა კავკასიასა და ცენტრალურ აზიაში ალიანსის გენერალური მდივნის სპეციალური წარმომადგენელი ჯეიმს აპატურაი, ნატო-ში აშშ-ს მუდმივი წარმომადგენლის მოადგილე, თურქეთის თავდაცვისა და რუმინეთის საგარეო საქმეთა სამინისტროების წარმომადგენლები.

28-29 ივნისს, ბათუმში, სამხრეთ-აღმოსავლეთ ევროპის თავდაცვის მინისტრიალის ფარგლებში ბოსნიის, მონტენეგროს, ყოფილი იუგოსლავიის რესპუბლიკა მაკედონიისა და საქართველოს გენერალური შტაბების უფროსების მოადგილეების ოთხმხრივი შეხვედრა გაიმართა.

საქართველო მიესალმება ნატო-ს ასპირანტ სახელმწიფოებს შორის თანამშრომლობის გაღრმავებას ორმხრივ და მრავალმხრივ ფორმატებში, რადგან აქტიური თანამშრომლობა, გამოცდილების გაზიარება და ძალისხმევის კოორდინირება ხელს შეუწყობს ასპირანტი სახელმწიფოების ნატო-ში ინტეგრაციის პროცესს.

ნატო და საქართველო – პროფესიონალიზმის ამაღლება და უსაფრთხოების საქმეთა ბაძლიერება

2013 წელს ქართულმა მხარემ განაგრძო აქტიური თანამშრომლობა ნატო-ს სამეკავშირეო ოფისთან (NLO) საქართველოში, რომლის მხარდაჭერითაც გასულ წელს საქართველოში წარმატებით განხორციელდა არაერთი მნიშვნელოვანი პროექტი.

საქართველომ 2013 წელს ნატო-ს უზრუნველყოფის სააგენტოსთან (NSPA) თანამშრომლობის და პარტნიორობა მშვიდობისათვის ნდობის ფონდის ფარგლებში დაიწყო პროექტ „საქართველო IV“-ზე მუშაობა, რომელიც სოფელ სკრის ტერიტორიაზე მდებარე აგვისტოს ომის შედეგად დაზიანებული იარაღის საწყობის ფეთქებადი ნარჩენებისგან განმენდასა და სამხედრო-საინჟინრო ბრიგადის მესანგრეთა ასეულის მაღალ დონეზე მომზადებას ითვალისწინებს.

2013 წელს საქართველო ნატო-ს გამჭვირვალობისა და კეთილსინდისიერების ამაღლების (Building Integrity) პროგრამაში ჩაერთო, რომლის მიზანია გამჭვირვალობისა და ანგარიშვალდებულების ამაღლების გზით უსაფრთხოებისა და თავდაცვის სექტორში კორუფციის რისკების შემცირებაში ქვეყნების დახმარება.

2013 წელს გაგრძელდა პროფესიული განვითარების პროგრამის (PDP) განხორციელება საქართველოში, რომლის მიზანია უსაფრთხოებისა და საჯარო სექტორის მოხელეების კვალიფიკაციის ამაღლება და პროფესიული განვითარება. წლის განმავლობაში საქართველოსა და საერთაშორისო დონეზე სხვადასხვა მიმართულებით ჩატარებულ ოცამდე ტრენინგში მონაწილეობა მიიღეს საქართველოს თავდაცვის, საგარეო და შინაგან საქმეთა სამინისტროების, ასევე სხვა სახელმწიფო უწყებების წარმომადგენლებმა.

III. საქართველოს ოკმეხრივი და მკაფიო პოლიტიკური ურთიერთობები

საერთაშორისო სამართლის პრინციპების და ნორმების პატივისცემის საფუძველზე მსოფლიოს სახელმწიფოებთან ურთიერთხელსაყრელი ორმხრივი პარტნიორული ურთიერთობების განვითარება საგარეო პოლიტიკის განხორციელების საფუძველია.

2013 წლის განმავლობაში საქართველოს საგარეო საქმეთა უწყება საქართველოს უშუალო მეზობელ ქვეყნებთან, ასევე ევროპის ქვეყნებთან ორმხრივი პოლიტიკური, ეკონომიკური და კულტურული ურთიერთობების გასაღრმავებლად აქტიურ მუშაობას განაგრძობდა. საქართველოს გლობალური პარტნიორობის განსამტკიცებლად, ასევე, გრძელდებოდა ურთიერთობები ახლო აღმოსავლეთის, არაბული სამყაროს, აფრიკის, ლათინური ამერიკის, აზიისა და ოკეანეთის სახელმწიფოებთან. ეს ურთიერთობები ინვესტიციების მოზიდვის, სავაჭრო ბრუნვის გაზრდის, სავიზო რეჟიმების გამარტივების, კულტურული და ხალხთაშორისი კავშირების განვითარების და სხვა აქტუალური მიმართულებებით ვითარდებოდა.

საქართველოს საგარეო პოლიტიკა არა მხოლოდ ორმხრივი კავშირების და ურთიერთობების გაფართოებას, არამედ საერთაშორისო განვითარების კუთხით თანამშრომლობას და რეფორმების მიმართულებით საქართველოს გამოცდილების გაზიარებასაც ითვალისწინებს.

წლის განმავლობაში ასევე გრძელდებოდა მუშაობა დიპლომატიური ურთიერთობების დასამყარებლად მსოფლიოს უფრო მეტ ქვეყანასთან, რაც ორმხრივი საერთაშორისო ურთიერთობების წარმართვისთვის აუცილებელ წინაპირობას წარმოადგენს. საგარეო უწყების მიერ გატარებული ღონისძიებების შედეგად, 2013 წლის განმავლობაში საქართველომ დიპლომატიური ურთიერთობები დაამყარა სეიშელის, ვანუატუსა და კამერუნის რესპუბლიკებთან და ლესოტოს სამეფოსთან. ამჟამად, საქართველოს დიპლომატიური ურთიერთობები აკავშირებს მსოფლიოს 179 სახელმწიფოსთან. ამასთანავე, საქართველოს არსებული დიპლომატიური წარმომადგენლობებიდან მიმდებარე ქვეყნების დიპლომატიური დაფარვის გასაფართოებლად სამინისტრომ გასულ წელს მნიშვნელოვანი ძალისხმევა გასწია.

ურთიერთობები მეზობლებთან


2013 წელს დიდი ყურადღება დაეთმო მეზობელ ქვეყნებთან - აზერბაიჯანთან, თურქეთთან და სომხეთთან - ურთიერთობების განმტკიცებასა და შემდგომ გაღრმავებას. უფრო მეტიც, წელს ამ ურთიერთობებმა თვისობრივად ახალი სახე მიიღო.

ამ კონტექსტში განსაკუთრებით აღსანიშნავია საქართველოს პრემიერ-მინისტრის ბიძინა ივანიშვილის ერთ-ერთი პირველი ოფიციალური ვიზიტები მეზობელ ქვეყნებში - 2012 წლის 26 დეკემბერს აზერბაიჯანის რესპუბლიკაში, 2013 წლის 17 იანვარს სომხეთის რესპუბლიკაში და 2013 წლის 14 თებერვალს თურქეთის რესპუბლიკაში. ასევე, 16-17 დეკემბერს შედგა პრემიერ-მინისტრ ირაკლი ღარიბაშვილის ვიზიტი აზერბაიჯანის რესპუბლიკაში, რომლის მიზანი ბაქოში შაჰ-დენიზის პროექტის მეორე ფაზის დაფინანსების გადაწყვეტილების ცერემონიაში მონაწილეობა იყო.



17 ნოემბერს პრეზიდენტის ინაუგურაციის ცერემონიაზე დასასწრებად საქართველოს მეზობელი ქვეყნების მაღალი დონის დელეგაციები ეწვივნენ: თბილისს აზერბაიჯანიდან პრემიერ-მინისტრი არტურ რასიზადე, თურქეთიდან - შრომისა და სოციალური უზრუნველყოფის მინისტრი ფარუქ ჩელიქი და პარლამენტის საკონსტიტუციო კომიტეტის თავმჯდომარე აჰმეთ იიმაია, სომხეთიდან საგარეო საქმეთა მინისტრი ედვარდ ნალბანდიანი და ენერგეტიკის მინისტრი არმენ მოვსისიანი სტუმრობდნენ. სტუმრებმა ორმხრივი შეხვედრები გამართეს საქართველოს პრეზიდენტთან გიორგი მარგველაშვილთან.

აქტიურად მიმდინარეობდა მეზობელ ქვეყნებთან მთავრობათაშორისი თანამშრომლობაც, რაზეც განხორციელებული ვიზიტების სიმრავლე და დარგობრივი სამუშაო ჯგუფების ინტენსიური შეხვედრები მეტყველებს.



2013 წელს ხელი მოეწერა „საქართველოს მთავრობასა და აზერბაიჯანის რესპუბლიკის მთავრობას შორის საგანგებო სიტუაციების შედეგების თავიდან აცილების, შეზღუდვისა და შემსუბუქების სფეროში თანამშრომლობის შესახებ“ შეთანხმებას.

აზერბაიჯანთან და თურქეთთან სტრატეგიული პარტნიორობის განვითარება მიმდინარეობდა როგორც პოლიტიკურ, ასევე ეკონომიკურ, ენერგეტიკულ, სატრანსპორტო და უსაფრთხოების სფეროებში. მნიშვნელოვან ფაქტორს წარმოადგენდა თანამშრომლობა სხვადასხვა საერთაშორისო ორგანიზაციის ფარგლებში, რეგიონულ პროგრამებსა და პროექტებში.



საქართველოს, აზერბაიჯანსა და თურქეთს შორის სტრატეგიულ თანამშრომლობას კიდევ უფრო აძლიერებს სამმხრივი თანამშრომლობის ახალი პოლიტიკური ფორმატი, რომელსაც საფუძველი 2012 წელს „ტრაპიზონის დეკლარაციით“ ჩაეყარა. 28 მარტს სამი ქვეყნის საგარეო საქმეთა მინისტრებმა, ქალაქ ბათუმში, მინისტერიალის ფორმატში დაამტკიცეს უწყებათაშორისი თანამშრომლობის სამოქმედო გეგმა 2013-2015 წლებისათვის და ხელი მოაწერეს ერთობლივ კომუნიკეს. კომუნიკეში ხაზგასმულია საგარეო საქმეთა სამინისტროების მაკოორდინირებელი როლი, რათა სამოქმედო გეგმით განსაზღვრულმა მიმართულებებმა აქტიურ, ურთიერთსასარგებლო თანამშრომლობაში ჰპოვოს ასახვა.

2013 წელს ტრადიციულად ნაყოფიერი თანამშრომლობა გაგრძელდა სომხეთის რესპუბლიკასთან. გადახალისდა ორმხრივი ურთიერთობების დღის წესრიგი და განისაზღვრა თანამშრომლობის ახალი მიმართულებები.



2013 წელს ძალაში შევიდა პროგრამა საქართველოს კულტურისა და ძეგლთა დაცვის სამინისტროსა და სომხეთის რესპუბლიკის კულტურის სამინისტროს შორის 2013-2015 წლებისათვის თანამშრომლობის შესახებ. ხელი მოეწერა შეთანხმებას „საქართველოს მთავრობასა და სომხეთის რესპუბლიკის მთავრობას შორის „სადახლო — ბაგრატაშენი“, სადახლო — აირუმი“, „გუგუთი — გოგავანი“ და „ნინოწმინდა — ბავრა“ სახმელეთო საბაჟო გამშვები პუნქტების ერთობლივი გამოყენების შესახებ“.

მეზობელ რუსეთის ფედერაციასთან დიპლომატიური ურთიერთობები 2008 წლის აგვისტოში რუსეთის მიერ საქართველოს წინააღმდეგ განხორციელებული სრულმასშტაბიანი სამხედრო აგრესიის, მორიგი ეთნიკური წმენდის, საქართველოს ტერიტორიის განუყოფელი ნაწილების -

აფხაზეთისა და ცხინვალის რეგიონის - ოკუპაციისა და მის მიერვე შექმნილი საოკუპაციო რეჟიმების ე.წ. დამოუკიდებლობის აღიარების შედეგად შეწყდა.

ორი ქვეყნის წარმომადგენლებს შორის მოლაპარაკებები მხოლოდ ჟენევის საერთაშორისო დისკუსიების ფარგლებში მიმდინარეობს, ხოლო 2009 წლის მარტში თბილისსა და მოსკოვში შევიცარიის საელჩოებთან რუსეთისა და საქართველოს ინტერესების სექციების ამოქმედების შემდეგ მიმოწერა,

31 იანვარი - საქართველოსა და სომხეთის რესპუბლიკის საგარეო უწყებებს შორის პოლიტიკური კონსულტაციები, მინისტრის მოადგილეების დონეზე

18-19 მარტი - საგარეო საქმეთა მინისტრის მაია ფანჯიკიძის ოფიციალური ვიზიტი აზერბაიჯანის რესპუბლიკაში

27 მარტი - თურქეთის რესპუბლიკის საგარეო საქმეთა მინისტრის აჰმეთ დავუთოღლუს ოფიციალური ვიზიტი საქართველოში

12 აპრილი - საგარეო საქმეთა მინისტრის მაია ფანჯიკიძის ოფიციალური ვიზიტი სომხეთის რესპუბლიკაში



მათ შორის დიპლომატიური, და კონტაქტები სხვადასხვა უწყებებს შორის შვეიცარიის შუამავლობით ხორციელდება.

2012 წლის 1 ოქტომბრის საპარლამენტო არჩევნების შემდეგ, იმავე წლის ნოემბერში საქართველოს ახალი მთავრობა ორმხრივი დიალოგის დაწყების ინიციატივით გამოვიდა, რომლის მიზანი ორმხრივი ურთიერთობების ეტაპობრივი ნორმალიზაციაა. 2012 წლის დეკემბრიდან საქართველოს პრემიერ-მინისტრისა და რუსეთის პრეზიდენტის დავალებების შესაბამისად ამ ფორმატში არაფორმალურ შეხვედრებს მართავენ საქართველოს პრემიერ-მინისტრის სპეციალური წარმომადგენელი რუსეთთან ურთიერთობის საკითხებში ზურაბ აბაშიძე და რუსეთის ფედერაციის საგარეო საქმეთა მინისტრის მოადგილე - სტატს-მდივანი გრიგორი კარასინი. ორმხრივი დიალოგის ფარგლებში განიხილება ის საკითხები, რომლებიც ჟენევის დისკუსიების დღის წესრიგის მიღმა დარჩა, კერძოდ: სავაჭრო-ეკონომიკური, სატრანსპორტო და კულტურულ-ჰუმანიტარული ურთიერთობების საკითხები.

გასული წლის ბოლომდე ჩატარდა ხუთი შეხვედრა, რის შედეგადაც რუსეთის ბაზარი გაიხსნა ქართული ნაწარმისათვის და დაიწყო რუსეთის ფედერაციის ტერიტორიაზე ქართული ღვინის, მინერალური წყლების, სოფლის მეურნეობისა და სხვა პროდუქციის ექსპორტი. ასევე აღდგა ქართული მცენარეული პროდუქციის - ციტრუსისა და სხვა ხილის - ექსპორტი რუსეთში. აღსანიშნავია, რომ 2013 წლის განმავლობაში გაიმართა საქართველოსა და რუსეთის შესაბამისი უწყებების ექსპერტებს შორის ხუთი შეხვედრა.

აღსანიშნავია, რომ საქართველოს პარტნიორმა ქვეყნებმა დადებითად შეაფასეს რუსეთთან ურთიერთობის ეს ახალი ფორმატი, როგორც დაძაბულობის შემცირებისაკენ მიმართული კონსტრუქციული ნაბიჯი.

სამწუხაროდ, საქართველოს კონსტრუქციული ნაბიჯებისა (ცალმხრივი ვალდებულება ძალის არგამოყენების თაობაზე, რუსეთის მოქალაქეებისათვის სავიზო რეჟიმის გაუქმება, ჭიჭი-ში განევრიანებაზე თანხმობა, გადაწყვეტილება სოჭის ოლიმპიადაში მონაწილეობაზე და მზადყოფნა თანამშრომლობაზე ოლიმპიადის უსაფრთხოების საკითხებთან დაკავშირებით) და ზემოაღნიშნული დადებითი ტენდენციების მიუხედავად, რუსეთის მხრიდან მივიღეთ არაადეკვატური პასუხი ე.წ. "ბორდერიზაციის" სახით, რომელიც უხეშად არღვევს ადამიანის უფლებებს.

მიუხედავად ამისა, საქართველოს მთავრობა ინარჩუნებს სიმშვიდეს და თანმიმდევრულად ახორციელებს პრაგმატულ პოლიტიკას, რომელიც მიმართულია ორმხრივი ურთიერთობების დეესკალაციისა და ეტაპობრივი მოწესრიგებისაკენ საქართველოს სუვერენიტეტისა და ტერიტორიული მთლიანობის ურღვევობის გათვალისწინებით.

ამერიკის შეერთებულ შტატებთან სტრატეგიული პარტნიორობა

საქართველოს მთავრობა ქვეყნის სტრატეგიულ პარტნიორთან ამერიკის შეერთებულ შტატებთან აქტიურ თანამშრომლობას განაგრძობს. 2013 წელი გამორჩეული იყო აშშ-ს საკანონმდებლო და აღმასრულებელ ხელისუფლებასთან, ასევე, არასამთავრობო სექტორთან და ბიზნეს წრეებთან საქართველოს ინტენსიური და ქმედითი თანამშრომლობით. აშშ-ისა და საქართველოს ურთიერთობები ეტაპობრივად ვითარდება სტრატეგიული პარტნიორობის ქარტიით განსაზღვრული ოთხი ძირითადი მიმართულებით - კერძოდ, უსაფრთხოებისა და თავდაცვის, ენერგეტიკის, ეკონომიკისა და ვაჭრობის, დემოკრატიისა და მმართველობის, აგრეთვე, ხალხთაშორის კონტაქტების გაღრმავებისა და კულტურული გაცვლების კუთხით.

სტრატეგიული პარტნიორობის ქარტიის დემოკრატიის და მმართველობის სამუშაო ჯგუფის შეხვედრა

12 აპრილს ქალაქ თბილისში აშშ-საქართველოს სტრატეგიული პარტნიორობის ქარტიის ფარგლებში დემოკრატიისა და მმართველობის სამუშაო ჯგუფის მე-6 შეხვედრა გაიმართა. დემოკრატიის სამუშაო ჯგუფის შეხვედრაზე ამერიკულმა მხარემ კიდევ ერთხელ გამოხატა საქართველოს დემოკრატიული განვითარებისადმი უწყვეტი მხარდაჭერა. სამუშაო ჯგუფის მიერ აღინიშნა, რომ 2012 წლის ოქტომბრის არჩევნებმა და ხელისუფლების მშვიდობიანმა ცვლამ კიდევ უფრო გაამყარა საქართველოს წინსვლა ევროატლანტიკური ინტეგრაციის მიზნისაკენ, რომელიც ქვეყანაში ფართო კონსენსუსით სარგებლობს.

შეხვედრისას აღინიშნა პროგრესი, რომელსაც საქართველომ ჩატარებული რეფორმების შედეგად მიაღწია. კერძოდ, სამუშაო ჯგუფმა მიმოიხილა საქართველოს ძალისხმევა დემოკრატიული ინსტიტუტების შემდგომი გამყარების, პოლიტიკური პლურალიზმისა და საარჩევნო პროცესების ხელშეწყობის, მედიის თავისუფლებისა და ხელმისაწვდომობის ხარისხის ამაღლების, კანონის უზენაესობისა და სასამართლოს რეფორმის, ასევე მმართველობის დეცენტრალიზაციის კუთხით, რადგან ეს რეფორმები სწორედ ქვეყნის ევროატლანტიკურ სივრცეში ინტეგრაციის მიზანს ემსახურება. ამ მხრივ, სამუშაო ჯგუფმა 2013 წლის აპრილის შუალედური, 2013 წლის ოქტომბრის საპრეზიდენტო და 2014 წლის ადგილობრივი არჩევნებისთვის ქვეყანაში კონკურენტუნარიანი საარჩევნო გარემოს ჩამოყალიბებასთან დაკავშირებული გეგმები განიხილა.

პირველად ქარტიის სამუშაო ჯგუფების პრაქტიკაში, მოხდა ხელისუფლების წარმომადგენლებთან ერთად საპარლამენტო ოპოზიციის წარმომადგენელთა მონაწილეობაც, რამაც ფორმატი უფრო წარ-



სტრატეგიული პარტნიორობის ქარტიის თავდაცვისა და უსაფრთხოების სამუშაო ჯგუფის შეხვედრა

9 დეკემბერს, ქალაქ ვაშინგტონში აშშ-საქართველოს სტრატეგიული პარტნიორობის ქარტიის ფარგლებში თავდაცვისა და უსაფრთხოების სამუშაო ჯგუფის მე-6 შეხვედრა გაიმართა, რომელზეც თავდაცვისა და უსაფრთხოების სფეროში აშშ-საქართველოს ორმხრივი ურთიერთობების ფართო სპექტრი განიხილეს.

სამუშაო ჯგუფის შეხვედრის მთავარ თემას აშშ-სა და საქართველოს უსაფრთხოებისა და თავდაცვის სფეროში თანამშრომლობა წარმოადგენდა. სხდომაზე ქართულმა და ამერიკულმა მხარეებმა ხაზი გაუსვეს, პრეზიდენტ ობამას დაპირების შესაბამისად, თავდაცვის სფეროში გაღრმავებული თანამშრომლობის ახალ მიმართულებებზე მიღწეულ პროგრესს, რაც ნატოსთან თავსებადობის გაზრდასა და თავდაცვითი შესაძლებლობების განვითარებას ისახავს მიზნად. ამერიკის შეერთებული შტატების მხრიდან აღინიშნა საქართველოს თავდაცვის რეფორმის განხორციელების პროცესში მიღწეული მნიშვნელოვანი პროგრესი და გამოიხატა მზადყოფნა, განაგრძონ საქართველოს რეფორმების განხორციელების ხელშეწყობა. შეხვედრაზე აგრეთვე განიხილეს უსაფრთხოების მდგომარეობა საქართველოში და რეგიონში; ავღანეთის ISAF-ის ოპერაციაში საქართველოს მიერ შეტანილი წვლილი და საქართველოს სატრანზიტო პოტენციალი; ჩრდილოატლანტიკურ ალიანსში და ევროკავშირში საქართველოს განწევრიანების საკითხები; რუსეთის მიერ საქართველოს ოკუპირებულ რეგიონებში არსებული მდგომარეობა; 2008 წლის 12 აგვისტოს ცეცხლის შეწყვეტის შესახებ შეთანხმების შესრულების მდგომარეობა; ვილნიუსის სამიტის შედეგები და საქართველოს ევროკავშირში განწევრიანების მომავალი ეტაპები.

სტრატეგიული პარტნიორობის ქარტიის ხალხთაშორისი ურთიერთობებისა და კულტურული გახვედრის სამუშაო ჯგუფის შეხვედრა

აშშ-საქართველოს სტრატეგიული პარტნიორობის ქარტიის ფარგლებში ხალხთაშორისი ურთიერთობებისა და კულტურული გაცვლების სამუშაო ჯგუფის შეხვედრა გაიმართა 12 დეკემბერს ქალაქ ვაშინგტონში აშშ-ის სახელმწიფო დეპარტამენტში.

სამუშაო ჯგუფის დღის წესრიგის ერთ-ერთ მთავარ თემას წარმოადგენდა საქართველოს რეინტეგრაციის პოლიტიკა ოკუპირებულ ტერიტორიებზე მცხოვრებ მოსახლეობასთან ურთიერთობის გაღრმავებისა და გააქტიურებისათვის. ამერიკელ კოლეგებთან ერთად განხილულ იქნა ოკუპირებულ რეგიონებში არსებული უსაფრთხოების გარემო, რუსეთის დეფერაციის მიერ მავთულხლართებისა და ღობეების უკანონო დამონტაჟება და ჰუმანიტარული მდგომარეობა. ერთსულოვნად აღინიშნა აშშ-სა და საერთაშორისო საზოგადოების ძალისხმევით მნიშვნელოვანი ოკუპირებული ტერიტორიების რეინტეგრაციის საკითხში და ადამიანის უფლებათა მონიტორინგის აუცილებლობაში. შეხვედრაზე ამერიკულმა მხარემ ხაზი გაუსვა და დადებითად შეაფასა საქართველოს მთავრობის გამჭვირვალობა და გახსნილობა რეინტეგრაციის საკითხებში საერთაშორისო საზოგადოების ჩართულობასთან დაკავშირებით.

აშშ-მა კიდევ ერთხელ დაადასტურა საქართველოს სუვერენიტეტისა და ტერიტორიული მთლიანობისადმი ურყევი მხარდაჭერა.

საქართველო არჩეულ იქნა იმ 20 ქვეყანას შორის, რომლებიც აშშ-ის საერთაშორისო განვითარების სააგენტოს (USAID) მეცნიერების, ტექნოლოგიის, ინოვაციისა და პარტნიორობის (STIP) პროექტში ჩაერთვებიან.

სამუშაო ჯგუფის ფარგლებში აგრეთვე განხილულ იქნა აშშ-სთან სავიზო რეჟიმის შემდგომი გამარტივების საკითხები და თანამშრომლობის გაღრმავება განათლებისა და კულტურის სფეროებში. აღინიშნა „ათასწლეულის გამოწვევის კორპორაციის“ (MCC) მიერ გამოყოფილი მეორე კომპაქტის განხორციელების პროგრესი. გარდა ამისა, მხარეებმა განიხილეს ჯანდაცვის სფეროში თანამშრომლობის მიმართულებები და სამომავლო პერსპექტივები. აშშ-ის მიერ საქართველო შეფასდა, როგორც მნიშვნელოვანი პარტნიორი და მისაბაძი მაგალითი ჯანდაცვის განვითარების კუთხით.

სტრატეგიული პარტნიორობის ქარტიის ეკონომიკის, ვაჭრობისა და ენერგეტიკის სამუშაო ჯგუფის შეხვედრა

13 დეკემბერს ქალაქ ვაშინგტონში აშშ-ის სახელმწიფო დეპარტამენტში გაიმართა აშშ-საქართველოს სტრატეგიული პარტნიორობის ქარტიის ეკონომიკის, ვაჭრობისა და ენერგეტიკის სამუშაო ჯგუფის მორიგი შეხვედრა.

მხარეებმა განიხილეს ამერიკის შეერთებულ შტატებსა და საქართველოს შორის ეკონომიკური თანამშრომლობის არსებული მიმართულებები და სამომავლო პერსპექტივები. შეხვედრის მნიშვნელოვანი ნაწილი დაეთმო სავაჭრო და საინვესტიციო სფეროში მაღალი დონის დიალოგის გაღრმავების საკითხს. აღნიშნული დიალოგის მიზანია ორ ქვეყანას შორის სავაჭრო და საინვესტიციო ურთიერთობების განვითარება, მათ შორის თავისუფალი სავაჭრო შეთანხმების შესაძლებლობის განხილვა. ამერიკული მხარე მიესალმა საქართველოს ინიციატივას კიდევ უფრო გაღრმავდეს აშშ-ის სავაჭრო წარმომადგენლის (USTR) თანათავმჯდომარეობით წარმოებული მაღალი დონის დიალოგი სავაჭრო და საინვესტიციო სფეროში. ქართულმა მხარემ წარმოადგინა დეტალური სამოქმედო ხედვა აღნიშნული დიალოგის გაღრმავებისათვის როგორც მთავრობათშორის, ისე ბიზნესწრეებს შორის დონეებზე. მხარეებმა აგრეთვე ისაუბრეს საქართველოსა და ევროკავშირს შორის ღრმა და ყოვლისმომცველ თავისუფალ სავაჭრო სივრცეზე (DCFTA) და საქართველოს პროგრესზე ამ მიმართულებით.

სამუშაო ჯგუფის შეხვედრისას საუბარი წარიმართა ორმხრივი თანამშრომლობის ისეთ საკითხებზე, როგორიცაა სოფლის მეურნეობა, ინტელექტუალური საკუთრების უფლებების დაცვა, ენერგეტიკული უსაფრთხოება და მიწოდების დივერსიფიკაცია, ინფრასტრუქტურული განვითარება, საქართველოს აღმოსავლეთ-დასავლეთის სატრანსპორტო ცენტრად გადაქცევის პერსპექტივები და საქართველოს ეკონომიკური როლის ზრდა რეგიონში.

სამუშაო ჯგუფების შეხვედრების შემდეგ ქართულმა და ამერიკულმა მხარემ შეიმუშავეს ერთობლივი განცხადება, რომლითაც შეფასდა ორ ქვეყანას შორის თანამშრომლობის კუთხით მიღწეული პროგრესი და ხაზი გაესვა შემდგომი თანამშრომლობის პრიორიტეტულ მიმართულებებს. განცხადების თანახმად,

- შეერთებული შტატები მტკიცედ უჭერს მხარს საქართველოს სუვერენიტეტს მის საერთაშორისოდ აღიარებულ საზღვრებში და ჩვენი ქვეყნის ევროატლანტიკურ სტრუქტურებში განწევრიანებას.
- შეერთებული შტატები დიდ მნიშვნელობას ანიჭებს საქართველოსთან უსაფრთხოების სფეროში თანამშრომლობის საკითხს და აღნიშნულ თანამშრომლობას განიხილავს, როგორც ორმხრივად სტრატეგიული მნიშვნელობის პროცესს, რომელზეც დაფუძნებულია ორი ქვეყნის საიმედო და მტკიცე ურთიერთობები.
- საქართველო, მსოფლიოს 20 ქვეყანას შორის, ჩაერთვება USAID-ის მეცნიერების, ტექნოლოგიის, ინოვაციისა და პარტნიორობის (STIP) პროექტში.
- აშშ და საქართველო გააგრძელებენ მაღალი დონის ეკონომიკურ და საინვესტიციო დიალოგს, თავისუფალი სავაჭრო ხელშეკრულების დადების შესაძლებლობის განხილვით.
- აშშ-საქართველოს სტრატეგიული პარტნიორობის კომისია დარჩება საქართველოსა და ამერიკას შორის თანამშრომლობის მართვისა და პრიორიტეტიზაციის მთავარ მექანიზმად.

საქართველოს საგარეო საქმეთა მინისტრისა და აშშ-ის სახელმწიფო მდივნის შეხვედრა

ამ მხრივ აღსანიშნავია, რომ 2013 წელს საქართველოს საგარეო საქმეთა მინისტრმა მაია ფანჯიკიძემ ორი ოფიციალური შეხვედრა გამართა აშშ-ს სახელმწიფო მდივანთან ჯონ კერისთან.

მ.წ. 24 აპრილს, ქ. ბრიუსელში გამართული ნატო-ს საგარეო საქმეთა მინისტრიალის ფარგლებში შეხვედრაზე მხარეებმა განიხილეს აშშ-სა და საქართველოს ორმხრივი და მრავალმხრივი საკითხების ფართო სპექტრი, მათ შორის, საქართველოს ევროპულ და ევრო-ატლანტიკურ სტრუქტურებში ინტეგრაციის საკითხები; აშშ-საქართველოს სტრატეგიული პარტნიორობის ქარტიის ფარგლებში თანამშრომლობის სამომავლო გეგმები; ქვეყნებს შორის სავაჭრო-ეკონომიკური ურთიერთობების გაღრმავების პერსპექტივები; რუსეთ-საქართველოს ურთიერთობები და საქართველოში მიმდინარე პოლიტიკური მოვლენები.

აშშ-ს სახელმწიფო მდივანმა საქართველოს საგარეო საქმეთა მინისტრს მადლობა გადაუხადა საქართველოს მიერ გლობალურ უსაფრთხოებაში შეტანილი წვლილისათვის და ამ კუთხით ხაზგასმით აღნიშნა ავღანეთის ISAF-ის მისიაში საქართველოს მონაწილეობის მნიშვნელობა.

საქართველოს საგარეო საქმეთა მინისტრმა მაია ფანჯიკიძემ აშშ-ს სახელმწიფო მდივანი ოფიციალური ვიზიტით საქართველოში მოინწვია.

მ.წ. 3 დეკემბერს, ქ. ბრიუსელში, ნატო-ს საგარეო საქმეთა მინისტრიალის ფარგლებში შედგა საქართველოს საგარეო საქმეთა მინისტრისა და აშშ-ს სახელმწიფო მდივნის მეორე შეხვედრა.

აღნიშნულ შეხვედრაზე მხარეებმა განიხილეს საქართველოსა და აშშ-ის შორის ორმხრივი ურთიერთობებისა და მრავალმხრივ ფორმატში თანამშრომლობის ძირითადი საკითხები. ამერიკული მხარე მიესალმა საქართველოს მიერ ასოცირების ხელშეკრულების პარაფირებას, საქართველოს ევროპულ მისწრაფებებს და აღნიშნულ პროცესში მხარდაჭერის მზადყოფნა გამოთქვა. ამერიკულმა მხარემ იმედი გამოთქვა, რომ აღნიშნულ ხელშეკრულებას მალე მოეწერება ხელი, ამუშავდება ღრმა და ყოვლისმომცველი თავისუფალი სავაჭრო სივრცე, რაც ახალ იმპულსს მისცემს ამერიკის შეერთებულ შტატებთანაც სავაჭრო დიალოგს.

მხარეებმა აგრეთვე ისაუბრეს საქართველოს დამოკრძალებული განვითარების, ქვეყანაში გატარებული რეფორმების და საქართველოს ევრო-ატლანტიკური ინტეგრაციის პროცესის მნიშვნელობაზე.



აშშ-ში საგარეო საქმეთა მინისტრის ვიზიტის ფარგლებში 60-ზე მეტი შეხვედრა შედგა.

2013 წლის ივლისში საგარეო საქმეთა მინისტრი მაია ფანჯიკიძე, საქართველოს პარლამენტის წევრებთან და მთავარ პროკურორთან ერთად სამუშაო ვიზიტით აშშ-ში იმყოფებოდა. ვიზიტის ფარგლებში გაიმართა 60-ზე მეტი შეხვედრა აშშ-ის კონგრესში, სახელმწიფო დეპარტამენტსა და შეერთებული შტატების აღმასრულებელი ხელისუფლების სხვა უწყებებში, ასევე არასამთავრობო სექტორთან, კვლევით ორგანიზაციებთან და მედიის წარმომადგენლებთან.



ორ ქვეყანას შორის ეკონომიკური ურთიერთობების გაღრმავების კონტექსტში, სექტემბერში აშშ-ს სავაჭრო წარმომადგენლის ოფისსა (ჯშთდ) და საქართველოს სამთავრობოთაშორისო ჯგუფს შორის გაიმართა ვიდეო-კონფერენცია თემაზე: პრეფერენციათა განზოგადებული სისტემა (GSP), რომლის დროსაც საქართველოს შრომის კოდექსში შეტანილი ცვლილებები დადებითად შეფასდა.

„ათასწლეულის გამოწვევის კორპორაციის“ მე-2 კომპაქტით გათვალისწინებული დაფინანსება მეცნიერების, განათლებისა და ტექნოლოგიების განვითარების სფეროებს მოხმარდება.

27 ივლისს ხელი მოეწერა „ათასწლეულის გამოწვევის კორპორაციის“ (MCC) მეორე კომპაქტს, რომლის ფარგლებშიც საქართველოსთვის 140 მილიონი აშშ დოლარის გამოიყო. ეს დაფინანსება მიზნად ისახავს მეცნიერების, ტექნოლოგიების, საინჟინრო და მათემატიკის (STEM) სფეროებში განათლების ხარისხის გაუმჯობესებას, აგრეთვე, ტექნიკური განათლების სფეროში სტრატეგიული ინვესტიციების განთავსებით, სამომავლოდ, საქართველოს მოქალაქეების შემოსავლისუნარიანობის გაზრდას. კომპაქტი ზემოხსენებულ დარგებში ქალთა მონაწილეობის გააქტიურებასაც ითვალისწინებს.

მეორე კომპაქტით გათვალისწინებული დაფინანსების გამოყოფის შესახებ გადაწყვეტილება „ათასწლეულის გამოწვევის კორპორაციამ“ მას შემდეგ მიიღო, რაც 2011 წელს წარმატებულად დასრულდა „ათასწლეულის გამოწვევის კორპორაციასთან“ საქართველოს პირველი კომპაქტი, რის შედეგადაც განხორციელდა ქვეყნის დასავლეთ-აღმოსავლეთის დამაკავშირებელი მაგისტრალის რეაბილიტაცია, ენერგიით და წყლით მომარაგების გაუმჯობესება და მნიშვნელოვანი დახმარება გაენია საქართველოს სოფლის მეურნეობას. აღნიშნულმა ინვესტიციებმა დიდი დახმარება გაუწია საქართველოს ძალისხმევას სტაბილურობის, კარგი მმართველობისა და კერძო სანარმოების განვითარებაში.

უკეთიერეთლები ევროპის ქვეყნებთან

საქართველო ევროპის გახუყოფელი ნაწილია. საქართველოს საგარეო პოლიტიკის პრიორიტეტების განხორციელებისა და ქვეყნის წინაშე არსებულ გამოწვევებზე ეფექტური რეაგირების მიზნით, 2013 წელს კვლავ ინტენსიურად გრძელდებოდა თანამშრომლობა ევროპის ქვეყნებთან პოლიტიკურ, ეკონომიკურ, განათლებისა და კულტურულ-ჰუმანიტარულ სფეროებში, რაც საქართველოს სტაბილური და დემოკრატიული განვითარების უმნიშვნელოვანესი გარანტიაა. აღსანიშნავია ევროპის ქვეყნების მხარდაჭერის განმტკიცება საქართველოს ევროპული და ევროატლანტიკური ინტეგრაციის კუთხით.

საგარეო საქმეთა მინისტრის მაია ფანჯიკიძის
ოფიციალური და სამუშაო ვიზიტები ევროპის
ქვეყნებში

10-11 იანვარი - ლიტვის რესპუბლიკა
12-14 იანვარი - ლატვიის რესპუბლიკა
15 იანვარი - ჩეხეთის რესპუბლიკა
27-29 იანვარი - პოლონეთის რესპუბლიკა
30-31 იანვარი - ესტონეთის რესპუბლიკა
25-28 თებერვალი - ავსტრიის რესპუბლიკა
24-26 მარტი - ნიდერლანდების სამეფო
30 მარტი - 1 აპრილი - პორტუგალიის რესპუბლიკა
13-14 მაისი - უნგრეთი
1 ივლისი - საფრანგეთის რესპუბლიკა
12-13 სექტემბერი - შვეიცარიის კონფედერაცია
4-5 ოქტომბერი - მოლდოვას რესპუბლიკა
6-8 ოქტომბერი - გერმანიის ფედერაციული რესპუბლიკა
9-10 ოქტომბერი - ავსტრიის რესპუბლიკა
11 ოქტომბერი - სლოვაკეთის რესპუბლიკა
25 ნოემბერი - ბულგარეთის რესპუბლიკა
9 დეკემბერი - რუმინეთი
18 დეკემბერი - ესპანეთის სამეფო

ნარმატებით განხორციელდა საგარეო საქმეთა მინისტრის, ინისტრის მოადგილეების ოფიციალური თუ სამუშაო ვიზიტები ევროპის თითქმის ყველა ქვეყანაში. ამასთან, ევროპის ქვეყნიებიდან თბილისს არაერთი მაღალი დონის სტუმარი ეწვია. ამ ვიზიტებისას ევროპული სახელმწიფოების მაღალი რანგის წარმომადგენლები უპირობო მხარდაჭერას გამოხატავდნენ როგორც საქართველოს ტერიტორიული მთლიანობის მიმართ, ასევე ოკუპირებული ტერიტორიების არაღიარების თვალსაზრისით. გარდა ამისა, შეხვედრებზე განიხილებოდა საქართველოს ევროატლანტიკური და ევროპული ინტეგრაციის თემა, მათ შორის, ვილინიუსის სამიტის შედეგები და სამიტის შემდგომი გამოწვევები.

გარდა ამისა, ვიზიტების დროს ხელმოწერილმა ორმხრივმა საერთაშორისო შეთანხმებებმა მნიშვნელოვნად გაამდიდრა ქვეყნებს შორის არსებული სახელშეკრულებო-სამართლებრივი ბაზა.

დინამიურად ვითარდებოდა თანამშრომლობა
ბალტიის ზღვის რეგიონის ქვეყნებთან, მათ შო-
რის, ლიტვასთან, რომელიც წლის მეორე ნახე-

ვარში ევროკავშირის თავმჯდომარე ქვეყანა იყო. ნლის განმავლობაში რეგიონში უმაღლესი დონის, კერძოდ პრემიერ-მინისტრ ბიძინა ივანიშვილის ვიზიტები შედგა, რომელიც ლიტვას (18 ივლისი), ლატვიას (6-7 სექტემბერი) და ესტონეთს (8-9 სექტემბერი) ეწვია.

აღნიშნულ ქვეყნებში განხორციელდა საგარეო საქმეთა ვიზიტები. ლიტვის რესპუბლიკაში მინისტრის ვიზიტისას ხელი მოეწერა საქართველოსა და ლიტვის რესპუბლიკას შორის ევროპული და ევრო-ატლანტიკური ინტეგრაციის ქარტიის ფარგლებში საქართველო-ლიტვის კომისიის 2013 წლის სამოქმედო გეგმას. წელს ლიტვასთან, ასევე, ხელი მოეწერა შეთანხმებებს საგანგებო სიტუაციების თავიდან აცილებისა და ლიკვიდაციის სფეროში თანამშრომლობისა და ურთიერთდახმარების და დანაშაულის წინააღმდეგ ბრძოლაში თანამშრომლობის შესახებ.



საგარეო საქმეთა სამინისტროებს შორის პოლიტიკური კონსულტაციები შედგა მინისტრის მოადგილეების დონეზე.

14 იანვარს საგარეო საქმეთა მინისტრი მათა ფანჯიკიძე ოფიციალური ვიზიტით ლატვიის რესპუბლიკას ეწვია. ვიზიტის ფარგლებში, მინისტრი შეხვდა ლატვიის პრეზიდენტს ანდრის ბერზინს, პარლამენტის

თავმჯდომარეს სოლვიტა აბოლტინას და საგარეო საქმეთა მინისტრს ედგარს რინკევიჩს. ვიზიტისას მინისტრი მაია ფანჯიკიძე ლატვიის ოკუპაციის მუზეუმს ესტუმრა და თავის ლატვიელ კოლეგასთან ერთად ყვავილებით შეამკო თავისუფლების მონუმენტი.

საგარეო საქმეთა მინისტრის ესტონეთში ვიზიტის ფარგლებში, საქართველოსა და ესტონეთის საგარეო საქმეთა მინისტრებმა ხელი მოაწერეს ორ ქვეყანას შორის საიდუმლო ინფორმაციის გაცვლისა და დაცვის შესახებ ხელშეკრულებას. ივლისში საქართველოში სტუმრობისას კი ესტონეთის საგარეო საქმეთა მინისტრმა ურმას პაეტმა მონაწილეობა მიიღო მეათე საიუბილეო საერთაშორისო კონფერენციაში „საქართველოს ევროპული გზა“. წელს ძალაში შევიდა საქართველოს კულტურისა და ძეგლთა დაცვის სამინისტროსა და ესტონეთის რესპუბლიკის კულტურის სამინისტროს შორის 2013-2016 წლებისათვის კულტურული თანამშრომლობის პროგრამა; ხელი მოეწერა შეთანხმებებს ტურიზმის სფეროში თანამშრომლობის შესახებ.



პარტნიორ სახელმწიფოებთან თანამშრომლობის კუთხით აღსანიშნავია შვედეთის სამეფოს საგარეო საქმეთა მინისტრის კარლ ბილდტისა და პოლონეთის საგარეო საქმეთა მინისტრის რადოსლავ შიკორსკის ერთობლივი ვიზიტი საქართველოში 23 ოქტომბერს. მანამდე სექტემბერში საქართველოს სამუშაო ვიზიტით შვედეთის სამეფოს პარლამენტის თავმჯდომარე პერ ვესტერბერგი სტუმრობდა. წელს, ასევე, ხელი მოეწერა შეთანხმებას შვედეთთან შემოსავლებისა და კაპიტალზე ორმაგი დაბეგვრის თავიდან აცილებისა და გადასახადების გადაუხდელობის აღკვეთის შესახებ

ივლისში პოლონეთს ოფიციალური ვიზიტით ეწვია საქართველოს პრემიერ-მინისტრი ბიძინა ივანიშვილი. მანამდე, წლის დასაწყისში პოლონეთის რესპუბლიკას საგარეო საქმეთა მინისტრი მაია ფანჯიკიძე სტუმრობდა. მინისტრმა შეხვედრები გამართა პოლონეთის რესპუბლიკის პრეზიდენტის ადმინისტრაციის ხელმძღვანელთან სახელმწიფო მდივან იაცეკ მიხალოვსკისთან, სენატის თავმჯდომარე ბოგდან ბორუსევიჩთან, სეიმის თავმჯდომარის მოადგილე ცეზარ გრაბარჩიკსთან და საგარეო საქმეთა მინისტრ რადოსლავ შიკორსკისთან. აღსანიშნავია, რომ წელს ძალაში შევიდა შეთანხმება პოლონეთთან ტურიზმის სფეროში თანამშრომლობის შესახებ. პოლონეთის გარდა აქ-



ტიურად ვითარდებოდა თანამშრომლობა ვიშეგრადის (პოლონეთი, სლოვაკეთი, უნგრეთი, ჩეხეთი) სხვა ქვეყნებთანაც. 2013 წელს აღინიშნა საქართველოსა და სლოვაკეთის რესპუბლიკას შორის, ასევე საქართველოსა და ჩეხეთის რესპუბლიკას შორის დიპლომატიური ურთიერთობების დამყარების 20 წლისთავი. საქართველოს საგარეო საქმეთა მინისტრმა სლოვაკ და ჩეხ კოლეგებთან მათი საქართველოში ვიზიტისას ხელი მოაწერა ქვეყნებს შორის დიპლომატიური ურთიერთობების დამყარების 20 წლის იუბილესთან დაკავშირებით ერთობლივ განცხადებებს.



იანვარში შედგა საგარეო საქმეთა მინისტრის მაია ფანჯიკიძის ვიზიტი ჩეხეთის რესპუბლიკაში. ვიზიტის ფარგლებში, მინისტრი შეხვდა ჩეხეთის რესპუბლიკის პარლამენტის დეპუტატთა პალატის თავმჯდომარეს მიროსლავა ნემცოვას და პირველ ვიცე-პრემიერსა და საგარეო საქმეთა მინისტრს კარელ შვარცენბერგს. სლოვაკეთში ვიზიტისას სლოვაკეთის ვიცე-პრემიერმა, საგარეო და ევროპულ საქმეთა მინისტრმა მიროსლავ ლაიჩაკმა ახლო მომავალში თბილისში სლოვაკეთის რესპუბლიკის საელჩოს გახსნის შესახებ განაცხადა.



სლოვაკეთისა და ჩეხეთის ვიცე-პრემიერების საქართველოში ვიზიტების ფარგლებში გაიმართა ბიზნეს-ფორუმები საქართველოს საგარეო საქმეთა მინისტრის მონაწილეობით. წლის ბოლოს ძალში შევიდა შეთანხმება „საქართველოსა და ჩეხეთის რესპუბლიკას შორის ეკონომიკისა და მრეწველობის სფეროში თანამშრომლობის შესახებ“.

მაისში საგარეო საქმეთა მინისტრის უნგრეთში ვიზიტისას ხელი მოეწერა შეთანხმებებს „საქართველოს მთავრობასა და უნგრეთის მთავრობას შორის ეკონომიკური თანამშრომლობის შესახებ“ და „საქართველოს მთავრობასა და უნგრეთის მთავრობას შორის ტურიზმის სფეროში თანამშრომლობის შესახებ“. ეკონომიკური თანამშრომლობის შესახებ ხელშეკრულების ხელმოწერით შეიქმნა სამართლებრივი საფუძველი ორ ქვეყანას შორის ეკონომიკური თანამშრომლობის ერთობლივი მთავრობათაშორისი კომისიის ჩამოყალიბებისათვის, რომლის პირველი სხდომაც 10-11 დეკემბერს გაიმართა.

საქართველო-უნგრეთს შორის სამართლებრივი ბაზის განმტკიცებისა და, ზოგადად, სხვადასხვა სფეროში თანამშრომლობის გააქტიურების თვალსაზრისით, მნიშვნელოვანი იყო უნგრეთის პრემიერ-მინისტრის აპარატის საგარეო საქმეთა და ეკონომიკურ ურთიერთობათა სახელმწიფო მდივნის პიტერ სიიარტოს საქართველოში ვიზიტის ფარგლებში ხელმოწერილი შეთანხმებები „საქართველოსა და უნგრეთის მთავრობებს შორის განათლების, მეცნიერებისა და კულტურის სფეროში თანამშრომლობის შესახებ“ და „საქართველოსა და უნგრეთის მთავრობებს შორის საავტომობილო გზით მგზავრთა საერთაშორისო გადაყვანისა და ტვირთის გადაზიდვის შესახებ“.





წლის ბოლოს გაიმართა საქართველოსა და უნგრეთს შორის პოლიტიკური კონსულტაციები საგარეო საქმეთა მინისტრის მოადგილეების დონეზე. კონსულტაციებზე, აღინიშნა, რომ „საქართველოს მთავრობასა და უნგრეთის მთავრობას შორის განათლების, მეცნიერებისა და კულტურის სფეროში თანამშრომლობის შესახებ“ ხელმოწერილი შეთანხმების საფუძველზე 50 ქართველ სტუდენტს მომდევნო წლის სექტემბრიდან ერთი წლით უნგრეთის წამყვან უნივერსიტეტებში სწავლების შესაძლებლობა მიეცემა.

საქართველო განაგრძობს მჭიდრო პარტნიორულ ურთიერთობებს უკრაინასთან და მოლდოვასთან. უკრაინის საგარეო საქმეთა მინისტრის ლეონიდ კოჩარას საქართველოში ვიზიტის ფარგლებში საგარეო საქმეთა მინისტრმა მაია ფანჯიკიძემ უკრაინელ კოლეგასთან ხელი მოაწერა „საქართველოსა და უკრაინის საგარეო საქმეთა სამინისტროებს შორის კონსულტაციების გეგმას 2013-2014 წლებისათვის“. წელსვე ძალში შევიდა შეთანხმება საქართველოსა და უკრაინის ჯანმრთელობის დაცვის სამინისტროებს შორის ჯანმრთელობის დაცვისა და სამედიცინო მეცნიერების სფეროში თანამშრომლობის შესახებ.

საგარეო საქმეთა მინისტრის მაია ფანჯიკიძის მოლდოვას რესპუბლიკაში ოფიციალური ვიზიტის ფარგლებში, საქართველოს საგარეო საქმეთა მინისტრმა და მოლდოვას რესპუბლიკის საგარეო საქმეთა და ევროინტეგრაციის მინისტრმა ნატალია გერმანმა ხელი მოეწერეს ერთობლივ განცხადებას ევროინტეგრაციის მიმართულებით თანამშრომლობის შესახებ. გარდა ამისა, ძალში შევიდა შეთანხმებები საქართველოსა და მოლდოვას შორის მოქალაქეთა უვიზო მიმოსვლისა და საერთაშორისო საავტომობილო მიმოსვლის შესახებ.



საქართველოს საგარეო საქმეთა მინისტრმა ნოემბერში ბულგარეთის რესპუბლიკაში ვიზიტისას, ხელი მოაწერა „საქართველოს საგარეო საქმეთა სამინისტროსა და ბულგარეთის რესპუბლიკის საგარეო საქმეთა სამინისტროს შორის გაფართოებული თანამშრომლობისა და კონსულტაციების შესახებ“ ოქმს, რომელიც ევროკავშირში ინტეგრაციის კუთხით ბულგარეთის გამოცდილების გაზიარებას ითვალისწინებს. აღსანიშნავია, რომ ივლისში საქართველოში იმყოფებოდა ბულგარეთის საგარეო საქმეთა მინისტრი კრისტიან ვიგენინი, რომელმაც მონაწილეობა მიიღო საერთაშორისო კონფერენცია „საქართველოს ევროპული გზის“ მეათე საიუბილეო ღონისძიებაში.

9 დეკემბერს საგარეო საქმეთა მინისტრი მაია ფანჯიკიძე ოფიციალური ვიზიტით ეწვია რუმინეთს. შეხვედრებზე განსაკუთრებული ყურადღება დაეთმო ვილნიუსის „აღმოსავლეთ პარტნიორობის“ სამიტის შემდგომ პერიოდში განსახორციელებელ გეგმებს.

რუმინეთის საგარეო საქმეთა მინისტრთან ტიტუს კორლეცუანთან გამართულ შეხვედრაზე მხარეებმა განსაკუთრებული ყურადღება დაუთმეს ორმხრივი თანამშრომლობის მნიშვნელოვან საკითხებს, მათ შორის ეკონომიკურ, ენერგეტიკულ და სატრანსპორტო პროექტებს და საბორნე მიმოსვლის (ბათუმი-კონსტანცა/ფოთი-კონსტანცა) აღდგენის მნიშვნელობას.



წელს ძალაში შევიდა შეთანხმება რუმინეთთან ეკონომიკური, სამეცნიერო და ტექნიკური თანამშრომლობის შესახებ.



წლის განმავლობაში განხორციელდა საგარეო საქმეთა მინისტრის არაერთი სამუშაო ვიზიტი კიდევ არაერთ ევროპულ დედაქალაქში. კერძოდ, 1-2 ივლისს შედგა საგარეო საქმეთა მინისტრის მაია ფანჯიკიძის პირველი ვიზიტი საფრანგეთის რესპუბლიკაში. მინისტრმა შეხვედრები გამართა საფრანგეთის რესპუბლიკის საგარეო საქმეთა მინისტრთან ლორან ფაბიუსთან, პრეზიდენტის დიპლომატიურ მრჩეველთან პოლ ჟან-ორტისთან, სენატის „საფრანგეთ-საქართველოს მეგობრობის ჯგუფის“ თავმჯდომარესთან ალენ გურნაკთან და ჯგუფის წევრ სენატორებთან.

პოლიტიკური თანამშრომლობის საკითხების გარდა განხილულ იქნა საქართველოსა და საფრანგეთს შორის სავაჭრო-ეკონომიკური თანამშრომლობის პერსპექტივები და კულტურის და განათლების სფეროებში კავშირების შემდგომი გაღრმავების შესაძლებლობები. აღინიშნა საფრანგეთის განვითარების სააგენტოსთან (AFD) თანამშრომლობის სამომავლო პერსპექტივები და საქართველოში საფრანგეთის განვითარების სააგენტოს ოფისის გახსნის მნიშვნელობაც.

ოქტომბერში შედგა საგარეო საქმეთა მინისტრის მაია ფანჯიკიძის ოფიციალური ვიზიტი გერმანიის ფედერაციულ რესპუბლიკაში. ვიზიტის ფარგლებში საგარეო საქმეთა მინისტრმა შეხვედრები გამართა საგარეო საქმეთა ფედერალურ მინისტრთან გიდო ვესტერველესთან და ფედერალური კანცლერის საგარეო და უსაფრთხოების საკითხებში მრჩეველთან კრისტოფ ჰოისგენტან.

აღსანიშნავია, რომ წელს საგარეო საქმეთა სამინისტროს მიერ ინიცირება გაუკეთდა ქვეყნის აღმასრულებელი ხელისუფლების მაღალი პირებისა და საქართველოში მოღვაწე გერმანული პოლიტიკური ფონდების წარმომადგენლებს შორის რეგულარული შეხვედრების გამართვას.



საგარეო საქმეთა მინისტრი მაია ფანჯიკიძე ივლისსა და ოქტომბერში ორჯერ იმყოფებოდა სამუშაო ვიზიტით ავსტრიის ფედერაციულ რესპუბლიკაში. ვიზიტების ფარგლებში, მინისტრმა ორმხრივი შეხვედრები გამართა ავსტრიის ევროპულ და საერთაშორისო საქმეთა მინისტრთან, ვიცე-კანცლერ მიქაელ შპინდელეგერთან, ავსტრიის საგარეო საქმეთა სახელმწიფო მდივანთან რაინჰოლდ ლოპატკასთან, ავსტრიის ყოფილ ფედერალურ კანცლერთან ვოლფგანგ შიუსელთან

საქართველო-ავსტრიის ურთიერთობების შემდგომი განვითარების თვალსაზრისით, მნიშვნელოვანი იყო მარტში საგარეო საქმეთა მინისტრის პირველი მოადგილის დავით ზალკალიანის ვენაში ვიზიტის ფარგლებში ხელმოწერილი შეთანხმება „საქართველოს მთავრობასა და ავსტრიის რესპუბლიკის მთავრობას შორის განვითარების სფეროში თანამშრომლობის შესახებ“. ამ დოკუმენტის ხელმოწერამ დამატებითი იმპულსი მისცა 24 ოქტომბერს ავსტრიის რესპუბლიკის ევროპულ და საერთაშორისო საქმეთა სამინისტროს გენერალური მდივნის მიხაელ ლინჰარტისა და ავსტრიის განვითარების სააგენტოს დირექტორის მარტინ ლედოლტერის საქართველოში ვიზიტის ფარგლებში ავსტრიის განვითარების სააგენტოს (ADA) წარმომადგენლობის გახსნას თბილისში.



ხელი მოეწერა საქართველოს მთავრობასა და ავსტრიის ფედერაციულ მთავრობას შორის საქართველო-ევროკავშირის შორის „უნებართვოდ მყოფი პირების რეადმისიის“ შესახებ შეთანხმების საიმპლემენტაციო ოქმს.



ამ მხრივ, ასევე აღსანიშნავია, რომ სექტემბერში ბელგიის, ლუქსემბურგის და ნიდერლანდების საგარეო საქმეთა მინისტრებმა საქართველოში ვიზიტისას ქართველ კოლეგასთან ხელი მოაწერეს „საქართველოსა და ბენილუქსის სახელმწიფოებს (ბელგიის სამეფო, ნიდერლანდების სამეფო, ლუქსემბურგის დიდი საჰერცოგო) შორის საქართველოსა და ევროკავშირის შორის უნებართვოდ მცხოვრებ პირთა რეადმისიის შესახებ შეთანხმების საიმპლემენტაციო ოქმს“.

საგარეო საქმეთა მინისტრი მაია ფანჯიკიძე მარტის ბოლოს ოფიციალური ვიზიტით იმყოფებოდა ნიდერლანდების სამეფოსა და პორტუგალიაში.

ნიდერლანდების სამეფოში საგარეო საქმეთა მინისტრმა შეხვედრები გამართა საგარეო საქმეთა მინისტრთან ფრანს ტიმერმანსთან, თავდაცვის მინისტრთან ჟანინ-ჰენის პლასსხარტთან, პარლამენტის სენატის საგარეო საქმეთა, თავდაცვისა და განვითარების კომიტეტების და წარმომადგენლობითი პალატის საგარეო საქმეთა, ევროპულ საქმეთა და საერთაშორისო ვაჭრობისა და განვითარების კომიტეტების წევრებთან. შეხვედრებზე მხარეებმა განიხილეს სხვადასხვა სფეროში, მათ შორის ეკონომიკისა და თავდაცვის სფეროებში, თანამშრომლობის გააქტიურებისა და გაღრმავების პერსპექტივები. ვიზიტის ფარგლებში გაიმართა



ამსტერდამსა და როტერდამში საქართველოს საპატიო კონსულების დანიშვნის ოფიციალური ცერემონია.

პორტუგალიაში მინისტრი პორტუგალიის რესპუბლიკის სახელმწიფო და საგარეო საქმეთა მინისტრ პაულუ პორტაშს, სახელმწიფო მდივანს კარლოს მოედასთან და პორტუგალიის ეროვნული ასამბლეის წევრებს შეხვდა.

საქართველოსა და პორტუგალიას შორის ორმხრივი და მრავალმხრივი ურთიერთობების აქტიური საკითხების, სავაჭრო-ეკონომიკური თანამშრომლობის პერსპექტივებისა და კულტურისა და განათლების სფეროებში კავშირების შემდგომი გაღრმავების გარდა, ყურადღება გამახვილდა საქართველოს ლუზოფონურ სამყაროსთან დაახლოების პროცესზე და, ამ მიზნით, პორტუგალიურენოვანი ქვეყნების თანამეგობრობაში (CPLP) დამკვირვებელი ქვეყნის სტატუსით საქართველოს განწევრიანების პერსპექტივაზეც, რაც, თავის მხრივ, ხელს შეუწყობს პორტუგალიურენოვანი ქვეყნების თანამეგობრობის წევრ სახელმწიფოებთან პოლიტიკური და ეკონომიკური ურთიერთობების გაღრმავების პროცესს.



საქართველოს საგარეო საქმეთა მინისტრის შვეიცარიაში ვიზიტის ფარგლებში, საგარეო უწყებების ხელმძღვანელებმა ხელი მოაწერეს „საქართველოსა და შვეიცარიის კონფედერაციას შორის ვიზების გაცემის პროცედურების გამარტივების შესახებ“ შეთანხმებას.

წლის ბოლოს შედგა საგარეო საქმეთა მინისტრის ვიზიტი ესპანეთში. ესპანეთის საგარეო და თანამშრომლობის მინისტრთან ხოსე მანუელ მარგალიოსთან შეხვედრისას მინისტრები შეთანხმდნენ, რომ ხელს შეუწყობენ საქართველოსა და ესპანეთს შორის

რის ეკონომიკურ და პოლიტიკურ სფეროებში თანამშრომლობის მაქსიმალურად გააქტიურებას და აღნიშნულის განსახორციელებლად 2014 წლის პირველ ნახევარში დაიგეგმება ესპანეთის საგარეო საქმეთა მინისტრის და ინდუსტრიის, ენერგეტიკის და ტურიზმის მინისტრის ერთობლივი ვიზიტი საქართველოში. ვიზიტისას ხელი მოეწერა შეთანხმებას „საქართველოს მთავრობასა და ესპანეთის სამეფოს მთავრობას შორის საიდუმლო ინფორმაციის გაცვლისა და ორმხრივად დაცვის შესახებ“.

2013 წელს გაგრძელდა ევროპის ქვეყნების საგარეო უწყებებთან ორმხრივი პოლიტიკური კონსულტაციების ტრადიცია. ესპანეთის, უკრაინის და ხორვატიის საგარეო საქმეთა სამინისტროებთან კონსულტაციები შედგა მინისტრის მოადგილეების დონეზე, ხოლო დანიის, ნიდერლანდების, სლოვენის, ფინეთის საგარეო უწყებებთან - დეპარტამენტების დირექტორების დონეზე.

2013 წელს პირველად გაიმართა ორმხრივი პოლიტიკური კონსულტაციები კვიპროსისა და სან-მარინოს საგარეო უწყებებთან, მინისტრის მოადგილეების დონეზე.



ევროპის ქვეყნების წარმომადგენლების ვიზიტები საქართველოში

- 7-9 იანვარი - ნიდერლანდების სამეფოს პარლამენტის თავდაცვის კომიტეტის თავმჯდომარის ტენ ბრუკეს ვიზიტი
- 12 მარტი - დიდი ბრიტანეთის საგარეო და თანამეგობრობის საქმეთა სახელმწიფო მდივნის მუდმივი მოადგილის საიმონ ფრეიზერის ვიზიტი
- 7-9 აპრილი - სლოვაკეთის ვიცე-პრემიერის, საგარეო და ევროპულ საქმეთა მინისტრის მიროსლავ ლაჩიაკის ვიზიტი
- 8-10 აპრილი - ჩეხეთის ვიცე-პრემიერის, საგარეო საქმეთა მინისტრის კარელ შვარცენბერგის ვიზიტი
- 10 აპრილი, 15 ოქტომბერი - პოლონეთის საგარეო საქმეთა მინისტრის მოადგილის კატარჟინა პელჩინსკა-ნალეჩის ვიზიტი
- 24-26 აპრილი - ბელგიის, ლუქსემბურგის და ნიდერლანდების საგარეო საქმეთა სამინისტროების პოლიტიკურ დირექტორთა ვიზიტი
- 18-19 ივნისი - უკრაინის საგარეო საქმეთა მინისტრის, ეუთოს მოქმედი თავმჯდომარის ლეონიდ კო-ჟარას ვიზიტი
- 11-12 ივლისი - ბულგარეთის რესპუბლიკის საგარეო საქმეთა მინისტრის კრისტიან ვიგენინის ვიზიტი
- 11-12 ივლისი - ესტონეთის რესპუბლიკის საგარეო საქმეთა მინისტრის ურმას პაეტის ვიზიტი
- 3-4 სექტემბერი - შვედეთის სამეფოს პარლამენტის თავმჯდომარის პერ ვესტერბერგის ვიზიტი
- 5 სექტემბერი - ბელგიის, ლუქსემბურგის და ნიდერლანდების საგარეო საქმეთა მინისტრების, ფრანს ტიმერმანსის, ჟან ასელბორნის და დიდი რეინდერსის ვიზიტი
- 30 სექტემბერი - უნგრეთის პრემიერ-მინისტრის აპარატის საგარეო საქმეთა და ეკონომიკურ ურთიერთობათა სახელმწიფო მდივნის პიტერ სიარტოს ვიზიტი
- 23 ოქტომბერი - შვედეთის სამეფოსა და პოლონეთის რესპუბლიკის საგარეო საქმეთა მინისტრების, კარლ ბილდტისა და რადოსლავ შიკორსკის ვიზიტი
- 24 ოქტომბერი - ავსტრიის რესპუბლიკის ევროპულ და საერთაშორისო საქმეთა სამინისტროს გენერალური მდივნის მიხაელ ლინჰარტის და ავსტრიის განვითარების სააგენტოს დირექტორის მარტინ ლედოლტერის ვიზიტი
- 25 ნოემბერი - საფრანგეთის რესპუბლიკის საგარეო ვაჭრობის მინისტრი ნიკოლ ბრიკი

საგარეო საქმეთა მინისტრი მაია ფანჯიკიძე სიტყვით გამოვიდა ევროპის ქვეყნების არაერთ წამყვან ანალიტიკურ-კვლევით ცენტრში:

- ლიტვა, ქ. თრაკაის შეხვედრა “Snow Meeting”. • ლიტვა, პარლამენტთან არსებული ევროპული კლუბი, “საქართველოს საგარეო პოლიტიკა არჩევნების შემდეგ”.
- ლატვია, ტრანსატლანტიკური ორგანიზაციისა და ბალტიისა და შავი ზღვების ალიანსის მიერ ორგანიზებულ საჯარო დისკუსია.
- ნიდერლანდები, კლინგენდაილის საერთაშორისო ურთიერთობების ინსტიტუტი და ლეიდენის უნივერსიტეტი.
- უნგრეთი, საჯარო ლექცია საგარეო საქმეთა ინსტიტუტში: „საქართველო და მისი საგარეო პოლიტიკური პრიორიტეტები“.
- შვეიცარია, ბერნის ანალიტიკურ-კვლევითი ცენტრი შნისსპეაცე.
- გერმანია, საგარეო პოლიტიკის საზოგადოება (DGAP): “საქართველოს საგარეო პოლიტიკური კურსი - ევროპული და ევროატლანტიკური ინტეგრაციის პროცესი”. - ავსტრია - ავსტრიის საგარეო პოლიტიკისა და გაეროს საზოგადოების (OGAVN): „არჩევნებიდან არჩევნებამდე“.
- სლოვაკეთი, სლოვაკეთის ატლანტიკური კომისია.
- ბულგარეთი, ბულგარეთის ატლანტიკური კლუბის მიერ ორგანიზებული დისკუსია: „საქართველოს ევროპული გზა: მოლოდინები და გამოწვევები“.
- რუმინეთი, ტიტულესკუს სახელობის ევროპული ფონდი.
- ესპანეთი, გლობალური პოლიტიკის შემუშავების სამეფო ინსტიტუტი (ELCANO): „ვილნიუსის შემდგომი პერიოდი - საფრთხეები და ახალი შესაძლებლობები“.

ევროპის ქვეყნებთან თანამშრომლობის განვითარების მხრივ მნიშვნელოვანია სხვა არაერთი შეთანხმება, რომელიც 2013 წელს შევიდა ძალაში: მონტენეგროსთან საგარეო უწყებებს შორის თანამშრომლობის შესახებ ოქმი, საიდუმლო ინფორმაციის გაცვლისა და ორმხრივი დაცვის შესახებ სამთავრობო შეთანხმებები ლუქსემბურგთან და საფრანგეთთან, შეთანხმებები სან-მარინოსთან, სერბეთთან და სლოვენია-სთან შემოსავლებსა და კაპიტალზე ორმაგი დაბეგვრის თავიდან აცილებისა და გადასახადების გადაუხდელო-

ბის აღკვეთის შესახებ, შეთანხმება სერბეთთან საბაჟო სფეროში თანამშრომლობისა და ურთიერთდახმარების შესახებ, დიდი ბრიტანეთისა და ჩრდილოეთ ირლანდიის გაერთიანებულ სამეფოსთან საჰაერო მომსახურების შესახებ შეთანხმება, საქართველოსა და ბულგარეთის სპორტის, ახალგაზრდობის საქმეთა და ფიზიკური აღზრდის სამინისტროებს შორის სპორტის სფეროში თანამშრომლობის შესახებ ურთიერთგაგების მემორანდუმი და სხვა.

ორმხრივი სამართლებრივი ბაზის გაღრმავებისა და სახელმწიფოებთან თანამშრომლობის სამართლებრივი საფუძვლების შექმნის თვალსაზრისით, ასევე მნიშვნელოვანი იყო 2013 წელს ხელმოწერილი შემდეგი მთავრობათაშორისი შეთანხმებები: შეთანხმებები მონტენეგროსთან, სან-მარინოსთან და სერბეთთან ტურიზმის სფეროში თანამშრომლობის შესახებ, საფრანგეთთან კვალიფიციური სპეციალისტების ბინადრობისა და ცირკულარული მიგრაციის შესახებ და სხვა.

2013 წლის ნატო-ს მინისტრიალის ფარგლებში, საგარეო საქმეთა მინისტრმა მაია ფანჯიკიძემ ალბანელ კოლეგასთან შეხვედრის შემდეგ ხელი მოაწერა „საქართველოს მთავრობასა და ალბანეთის რესპუბლიკის მინისტრთა საბჭოს შორის დიპლომატიური და სამსახურებრივი პასპორტების მფლობელთათვის უვიზო მიმოსვლის შესახებ“ შეთანხმებას. ასევე ბერძენ კოლეგასთან გამართული შეხვედრის შემდეგ, ორი ქვეყნის საგარეო საქმეთა მინისტრებმა ხელი მოაწერეს ევროკავშირთან საქართველოს დაახლოების შესახებ უწყებათაშორისი თანამშრომლობის მემორანდუმს.

საქართველოს პრეზიდენტის ინაუგურაციის ცერემონიაზე დასასწრებად ევროპის ქვეყნებიდან მაღალი დონის დელეგაციები ჩამოვიდნენ. ლიტვიდან თბილისს სტუმრობდა ქვეყნის პრეზიდენტი დალია გრიბაუსკაიტე, ავსტრიიდან - ფედერალური საბჭოს პრეზიდენტი რაინჰარდ ტოდტი, პოლონეთიდან - სეიმის ვიცე-მარშალი იერჟი ვენდერლიხი და პრეზიდენტის ადმინისტრაციის სახელმწიფო მდივანი სლავომირ რიბიციკი, ბელარუსიდან - რესპუბლიკის ეროვნული კრების წარმომადგენელთა პალატის თავმჯდომარის მოადგილე ვიქტორ გუმინსკი, უკრაინიდან - ვიცე პრემიერ-მინისტრი ოლექსანდრ ვილკული, რუმინეთიდან - საგარეო საქმეთა მინისტრი - ტიტუს კორლაცუანი, ბულგარეთიდან - საგარეო საქმეთა მინისტრის მოადგილე ანგელ ველიტიჩოვი, ესტონეთიდან - საგარეო საქმეთა მინისტრის მოადგილე ლაური ბამბუსი, ლატვიიდან - საგარეო საქმეთა სამინისტროს საპარლამენტო მდივანი ვიკტორს მაკაროვსკი და საპარლამენტო მეგობრობის ჯგუფის ხელმძღვანელი დიჩინტარის ზაკისი, პორტუგალიიდან - საგარეო საქმეთა სამინისტროს ევროპულ საქმეთა სახელმწიფო მდივანი - ბრუნო მაკაეში, მალტიდან - საგარეო საქმეთა სამინისტროს მუდმივი მდივანი - იოზეფ კოლე, მოლოდოვიდან - საგარეო საქმეთა და ევროინტეგრაციის მინისტრის მოადგილე ვალერიუ ჩივერი, ვატიკანიდან - საგანგებო რწმუნებული, არქიეპისკოპოსი თომას გულიკსონი, სერბეთიდან - პრეზიდენტის მრჩეველი მარკო დურიჩი. ლიტვის, ავსტრიის, პოლონეთისა და რუმინეთის უმაღლესი და მაღალი დონის წარმომადგენლები, ორმხრივ ფორმატში, საქართველოს პრეზიდენტს გიორგი მარგველაშვილს შეხვდნენ. ქვეყნებს შორის ურთიერთობების შემდგომი გაღრმავების თვალსაზრისით, მნიშვნელოვანი იყო „აღმოსავლეთ პარტნიორობის“ ვილნიუსის სამიტის ფარგლებში საქართველოს პრეზიდენტის ორმხრივი შეხვედრები ევროპულ ლიდერებთან. კერ-



ძოდ, პრეზიდენტი გიორგი მარგველაშვილი შეხვდა ლატვიის რესპუბლიკის პრეზიდენტს ანდრის ბერზინს, პოლონეთის რესპუბლიკის პრეზიდენტს ბრონისლავ კომოროვსკის, საფრანგეთის რესპუბლიკის პრეზიდენტს ფრანსუა ოლანდს, ესტონეთის რესპუბლიკის პრემიერ-მინისტრს ანდრუს ანსიპს, სლოვენიის რესპუბლიკის პრემიერ-მინისტრს ალენკა ბრატუშეკს. ამასთან, საქართველოს პრეზიდენტს, სამიტის ფარგლებში, საშუალება ჰქონდა შეხვედროდა როგორც სხვა ევროპელ ლიდერებს, ასევე „აღმოსავლეთ პარტნიორობის“ წევრი-ქვეყნების სახელმწიფოს მეთაურებს.



სტრატეგიული პარტნიორობის ქარტიის დემოკრატიის და მმართველობის სამუშაო ჯგუფის შეხვედრა

საქართველო კანადასთან, როგორც მსოფლიოს ერთ-ერთ წამყვან ეკონომიკურ და პოლიტიკურ ძალასთან, პარტნიორობის გაფართოებას დიდ მნიშვნელობას ანიჭებს. საქართველო ასევე აქტიურად თანამშრომლობს ლათინური ამერიკისა და კარიბის ზღვის აუზის ქვეყნებთან, მათ შორის, რეგიონის ისეთ ლიდერებთან, როგორიცაა ბრაზილია, არგენტინა, მექსიკა და სხვ. ამ ქვეყნებთან ორმხრივი თანამშრომლობის განვითარება მიზნად ისახავს ვაჭრობის გაზრდას, ინვესტიციების მოზიდვას, საქართველოს ცნობადობის ამაღლებასა და შემდგომი საერთაშორისო მხარდაჭერის მოპოვებას.

კონკრეტული ნაბიჯები გადაიდგა ლათინური ამერიკისა და კარიბის ზღვის აუზის ქვეყნებთან პოლიტიკური დიალოგის, ეკონომიკური და კულტურული თანამშრომლობის გაღრმავების კუთხით. წელს პირველად საქართველოში მივიღეთ რეგიონის ქვეყნების სავაჭრო და ბიზნეს დელეგაციები. პირველად განხორციელდა საპარლამენტო დელეგაციების გაცვლა და გაფორმდა თანამშრომლობის მემორანდუმები საგარეო სამინისტროს სასწავლო ცენტრსა და რეგიონის ქვეყნების შესაბამის დიპლომატიურ აკადემიებს შორის.

კანადა

კანადა საქართველოს მნიშვნელოვანი პარტნიორია, რომელიც ერთგულად უჭერს მხარს საქართველოს ტერიტორიულ მთლიანობას, სუვერენიტეტსა და ევროატლანტიკურ მისწრაფებებს. ამ ქვეყანასთან მჭიდრო პარტნიორული ურთიერთობების გაღრმავება საქართველოს ერთ-ერთი პრიორიტეტული მიმართულებაა. აპრილში საგარეო საქმეთა მინისტრი მაია ფანჯიკიძე ოფიციალური ვიზიტით ეწვია ოტავას. აღსანიშნავია, რომ საქართველოსა და კანადას შორის არსებული მრავალწლიანი დიპლომატიური ურთიერთობების ისტორიის მანძილზე საქართველოს საგარეო საქმეთა მინისტრი ამ ქვეყანას ოფიციალური ვიზიტით პირველად ეწვია. ვიზიტის ფარგლებში საქართველოსა და კანადის საკანონმდებლო ორგანოებს შორის ურთიერთობების გააქტიურებისა და განათლების სფეროში ერთობლივი პროექტების განხორციელების საკითხი შეთანხმდა. ამასთანავე, საფუძველი ჩაეყარა საქართველოს განათლებისა და მეცნიერების სამინისტროსა და საქართველოს სახელმწიფო უმაღლეს სასწავლებლებსა და კანადურ უნივერსიტეტებს შორის თანამშრომლობასაც. ამჟამად, ქართული მხარე უკვე თანამშრომლობს ტორონტოს, კარლტონის, ალბერტას უნივერსიტეტებთან, ასევე კანადის ბრიტანული კოლუმბიის პროვინციის იუსტიციის ინსტიტუტსა და პრინც ედუარდის კუნძულის უნივერსიტეტის ვეტერინარულ კოლეჯთან. 2014 წელს კანადაში საქართველოს პარლამენტის დელეგაცია გაემგზავრება.

საქართველოს საგარეო საქმეთა სამინისტრო აგრძელებს მუშაობას კანადასთან ორმხრივი სამართლებრივი ბაზის გაფართოებასა და სავაჭრო-ეკონომიკური კავშირების გაღრმავებაზე.

საქართველო განაგრძობს აქტიურ თანამშრომლობას ლათინური ამერიკისა და კარიბის ზღვის აუზის ქვეყნებთან. საქართველოს პარტნიორობა ლათინური ამერიკის რეგიონულ ლიდერთან ბრაზილიასთან ამ მხრივ, რეგიონში საქართველოს საგარეო პოლიტიკის ერთ-ერთი უმთავრესი მიმართულებაა.



ფედერაციულ რესპუბლიკას ეწვია. მინისტრი ბრაზილიის საგარეო საქმეთა მინისტრს, კულტურის მინისტრს, დეპუტატთა პალატის ვიცე-პრეზიდენტს, ბრაზილიის კონგრესში საქართველოს მეგობართა ჯგუფს და ქვეყანაში აკრედიტებულ ლათინური ამერიკის დიპლომატიური მისიების ხელმძღვანელებს შეხვდა. ბრაზილიის დიპლომატიურ სასწავლებელში - რიო ბრანკოს ინსტიტუტში მინისტრმა საქართველოს შესახებ ლექცია წაიკითხა.

ვიზიტის დროს გაფორმდა „ურთიერთგაგების მემორანდუმი ბრაზილიის საგარეო ურთიერთობათა სამინისტროს რიო ბრანკოს ინსტიტუტსა და საქართველოს საგარეო საქმეთა სამინისტროს სასწავლო ცენტრს შორის“. შეთანხმების თანახმად, ქართველ სტუდენტებსა და ახალგაზრდა დიპლომატებს ბრაზილიის წამყვან უმაღლეს სასწავლებელში განათლების მიღების საშუალება მიეცემა.

ინტენსიური დიპლომატიური საქმიანობის შედეგად 2013 წელს საქართველოში ბიზნეს-საქმიანობის პოტენციალით ბრაზილიის ბიზნეს-წრეების დაინტერესება გაიზარდა. მაისში საქართველოს ბრაზილიელ ბიზნესმენტთა ჯგუფი ეწვია, რომელსაც ბრაზილიის საგარეო საქმეთა მინისტრის მოადგილე ადილ და როშა ვიანა ხელმძღვანელობდა. დელეგაციაში შედიოდნენ ბრაზილიის ბიზნეს-წრეების, ათი მსხვილი საინვესტიციო კომპანიის წარმომადგენლები ისეთი სფეროებიდან, როგორიცაა ინფრასტრუქტურა, სოფლის მეურნეობა და ავიაცია. საფუძველი ჩაეყარა კონტაქტების ჩამოყალიბებას ბრაზილიის ბიზნეს-წრეებსა და საქართველოს შესაბამის უწყებებს შორის. მსგავსი ვიზიტი ბრაზილიის მხრიდან საქართველოში პირველად განხორციელდა.

2013 წლის მარტში საქართველოს ვიზიტით ეწვია ბრაზილიის საგარეო საქმეთა მინისტრის პირველი მოადგილე, ვერა მამადო. ვიზიტის ფარგლებში გაიმართა შეხვედრები საქართველოს პრემიერ-მინისტრთან ბიძინა ივანიშვილთან, საგარეო საქმეთა მინისტრთან მაია ფანჯიკიძესთან, და საქართველოს ეკონომიკისა და მდგრადი განვითარების მინისტრის მოადგილესთან მიხეილ ჯან-ელიძესთან.

ვიზიტის ფარგლებში, საგარეო საქმეთა სამინისტროში ჩატარდა ორმხრივი პოლიტიკური კონსულტაციების მესამე რაუნდი, რომელსაც

მინისტრის პირველ მოადგილე დავით ზალკალიანი ხელმძღვანელობდა. შეხვედრაზე საქართველოსა და ბრაზილიას შორის ორმხრივი პოლიტიკური, ეკონომიკური, სამართლებრივი და კულტურული ურთიერთობების განვითარებისა და საერთაშორისო ორგანიზაციებში თანამშრომლობის საკითხები განიხილეს.

ნოემბერში ბრაზილიაში განხორციელდა საქართველოს საპარლამენტო დელეგაციის პირველი ვიზიტი პარლამენტის თავმჯდომარის მოადგილის მანანა კობახიძის ხელმძღვანელობით. გაიმართა შეხვედრე-

2-4 აპრილს განხორციელდა საგარეო საქმეთა მინისტრის ოფიციალური ვიზიტი ბრაზილიის ფედერაციულ რესპუბლიკაში

2013 წელს საქართველო-ბრაზილიას შორის არსებული დიპლომატიური ურთიერთობების 20 წლისთავთან დაკავშირებით, ბრაზილიაში გამოიცა საფოსტო მარკა. საქართველოს პატივსაცემად გამოცემული საფოსტო ნიშანი ორ ნაწილიანია და მისი გამოცემის თარიღი, სიმბოლურად, 26 მაისია. მარკაზე ბრაზილიელი მხატვრის ფერწერული ტილო - „ტყისმჭრელი“ და ნიკო ფიროსმანის ცნობილი ნამუშევარი - „მეთევზე წითელ პერანგშია“ გამოსახული.

ბი ბრაზილიის სენატში, დეპუტატთა პალატაში და ბრაზილიის საგარეო უწყებაში.

აღსანიშნავია, რომ ოქტომბრის თვეში ბრაზილიის სენატში არსებული საქართველოსთან მეგობრობის ჯგუფი გაფართოვდა და შეიქმნა შერეული მეგობრობის ჯგუფი, რომელთაც დეპუტატთა პალატის ორი წარმომადგენელიც დაემატა.



არგენტინასთან თანამშრომლობა

23-24 აპრილს, საქართველოს დელეგაცია საგარეო საქმეთა მინისტრის მოადგილის, დავით ჯალალანიას ხელმძღვანელობით პოლიტიკური კონსულტაციების მორიგი რაუნდის გამართვის მიზნით არგენტინას ეწვია. არგენტინაში გამართული პოლიტიკური კონსულტაციების ფარგლებში ხელი მოეწერა „საქართველოსა და არგენტინას შორის დიპლომატიური, ოფიციალური და სამსახურებრივი პასპორტების მფლობელთათვის უვიზო მიმოსვლის შესახებ შეთანხმებასა“ და „ურთიერთგაგების მემორანდუმს არგენტინის საგარეო საქმეთა სამინისტროსთან არსებულ ეროვნულ დიპლომატიურ ინსტიტუტსა და საქართველოს საგარეო საქმეთა სამინისტროს სასწავლო ცენტრს შორის“.

საქართველოს დელეგაციამ მონაწილეობა მიიღო ლა პლატის უნივერსიტეტში ქართული კათედრის გახსნისადმი მიძღვნილ ღონისძიებაში. კათედრის გახსნა მიზნად ისახავს საუნივერსიტეტო, პროფესორ-მასწავლებლებისა და სტუდენტების გაცვლითი პროგრამების ორგანიზებას, საერთაშორისო სამართლის მაგისტრატურისა და დოქტორანტურის მსმენელთათვის საქართველოს ისტორიის, თანამედროვეობის, საგარეო და საშინაო პოლიტიკის შესახებ სრულყოფილი ინფორმაციის მიწოდებას. კათედრის გახსნა შესაძლებელი გახდა თბილისის ივანე ჯავახიშვილის სახელობის სახელმწიფო უნივერსიტეტსა და ლა პლატის უნივერსიტეტს შორის გაფორმებული ურთიერთგაგების მემორანდუმის საფუძველზე. ამ თანამშრომლობის მემორანდუმის შედეგად, არგენტინული მხარის დაფინანსებით, ახალგაზრდა ქართველმა დიპლომატმა წელს პირველად არგენტინის საგარეო საქმეთა სამინისტროსთან არსებულ ეროვნულ დიპლომატიურ ინსტიტუტში გაიარა უცხოელი დიპლომატებისათვის დაგეგმილი ოთხთვიანი სასწავლო კურსი.

ოქტომბერში საქართველოს არგენტინის სავაჭრო მისია ეწვია. ვიზიტის ფარგლებში გაიმართა ბიზნეს-ფორუმი ქართული და არგენტინული კომპანიების მონაწილეობით. ფორუმში წარმოდგენილი იქნა ენერგეტიკის, ფარმაცევტული და საფეიქრო მრეწველობის სექტორის 9 არგენტინული კომპანია, ხოლო საქართველოს მხრიდან მონაწილეობა მიიღო 12-მდე შესაბამისი სექტორის კომპანიამ. ეს ღონისძიება მეტად მნიშვნელოვანია, რადგან წარმოადგენს პირველ სავაჭრო მისიას ლათინური ამერიკის რეგიონიდან.

ჩილესთან თანამშრომლობა

25-26 აპრილს საქართველოს დელეგაცია საგარეო საქმეთა მინისტრის მოადგილის დავით ჯალალანიას ხელმძღვანელობით პოლიტიკური კონსულტაციების მორიგი რაუნდის გამართვის მიზნით ჩილეს რესპუბლიკას ეწვია. კონსულტაციების ფარგლებში ხელი მოეწერა „ურთიერთგაგების მემორანდუმს საქართველოსა და ჩილეს რესპუბლიკის საგარეო საქმეთა სამინისტროებს შორის“ და „ურთიერთგაგების მემორანდუმს საქართველოს საგარეო საქმეთა სამინისტროს სასწავლო ცენტრსა და ჩილეს რესპუბლიკის ანდრეს ბელოს სახელობის დიპლომატიურ აკადემიას შორის“.

ურუგვაისთან თანამშრომლობა

29 აპრილს საქართველოს დელეგაცია საგარეო საქმეთა მინისტრის მოადგილის დავით ჯალალანიას ხელმძღვანელობით პოლიტიკური კონსულტაციების მორიგი რაუნდის გამართვის მიზნით ურუგვაის რესპუბლიკას ეწვია. კონსულტაციების ფარგლებში ხელი მოეწერა „შეთანხმებას საქართველოსა და ურუგვაის აღმოსავლურ რესპუბლიკას შორის თანამშრომლობის შესახებ“, „შეთანხმებას საქართვე-

ლოსა და ურუგვაის აღმოსავლურ რესპუბლიკას შორის დიპლომატიური, ოფიციალური და სამსახურებრივი პასპორტების მფლობელთათვის უვიზო მიმოსვლის შესახებ” და “ურთიერთგაგების მემორანდუმს ურუგვაის აღმოსავლური რესპუბლიკის არტიგასის დიპლომატიურ ინსტიტუტსა და საქართველოს საგარეო საქმეთა სამინისტროს სასწავლო ცენტრს შორის”.

სურინამთან თანამშრომლობა



აღსანიშნავია, რომ ლათინური ამერიკისა და კარიბის ზღვის რეგიონიდან 2013 წლის ოქტომბერში პირველად განხორციელდა უმაღლესი დონის საპარლამენტო დელეგაციის ვიზიტი საქართველოში. დელეგაციას ხელმძღვანელობდა სურინამის ეროვნული ასამბლეის სპიკერი ჯენიფერ გირლინგს-სიმონსი. ვიზიტის ფარგლებში გაიმართა სპიკერის შეხვედრები საქართველოს პრეზიდენტთან, პარლამენტის თავმჯდომარესთან, რეინტეგრაციის საკითხებში სახელმწიფო მინისტრთან, განათლების მინისტრთან და საგარეო საქმეთა მინისტრის მოადგილესთან. ვიზიტის მსვლელობისას, სურინამის დელეგაციამ მოინახულა წეროვანში იძულებით გადაადგილებულ პირთა დასახლებები და დევანში ადმინისტრაციულ სასაზღვრო ზოლზე გავლებული მავთულხლართები.

მექსიკასთან თანამშრომლობა

2013 წლის სექტემბერში მექსიკის კონგრესის დეპუტატთა პალატაში გაიხსნა მექსიკა-საქართველოს საპარლამენტო მეგობრობის ჯგუფის ინაუგურაციის ცერემონია. ამ ცერემონიის პარალელურად მექსიკის კონგრესის შენობაში გაიხსნა და ერთი კვირის მანძილზე გასტანა ქართულმა გამოფენამ. გრძელდება თანამშრომლობა განათლების სფეროში. მექსიკის საგარეო საქმეთა სამინისტროს დაფინანსებით, ახალგაზრდა ქართველმა დიპლომატმა სექტემბერში მექსიკის საგარეო პოლიტიკის თაობაზე ორკვირიანი სასწავლო კურსი გაიარა მატეას რომეროს სახელობის მექსიკის დიპლომატიურ აკადემიაში სხვადასხვა ქვეყნის დიპლომატებთან ერთად.



ბაიანასთან თანამშრომლობა

დიდი მნიშვნელობა ენიჭება ლათინური ამერიკისა და კარიბის ზღვის რეგიონის ქვეყნებთან საგანმანათლებლო სფეროში თანამშრომლობის გაღრმავებას, მათ შორის სტუდენტებისა და პროფესორ-მასწავლებლების გაცვლის საშუალებით. ქართული მხარის დაფინანსებით, 2013 წლიდან სამი გაიანგელო სტუდენტი იღებს განათლებას საქართველოს სახელმწიფო სამედიცინო უნივერსიტეტში.

ურთიერთობები აზიისა და ოქეანეთის რეგიონის ქვეყნებთან

მსოფლიო არენაზე აზიის მზარდი პოლიტიკური და ეკონომიკური როლის გათვალისწინებით საქართველოსთვის დიდი მნიშვნელობა შეიძინა მჭიდრო ურთიერთობების განვითარებამ აზიის ქვეყნებთან. ამ მიმართულებით აქტიურად ხორციელდებოდა დიპლომატიური საქმიანობა მთელი წლის განმავლობაში.

ურთიერთობები სენტრალური აზიის ქვეყნებთან

საქართველო, როგორც ევროპის აზიასთან დამაკავშირებელი ბუნებრივი რგოლი, განსაკუთრებულ ყურადღებას უთმობს ცენტრალური აზიის ქვეყნებთან - ყაზახეთთან, თურქმენეთთან, ყირგიზეთთან, უზბეკეთთან და ტაჯიკეთთან ტრადიციული თანამშრომლობის შემდგომ გაღრმავებას. საქართველო ამ რეგიონის ქვეყნებს საქართველოს სატრანზიტო ფუნქციის მაქსიმალურ გამოყენებასა და ცენტრალური აზიის ქვეყნების მდიდარი ბუნებრივი რესურსების, კერძოდ ნახშირწყალბადების, საერთაშორისო ბაზრებზე ტრანსპორტირებას სთავაზობს, იქნება ეს მილსადენების, სარკინიგზო თუ საზღვაო სატრანსპორტო საშუალებებით. ცენტრალური აზიის ქვეყნებთან ორმხრივ ურთიერთობებში არანაკლები მნიშვნელობა ენიჭება ქართული პროდუქციის ექსპორტის ხელშეწყობასა და რეგიონიდან ინვესტიციების მოზიდვას.

2013 წლის განმავლობაში გააქტიურდა ურთიერთობები ყაზახეთთან. აღსანიშნავია, რომ წელს საქართველოში საქმიანობას შეუდგა ყაზახეთის პირველი საგანგებო და სრულუფლებიანი ელჩი. შედგა ორმხრივი ვიზიტები ძირითადად ეკონომიკური პროფილის სამინისტროებს შორის. 10-11 ივნისს ქალაქ ასტანაში ჩატარდა საქართველო-ყაზახეთის ეკონომიკური თანამშრომლობის სამთავრობათშორისი კომისიის მე-6 სხდომა, რომელზეც სავაჭრო-ეკონომიკური ურთიერთობების შემდგომი გაღრმავების გზები დაისახა.

სტაბილურად ვითარდებოდა ურთიერთობები როგორც უზბეკეთთან და თურქმენეთთან - რომლებთანაც წლის განმავლობაში წარმატებით განხორციელდა პოლიტიკური კონსულტაციები - ასევე ყირგიზეთთან და ტაჯიკეთთან.

საქართველოს პრეზიდენტის ინაუგურაციის ცერემონიაზე დასასწრებად ცენტრალური აზიის ქვეყნებიდან მაღალი დონის დელეგაციები ჩამოვიდნენ. ყაზახეთიდან თბილისს სტუმრობდა ყაზახეთის რესპუბლიკის პრემიერ-მინისტრის მოადგილე ერბოლ ორინბაევი, თურქმენეთიდან - ეკონომიკის მინისტრი ბაბამირატ ტაგანოვი, ყირგიზეთიდან საგარეო საქმეთა მინისტრი ერლან აბდილაევი და უზბეკეთიდან აზერბაიჯანის რესპუბლიკაში უზბეკეთის საგანგებო და სრულუფლებიანი ელჩი შერზოდ ფაიზიევი.


ურთიერთობები აღმოსავლეთ და სამხრეთ აზიის ქვეყნებთან

საქართველოსთვის პრიორიტეტულია ურთიერთობების შემდგომი განვითარება აღმოსავლეთ და სამხრეთ აზიის სახელმწიფოებთან, მათ შორის რეგიონის ეკონომიკურად, ფინანსურად და ტექნოლოგიურად მაღალგანვითარებულ და მსოფლიოს სწრაფად მზარდი ეკონომიკის სახელმწიფოებთან.

აღსანიშნავია წლის განმავლობაში დინამიური ორმხრივი ურთიერთობები იაპონიასთან - საქართველოს ტრადიციულ მეგობართან და პარტნიორთან. 20-24 მაისს გაიმართა საქართველოს საგარეო საქმეთა მინისტრის სამუშაო ვიზიტი იაპონიაში. ვიზიტის ფარგლებში ხელი მოეწერა ორი ქვეყნის საგარეო საქმეთა სამინისტროებს შორის ურთიერთგაგების მემორანდუმს. საფუძველი ჩაეყარა დიპლომატიური პასპორტის მფლობელთათვის უფიზო მიმოსვლის შესახებ ხელშეკრულების მომზადებას. იაპონიის საერთაშორისო თანამშრომლობის სააგენტოს (JICA) ვიცე-პრეზიდენტთან შეხვედრისას დაისახა მომავალი თანამშრომლობის მიმართულებები, მათ შორის ინფრასტრუქტურული და მაღალი ტექნოლოგიების სფეროებში იაპონური დახმარების პროექტების განხორციელება. ვიზიტის ფარგლებში გაიმართა ბიზნეს ფორუმი იაპონიის საგარეო ვაჭრობის ორგანიზაციის (JETRO) წარმომადგენლებთან, რომელზეც იაპონელი ბიზნესმენები საქართველოს საინვესტიციო და ბიზნეს გარემოს გაეცნენ და განისაზღვრა მომავალი თანამშრომლობის პერსპექტიული მიმართულებები. წლის განმავლობაში ვითარდებოდა ურთიერთობები იაპონიასთან ამ და სხვა აქტუალური მიმართულებებით, მათ შორის კულტურისა და სპორტის სფეროში.



2013 წლის 19 დეკემბერს თბილისში გაიმართა საგარეო საქმეთა სამინისტროებს შორის რიგით მეექვსე პოლიტიკური კონსულტაციები, რომლის ფარგლებშიც განხილულ იქნა ორმხრივი ურთიერთობების ყველა აქტუალური საკითხი, მათ შორის განვითარების თანამშრომლობის კუთხით იაპონიის მხრიდან საქართველოს დახმარება განათლების, გარემოს დაცვის, ჯანდაცვისა და ეკონომიკის სფეროში.



წლის განმავლობაში საქართველო ასევე აქტიურად ავითარებდა ტრადიციულად მეგობრულ ურთიერთობებს ჩინეთთან - რომელიც საქართველოს სავაჭრო პარტნიორთა ხუთეულში შედის. აღსანიშნავია, რომ საქართველოს ჩინეთთან სავაჭრო-ეკონომიკური თანამშრომლობის მზარდი დინამიკა აქვს. 2013 წელს გაიზარდა ინვესტიციების მოცულობა ჩინეთიდან საქართველოში. საქართველოში წარმატებით მოღვაწეობს ოცზე მეტი ჩინური კომპანია. გრძელდება ჩინეთში ქართული ღვინის პოპულარიზაცია და იზრდება ქართული ღვინის ექსპორტის მოცულობა. აღსანიშნავია წლის განმავლობაში მაღალი დონის პოლიტიკური თუ ბიზნეს დელეგაციების ვიზიტები ჩინეთიდან, ისევე როგორც კულტურული ურთიერთობების გააქტიურება და გაცვლითი პროგრამების მეშვეობით საქართველოში ჩინური ენის სწავლების ხელშეწყობა.

საქართველოსა და ჩინეთს შორის დიპლომატიური ურთიერთობების 20 წლისთავის აღსანიშნავად გამოიცა წიგნი „ქართველების თვალით დანახული ჩინეთი“

აღმოსავლეთ და სამხრეთ აზიის ქვეყნებთან ურთიერთობების კუთხით, საქართველოსთვის პრიორიტეტული დატვირთვა აქვს სავაჭრო-ეკონომიკური, კულტურული და ხალხთაშორისი ურთიერ-

თოვების განვითარებას ინდოეთთან. თანამშრომლობის გაღრმავების მიზნით წლის განმავლობაში სხვადასხვა ღონისძიება განხორციელდა. 15 ივლისს თბილისში საქართველოსა და ინდოეთის საგარეო უწყებებს შორის კონსულტაციების მეოთხე რაუნდი შედგა. შეთანხმდა ორ ქვეყანას შორის ეკონომიკის სფეროში ურთიერთობების გააქტიურებაზე გამიზნული ღონისძიებები, მათ შორის, 2014 წლის განმავლობაში სამთავრობოთაშორისო ეკონომიკური კომისიის მოწვევა.

დინამიურად ვითარდება ურთიერთობები კორეის რესპუბლიკასთან. ორი ქვეყნის საგარეო უწყებებს შორის პოლიტიკურმა კონსულტაციებმა რეგულარული, ყოველწლიური ხასიათი მიიღო - რიგით მეორე ორმხრივი კონსულტაციები გაიმართა სეულში 9 დეკემბერს. მიმდინარეობს აქტიური სამუშაოები სავაჭრო-ეკონომიკური ურთიერთობების ინტენსიფიკაციისა და კორეულ ბაზარზე ქართული პროდუქციის პოპულარიზების მიზნით. იზრდება კორეაში ქართული ღვინის პოპულარობა, რომელიც უკვე რამოდენიმე მაღალი დონის სასტუმროსა და რესტორანში იყიდება. აღსანიშნავია, რომ ქართულ კულტურასა და ტრადიციებს, ისევე როგორც საქართველოში ღვინის წარმოების ტრადიციებს მიეძღვნა არაერთი სტატია კორეულ პრესაში, რაც ხელს უწყობს კორეაში საქართველოს ცნობადობის ამაღლებას. აღსანიშნავია, ასევე, თანამშრომლობის პერსპექტივები კორეასა და საქართველოს შორის საზღვაო სფეროში. ამ კუთხით, წლის განმავლობაში გაიცვალა მნიშვნელოვანი ვიზიტები და მომზადდა სამართლებრივი ბაზა.

საქართველო აგრძელებს ორმხრივი ურთიერთობების განვითარებას ინდონეზიასთან, რომელიც წარმოადგენს მსოფლიოს ერთ-ერთ სწრაფად მზარდ ეკონომიკას და, ამავდროულად, დიდი ოცეულის წევრი სახელმწიფოა. აღსანიშნავია, რომ 6 ნოემბერს ინდონეზიის რესპუბლიკის კუნძულ ბალიზე გაიმართა პოლიტიკური კონსულტაციების მეორე რაუნდი საგარეო საქმეთა სამინისტროებს შორის. მხარეები შეთანხმდნენ ორმხრივი კონტაქტების გააქტიურების გზებზე სავაჭრო-ეკონომიკურ და კულტურულ-ჰუმანიტარულ სფეროებში. 6 ნოემბერს ხელი მოეწერა ხელშეკრულებას საქართველოს და ინდონეზიის მთავრობებს შორის დიპლომატიური და სამსახურებრივი პასპორტების მფლობელთათვის უვიზო მიმოსვლის შესახებ. ვიზიტის ფარგლებში, 7 ნოემბერს, საგარეო საქმეთა მინისტრის მოადგილე დავით ჯალაღანია სიტყვით გამოვიდა ბალის დემოკრატიულ ფორუმზე და ისაუბრა საქართველოში ჩატარებული დემოკრატიული საპარლამენტო და საპრეზიდენტო არჩევნებისა და შემდგომი დემოკრატიული პროცესების შესახებ. აღნიშნული ფორუმი აზიის რეგიონში მაღალი რეპუტაციით სარგებლობს და მასში მონაწილეობა მნიშვნელოვანია რეგიონში საქართველოს ცნობადობის გაზრდისთვის.

აღსანიშნავია, რომ 1 ოქტომბრიდან საქართველოს ელჩი ინდონეზიაში აკრედიტებულია სამხრეთ აღმოსავლეთ აზიის სახელმწიფოთა ასოციაციასთან (ASEAN), რაც შესაძლებლობას გვაძლევს, დავგეგმოთ და განვახორციელოთ ASEAN-თან მომავალი თანამშრომლობის კონკრეტული მიმართულებები.

წლის განმავლობაში მიმდინარეობდა სამუშაოები მაღალიზაში საქართველოს საელჩოს გახსნის მიზნით. მაღალიზაში საქართველოს საელჩოს გახსნა ხელს შეუწყობს ურთიერთობების განვითარებას ორმხრივი ინტერესის ყველა სფეროში.

2013 წელს განხორციელდა საქართველოს საგარეო საქმეთა სამინისტროს დელეგაციის პირველი ვიზიტი ტაილანდის სამეფოში, ლაოსის სახალხო დემოკრატიულ რესპუბლიკაში, ვიეტნამის სოციალისტურ რესპუბლიკაში და მيانმარის კავშირის რესპუბლიკაში. საქართველო აგრძელებს შემდგომი ნაბიჯების გადადგმას აღნიშნულ ქვეყნებთან ორმხრივი ურთიერთობების განვითარებისთვის. საქართველოს მიზანია, რეგიონის ქვეყნებთან ურთიერთობების განვითარების პოზიტიური დინამიკის შექმნა და რეგიონში საქართველოს შესახებ ცნობადობის გაზრდა.

ურთიერთობები ოკეანეთის რეგიონის ქვეყნებთან

საქართველოსა და ოკეანეთის რეგიონს შორის გეოგრაფიული სიშორის მიუხედავად, საქართველოსთვის მნიშვნელოვანი საგარეო პოლიტიკური მიმართულებაა ოკეანეთის რეგიონის სახელმწიფოებთან ორმხრივი ურთიერთობების განვითარება. აღნიშნული აქტივობა მნიშვნელოვანია ოკეანეთის რეგიონში საქართველოს ცნობადობის გაზრდის თვალსაზრისით, განსაკუთრებით საქართველოს შესახებ ინფორმაციის მიწოდების და საქართველოს ოკუპირებული რეგიონების არალიარების პოლიტიკის მხარდაჭერის კუთხით.

წლის განმავლობაში მიმდინარეობდა მუშაობა პარტნიორული ურთიერთობების განსამტკიცებლად ავსტრალიასთან და ახალ ზელანდიასთან - რეგიონის მონინავე დემოკრატიებთან. აღნიშნული ქვეყნები წარმოადგენენ საქართველოს მნიშვნელოვან პარტნიორებს, როგორც ქვეყნის დემოკრატიული განვითარების გზაზე, ისე ოკეანეთის რეგიონში საქართველოს ოკუპირებული რეგიონების არალიარების პოლიტიკის მხარდაჭერის თვალსაზრისით.

აღსანიშნავია, რომ 7 ოქტომბერს საქართველოს ვიზიტით ეწვია ავსტრალიის თანამეგობრობის საგარეო საქმეთა დეპარტამენტის ევროპის ქვედანაყოფის ხელმძღვანელი, ელჩი ჯერემი ნიუმენი. ვიზიტის ფარგლებში საქართველოს საგარეო საქმეთა სამინისტროში ქვეყნებს შორის რიგით მეორე პოლიტიკური კონსულტაციები გაიმართა. განხილულ იქნა ორმხრივი და მრავალმხრივი თანამშრომლობის მიმდინარე საკითხები და სამომავლო პერსპექტივები, მათ შორის, მაღალი დონის ვიზიტთა ურთიერთგაცვლის, სოფლის მეურნეობის, განათლების და კულტურის სფეროში კონკრეტული ღონისძიებების განხორციელების საკითხები.

აღსანიშნავია, ასევე წლის განმავლობაში ურთიერთობების ინტენსიფიკაცია ახალ ზელანდიასთან. ახალმა ზელანდიამ მოახდინა საქართველოს დიპლომატიური დაფარვა და დაინიშნა პირველი ელჩი, ბატონი ტაჰა მაქფერსონი (რეზიდენციით ქ. ანკარა), რამაც შექმნა ორმხრივი ურთიერთობების ინტენსიფიკაციის მყარი საფუძველი. ასევე, 4 დეკემბერს საქართველოს სამუშაო ვიზიტით ეწვია ახალი ზელანდიის პრემიერ მინისტრის სპეციალური წარმომადგენელი უშიშროების საბჭოს საკითხებში, ბატონი ჯიმ ბოლჯერი და განხილულ იქნა ქვეყნებს შორის თანამშრომლობა გაეროს ფარგლებში.

წლის განმავლობაში საქართველო აგრძელებდა ორმხრივი ურთიერთობების გაღრმავებას ოკეანეთის კუნძულოვან სახელმწიფოებთან საერთაშორისო სამართლის ფუნდამენტური პრინციპებისა და ნორმების პატივისცემის საფუძველზე. ამ კუთხით საქართველოს მიზანია თანამშრომლობის პოზიტიური დღისწესრიგის ჩამოყალიბება და ინტერესის საფუძველზე ქვეყნის რეფორმატორული გამოცდილების გაზიარება. აღსანიშნავია, რომ ტოკიოში, ჯაკარტასა და კანბერაში საქართველოს საელჩოების მეშვეობით ფართოვდება ოკეანეთის კუნძულოვანი სახელმწიფოების დიპლომატიური დაფარვა, რაც განსაკუთრებით ხელს უწყობს ამ ქვეყნებთან ორმხრივი ურთიერთობების განმტკიცებას.

2013 წლის 3-6 სექტემბერს საქართველოს საგარეო საქმეთა სამინისტროს დელეგაციამ, მინისტრის მოადგილის დავით ჯალაღანიას ხელმძღვანელობით, მონაწილეობა მიიღო წყნარი ოკეანის კუნძულოვანი სახელმწიფოების ფორუმის 44-ე სამიტში, რომელიც გაიმართა მარშალის კუნძულების დედაქალაქ მაჯუროში. სამიტის ფარგლებში, დელეგაციამ ორმხრივი შეხვედრები გამართა ოკეანეთის სახელმწიფოების ოფიციალურ დელეგაციებთან და ფორუმის გენერალურ მდივანთან.

ურთიერთობები ახლო აღმოსავლეთისა და მაღრიბის რეგიონის ქვეყნებთან

ახლო აღმოსავლეთისა და მაღრიბის რეგიონი მსოფლიოს ერთ-ერთი უმთავრესი გეოპოლიტიკური კვანძია, ვინაიდან ამ რეგიონში განვითარებული პოლიტიკური და ეკონომიკური პროცესები მთელს საერთაშორისო პოლიტიკაზე ახდენს გავლენას. აღნიშნულ რეგიონში მშვიდობა და სტაბილურობა ისევე, როგორც რეგიონის ქვეყნებთან ურთიერთსასარგებლო და ერთმანეთის პატივისცემაზე დაფუძნებული ორმხრივი ურთიერთობების განვითარება საქართველოს ინტერესებშია.

საქართველო დიდ მნიშვნელობას ანიჭებს ისრაელთან პარტნიორული ურთიერთობების შემდგომ განვითარებას და ხალხთაშორისი ურთიერთობების განმტკიცებას, რაც განსაკუთრებით აქტუალურია ქართველი და ებრაელი ხალხის მრავალსაუკუნოვანი მეგობრობის კონტექსტში.



ამ მიმართულებით მნიშვნელოვანი იყო 24-25 ივნისს საქართველოს პრემიერ-მინისტრის ბიძინა ივანიშვილის ხელმძღვანელობით საქართველოს სამთავრობო დელეგაციის ოფიციალური ვიზიტი ისრაელის სახელმწიფოში. ვიზიტის ფარგლებში ორმხრივი და მრავალმხრივი ურთიერთობების ფართო სპექტრი განიხილეს, მათ შორის, ერთობლივი ეკონომიკური კომისიის დაფუძნება, სოფლის მეურნეობის სფეროში თანამშრომლობის

18 ნოემბერს, საქართველოს მთავრობასა და ისრაელის სახელმწიფოს მთავრობას შორის ხელი მოეწერა ეროვნული პასპორტების მფლობელთათვის ვიზისგან გათავისუფლების შესახებ შეთანხმებას. შეთანხმების ძალაში შესვლის შემდეგ, საქართველოს მოქალაქეებს შეეძლება უვიზოდ შევიდნენ ისრაელის სახელმწიფოს ტერიტორიაზე და ისრაელის სახელმწიფოს მოქალაქეებს შეეძლება უვიზოდ შემოვიდნენ საქართველოს ტერიტორიაზე 6 თვის მანძილზე არაუმეტეს 90 დღით ყოფნის მიზნით, მათი პირველი შესვლის დღიდან.

წლის განმავლობაში გაიცვალა რამოდენიმე მნიშვნელოვანი მაღალი დონის ვიზიტი საქართველოსა და ისრაელის საგარეო საქმეთა, შინაგან საქმეთა, სოფლის მეურნეობისა და თავდაცვის სამინისტროებს შორის. აღსანიშნავია 17-18 ნოემბერს ისრაელის სახელმწიფოს შინაგან საქმეთა მინისტრის მოადგილის ფაინა კირშენბაუმის ვიზიტი საქართველოში, რომლის ფარგლებშიც ხელი მოეწერა შეთანხმებას ეროვნული პასპორტების მფლობელთათვის უვიზო მიმოსვლის შესახებ.

წლის განმავლობაში აქტიურად მიმდინარეობდა დიპლომატიური სამუშაოები არაბულ სახელმწი-

ფოებთან სხვადასხვა მიმართულებებით თანამშრომლობის არსებული პოტენციალის ასათვისებლად. ამ მიზნით, განხორციელდა რამდენიმე ვიზიტი რეგიონის ქვეყნებსა და საქართველოს შორის.

აღნიშვნის ღირსია ის ფაქტი, რომ საქართველოს მიერ კატარის სახელმწიფოში საელჩოს გახსნიდან მოკლე პერიოდში, 2013 წლის აგვისტოში, გაიხსნა კატარის სახელმწიფოს საელჩო საქართველოში.

12-13 ოქტომბერს გაიმართა საგარეო საქმეთა მინისტრის მაია ფანჯიკიძის სამუშაო ვიზიტი კატარის სახელმწიფოში. ვიზიტის ფარგლებში შედგა მნიშვნელოვანი შეხვედრები და დაიგეგმა კონკრეტული ნაბიჯები მომავალი თანამშრომლობისთვის. შეხვედრებისას განხილულ იქნა კატარის საინვესტიციო კომპანიების მიერ საქართველოში სხვადასხვა სფეროებში ინვესტირების განხორციელების შესაძლებლობები და, ამ მიზნით, 2014 წლის განმავლობაში ამ კომპანიების წარმომადგენელთა საქართველოში ვიზიტების განხორციელების შესაძლებლობა.



ნარჩუნების საქმეში. აღსანიშნავია ბოლო პერიოდში გაზრდილი ხალხთაშორისი კონტაქტები ისევე, როგორც თანამშრომლობა ეკონომიკის, კულტურისა და განათლების სფეროში.

წლის განმავლობაში საქართველო აგრძელებდა ორმხრივი ურთიერთობების განვითარებას ეგვიპტესთან და მიმდინარეობდა მუშაობა ორმხრივი ურთიერთობების ყველა აქტუალურ საკითხზე. აღსანიშნავია, წლის განმავლობაში ეგვიპტიდან საქართველოში განხორციელებული ვიზიტები, რომლებიც მიზნად ისახავდა ეგვიპტის ოფიციალური სტრუქტურების წარმომადგენელთათვის საქართველოს რეფორმატორული გამოცდილების გაცნობას.

აღსანიშნავია, რომ 21 აგვისტოს საქართველოს პირველად ესტუმრა ლიბიის სახელმწიფოს დელეგაცია საგარეო საქმეთა მინისტრის მოადგილის ვაფა ბუკყაიკისის ხელმძღვანელობით, რომლის ფარგლებშიც გაიმართა პირველი ორმხრივი პოლიტიკური კონსულტაციები ორი ქვეყნის საგარეო საქმეთა სამინისტროებს შორის. ლიბიურმა მხარემ განსაკუთრებული ინტერესი გამოხატა ქართული რეფორმებისადმი და შეთანხმდა თანამშრომლობა შესაბამისი გამოცდილების გაზიარების კუთხით.

მომავალში კვლავ გაგრძელდება ურთიერთსასაგებლო თანამშრომლობა როგორც ეგვიპტესთან და ლიბიასთან, ასევე მალრიბის რეგიონის სხვა ქვეყნებთან.

17 მარტს, ეგვიპტეში გაიმართა პირველი პოლიტიკური კონსულტაციები საქართველოსა და არაბულ სახელმწიფოთა ლიგას შორის (LAS) რაც მნიშვნელოვანი ეტაპია საქართველოს და არაბულ სახელმწიფოთა რეგიონულ ორგანიზაციას შორის ურთიერთობებში.

წლის განმავლობაში ასევე მიმდინარეობდა თანამშრომლობის განვითარების ღონისძიებები სპარსეთის ყურის თანამშრომლობის საბჭოსთან (GCC). ამ ეტაპზე მუშავდება საბჭოსა და საქართველოს შორის ურთიერთ-გაგების მემორანდუმის ტექსტი.

2013 წლის განმავლობაში ჩატარდა სამუშაოები საუდის არაბეთის სამეფოში საქართველოს საელჩოს გახსნის მიზნით. 2014 წლის დასაწყისში იგეგმება საელჩოს გახსნა რიადში, რაც მნიშვნელოვნად შეუწყობს ხელს ორმხრივი ურთიერთობების განვითარებას. აღსანიშნავია, რომ 4-7 ნოემბერს გაიმართა საქართველო - საუდის არაბეთის საპარლამენტო მეგობრობის ჯგუფის ვიზიტი საუდის არაბეთის სამეფოში.

საქართველო დიდ მნიშვნელობას ანიჭებს კეთილმეზობლური ურთიერთობების განვითარებას მის სამეზობლოში მყოფ ირანთან, რომელსაც მნიშვნელოვანი როლი ენიჭება რეგიონის უსაფრთხოებისა და სტაბილურობის შე-

საქართველო ესწრაფვის აფრიკის კონტინენტის ქვეყნებთან პოლიტიკური, სავაჭრო-ეკონომიკური, კულტურული და სხვა კავშირების განვითარებას.

საქართველოს გააჩნია დიპლომატიური წარმომადგენლობა ეთიოპიასა და სამხრეთ აფრიკაში, რაც მნიშვნელოვნად უწყობს ხელს აღნიშნულ, ისევე როგორც აფრიკის კონტინენტის სხვა ქვეყნებთან ურთიერთსასარგებლო ორმხრივი თანამშრომლობის გაღრმავებას. აღსანიშნავია, რომ წლის განმავლობაში ეთიოპიასა და სამხრეთ აფრიკაში დაიბეჭდა რამდენიმე მნიშვნელოვანი სტატია საქართველოს შესახებ, რამაც ხელი შეუწყო საქართველოს კულტურით, საინვესტიციო გარემოთი და რეფორმატორული გამოცდილებით მასპინძელი ქვეყნების დაინტერესებას და თანამშრომლობის გაღრმავებას საერთო ინტერესების სხვადასხვა სფეროებში.

აღსანიშნავია, რომ 19 სექტემბერს სამხრეთ აფრიკის რესპუბლიკაში გაიმართა პირველი ორმხრივი პოლიტიკური კონსულტაციები საგარეო საქმეთა სამინისტროებს შორის დეპარტამენტების დირექტორების დონეზე. აღნიშნული კონსულტაციები ისტორიული მნიშვნელობისაა, რადგან მოხდა ორმხრივი ურთიერთობების პირველი ყოვლისმომცველი მიმოხილვა და დაისახა თანამშრომლობის სამომავლო გეგმები, მათ შორის მაღალი და უმაღლესი დონის ვიზიტების განხორციელების პერსპექტივები. ვიზიტის ფარგლებში ასევე გაიმართა ქართული დელეგაციის შეხვედრა სამხრეთ აფრიკაში ერთ-ერთ ყველაზე გავლენიან კვლევით დაწესებულებასთან, სამხრეთ აფრიკის აფრიკულ ინსტიტუტთან სადაც საქართველოს ცნობადობის ამაღლების მიზნით გაკეთდა მოხსენებები საქართველოს საშინაო და საგარეო პოლიტიკის ისევე, როგორც საინვესტიციო და ბიზნეს გარემოს შესახებ.

აღსანიშნავია ასევე, რომ ეთიოპიაში საქართველოს საელჩო აკრედიტებულია აფრიკის რეგიონალურ ორგანიზაცია - აფრიკის კავშირში (AU), რაც წარმოადგენს საუკეთესო ფორუმს პარტნიორული ურთიერთობების განსამტკიცებლად რეგიონის სახელმწიფოებთან. საქართველოს საელჩო რეგულარულად მონაწილეობს აფრიკის კავშირის ფარგლებში ორგანიზებულ სამიტებსა თუ სხვა გაფართოებული ფორმატის ღონისძიებებში.



წარწერა ფოტოზე: პირველი კონსულტაცია საქართველოსა და სამხრეთ აფრიკის საგარეო საქმეთა სამინისტროებს შორის

22-29 იანვარს, საქართველოს დელეგაციამ საგარეო საქმეთა მინისტრის მოადგილის დავით ჯალაღანიას ხელმძღვანელობით მონაწილეობა მიიღო აფრიკის კავშირის სამიტში, ქ. ადის-აბებაში. სამიტის ფარგლებში გაიმართა 30-მდე ორმხრივი შეხვედრა სამიტში მონაწილე აფრიკულ სახელმწიფოებთან, რომლის ფარგლებშიც განხილულ იქნა ორმხრივი და მრავალმხრივი ურთიერთობების მნიშვნელოვანი საკითხები.

აღსანიშნავია, რომ 24-25 ივლისს საქართველოს პირველად ესტუმრა ნიგერიის ფედერაციული რესპუბლიკის საგარეო საქმეთა სამინისტროს დელეგაცია, პირველი სახელმწიფო მინისტრის, პროფესორ ვიოლა ადაკუ ონვულირის ხელმძღვანელობით. გაიმართა ორმხრივი პოლიტიკური კონსულტაციების პირველი რაუნდი, რომლის ფარგლებშიც მხარეებმა ეკონომიკური, პოლიტიკური და ხალხთაშორისი ურთიერთობების აქტუალური საკითხები და სამომავლო პერსპექტივები განიხილეს.

სამინისტრო აგრძელებს აფრიკის ქვეყნებთან ურთიერთობას და ქვეყნებს შორის ურთიერთ-პატივისცემასა და საერთო ინტერესზე დაფუძნებული პოზიტიური დღისწესრიგის განვითარებას.



თანამშრომლობა რეგიონული ორგანიზაციების ფარგლებში

სუამი - საქართველოს თავმჯდომარეობა 2013



2013 წელს საქართველომ ერთი წლის ვადით ჩაიბარა დემოკრატიისა და ეკონომიკური განვითარების ორგანიზაცია - სუამ-ის თავმჯდომარეობა. წლის განმავლობაში, თავმჯდომარეობის პროგრამის გათვალისწინებით, მაღალი დონის ღონისძიებები გაიმართა, მათ შორის, სუამ-ის საგარეო საქმეთა მინისტრების საბჭოს ორი სხდომა - ნიუ-იორკში, (26 სექტემბერს) გაეროს გენერალური ასამბლეის 68-ე სხდომის გახსნისა და კიევში (6 დეკემბერს) ეუთოს მინისტრთა საბჭოს მე-20 სხდომის ფარგლებში; ასევე ჩატარდა სუამ-ის ეროვნულ კოორდინატორთა საბჭოს სამი სხდომა კიევში, სუამ-ის სამდივნოში (12-13 აპრილს; 10-11 სექტემბერს; 21-22 ნოემბერს).

საქართველოს თავმჯდომარეობის ხელშეწყობით, წლის განმავლობაში აქტიური თანამშრომლობა მიმდინარეობდა სუამ-სა და ორგანიზაციის პარტნიორ ქვეყნებთან (აშშ, იაპონია) და ისეთ საერთაშორისო ორგანიზაციებთან, როგორიცაა ნარკოტიკების და დანაშაულის საკითხებზე გაეროს ოფისი (UNODC), სამხრეთ ევროპის სამართალალსრულების ცენტრი (SELEC), ეკონომიკური თანამშრომლობისა და განვითარების ორგანიზაცია (OECD). აციებთან, როგორიცაა ნარკოტიკების და დან



აღსანიშნავია სუამ-აშშ ფორმატის მაღალი დონის შეხვედრა, რომელიც ტრადიციულად ნიუ-იორკში 26 სექტემბერს გაიმართა და სადაც მხარეებმა ერთობლივი განცხადება მიიღეს. გარდა ამისა, ამერიკული მხარის ფინანსური ხელშეწყობითა და ნარკოტიკების და დანაშაულის საკითხებზე გაეროს ოფისის (UNODC) ორგანიზებით, გაიმართა სამი თემატური სემინარი ფულის გათეთრების წინააღმდეგ ბრძოლის აქტუალურ საკითხებზე ბაქოში (18-19 მარტს), ბათუმსა (25-27 ივნისს) და კიშინეუში (1-3 ოქტომბერს). სემინარებში, სუამ-ის წევრი სახელმწიფოების ექსპერტების გარდა, მონაწილეობა მიიღეს აშშ-ის, ევროკავშირის ქვეყნების, შვეიცარიის, ისრაელის, არაბთა გაერთიანებული საემიროების, ინტერპოლის, ევროპოლის, მსოფლიო ბანკის და სამხრეთ ევროპის სამართალდარღვევების ცენტრის შესაბამისი სტრუქტურების მაღალი რანგის წარმომადგენლებმაც.

სუამ-იაპონიის თანამშრომლობის ჩრდილო აღსანიშნავია სუამ-ის ეროვნული კოორდინატორების სამუშაო ვიზიტი ტოკიოში 16-17 მაისს, რომლის ფარგლებში მაღალი დონის შეხვედრების პარალელურად იაპონიის სამთავრობო და არასამთავრობო წამყვან ორგანიზაციებში დისკუსიები გაიმართა. უკანასკნელი წლების განმავლობაში მიმდინარე თანამშრომლობის პოზიტიური დინამიკის გათვალისწინებით, დღის წესრიგში სუამ-იაპონიის თანამშრომლობის საშუალოვადიანი გეგმის შეთანხმებისა და ხელმოწერის საკითხი დადგა. სწორედ, აღნიშნული დოკუმენტის საბოლოო შეთანხმებას ემსახურებდა სუამ-ის ეროვნული კოორდინატორების ვიზიტი ტოკიოში.

10-18 მარტს იაპონიამ ტრადიციულად უმასპინძლა სუამ-ის ექსპერტებს ტოკიოში, სადაც თემატური სემინარი გაიმართა, ამჯერად, სოფლის მეურნეობის საკითხებზე. 17-18 ოქტომბერს კი, იაპონური მხარის დაფინანსებითა და ცენტრალურ და აღმოსავლეთ ევროპაში გარემოს რეგიონული ცენტრის (REC) ორგანიზებით, კიევში, სუამ-ის სამდივნოში გაიმართა სემინარი *"Promoting Green Economy In Guam Countries: Promotion Of Renewable Energy Sources"*, სუამ-ის ქვეყნებში ენერგიის განახლებადი წყაროების არსებული პოტენციალის შესახებ.

2013 წელს საქართველოს თავმჯდომარეობის დროს საერთაშორისო რეგიონალურმა ორგანიზაცია "ჰაიციფიცი ალლიანცე-მა" საერთო ინტერესის სფეროებში სუამ-თან თანამშრომლობის სურვილი გამოთქვა. 23 სექტემბერს ნიუ-იორკში საქართველოსა და კოლუმბიის რესპუბლიკის საგარეო საქმეთა მინისტრებს შორის გამართული ორმხრივი შეხვედრის ფარგლებში, მინისტრებმა ორი რეგიონალური ორგანიზაციის თავმჯდომარე ქვეყნების რანგში სუამ-სა და "ჰაიციფიცი ალლიანცე"-ს შორის შესაძლო თანამშრომლობის მიმართულებები და პერსპექტივები განიხილეს.

საქართველოს თავმჯდომარეობის ხელშეწყობით ევროკავშირსა და სუამ-ს შორის სამომავლო თანამშრომლობის პერსპექტივები განხილულ იქნა 29 ნოემბერს ვილინუსში გამართულ სუამ-ის საგარეო საქმეთა მინისტრების არაფორმალურ შეხვედრაზე, რომელშიც მონაწილეობა მიიღო ლიტვის საგარეო საქმეთა მინისტრმა ევროკავშირის თავმჯდომარე ქვეყნის რანგში. შეხვედრაზე მიღებულ იქნა კომუნიკე, რომელშიც მინისტრები მიესალმნენ სუამ-ის წევრი ქვეყნების ევროპულ მისწრაფებებს და მზადყოფნა გამოთქვეს, ხელი შეუწყონ ევროკავშირსა და სუამ-ს შორის თანამშრომლობის გააქტიურებას საერთო ინტერესის სფეროებში ერთობლივი პროექტების შემუშავებისა და განხორციელების მიზნით.

წლის განმავლობაში, ორგანიზაციის წევრ-ქვეყნებსა და სუამ-ის სამდივნოში, გაიმართა სუამ-ის სამუშაო ჯგუფებისა და ქვეჯგუფების სხდომები და ექსპერტების შეხვედრები. ქართული მხარის ორგანიზებით 13 თებერვალს აღმოსავლეთ პარტნიორობის არაფორმალური დიალოგის მეორე შეხვედრის პარალელურად თბილისში სუამ-ის წევრი სახელმწიფოების ტრანსპორტის განვითარებაზე პასუხისმგებელი უწყებების ხელმძღვანელების დონეზე, ტრანსპორტის საკითხებზე სუამ-ის სამუშაო ჯგუფის სხდომა გაიმართა. სხდომის ფარგლებში მიღებულ იქნა „სუამ-ის სატრანსპორტო დერეფნის განვითარების კონცეფცია“, რომელმაც ორგანიზაციის ფარგლებში ტრანსპორტის სფეროში თანამშრომლობას ახალი იმპულსი შესძინა. 12-13 დეკემბერს, თბილისში ქართულმა მხარემ ასევე უმასპინძლა ვაჭრობისა და ტრანსპორტირების ხელშეწყობის პროექტის ხელმძღვანელი კომიტეტის სხდომას, რომელშიც სუამ-ის ექსპერტების გარდა, საქმიანი წრეების წარმომადგენლებიც მონაწილეობდნენ.

2013 წელს საქართველომ დიდი ყურადღება დაუთმო სუამ-ის ფარგლებში პარლამენტთაშორისი თანამშრომლობის გაღრმავებასაც. კერძოდ, ქართულმა მხარემ 26-28 ივნისს, ბათუმში უმასპინძლა სუამ-ის საპარლამენტო ასამბლეისა და ბალტიის ასამბლეის ერთობლივ სემინარს *"GUAM and Baltic Countries – Partners for Safe and Prosperous Regions"*, ხოლო 2-3 დეკემბერს, თბილისში გაიმართა სუამის საპარლამენტო ასამბლეის მე-6 პლენარული სხდომა. ორივე ღონისძიებაში სუამ-ის წევრი სახელმწიფოების საპარლამენტო დელეგაციებთან ერთად მონაწილეობა მიიღეს ბალტიის ასამბლეისა და თურქულენოვანი ქვეყნების ასამბლეის დელეგაციებმა და ვიშეგრადის ქვეყნების პარლამენტების მაღალი დონის წარმომადგენლებმა. აღსანიშნავია, რომ სუამ-ის საპარლამენტო ასამბლეის პლენარული სხდომის ფარგლებში მიღებულ იქნა ორი მნიშვნელოვანი დოკუმენტი - სუამ-ის საპარლამენტო ასამბლეის კომუნიკე და სუამ-ის საპარლამენტო ასამბლეის, ბალტიის ასამბლეისა და პოლონეთის რესპუბლიკის საპარლამენტო დელეგაციის ერთობლივი განცხადება. დოკუმენტებში ხაზგასმით აღინიშნა სუამ-ის წევრი ქვეყნების ევროპული მისწრაფებების, ასევე, მათი სუვერენიტეტისა და ტერიტორიული მთლიანობის მხარდაჭერა, საერთაშორისოდ აღიარებული საზღვრების ფარგლებში.





მნიშვნელოვანია, აღინიშნოს, რომ დამკვიდრებული ტრადიციის შესაბამისად სუამ-ის საპარლამენტო ასამბლეის დამკვირვებელთა ჯგუფებმა მონაწილეობა მიიღეს აზერბაიჯანის რესპუბლიკის პრეზიდენტის 9 ოქტომბრის არჩევნებისა და საქართველოს პრეზიდენტის 27 ოქტომბრის არჩევნების სადამკვირვებლო პროცესებში.

„მხარეები მწუხარებით აღნიშნავენ აგრესიული სეპარატიზმისა და ოკუპაციის ლეგიტიმაციის ბოლო დროს გახშირებულ ფაქტებსა და მცდელობებს (კონფლიქტურ რეგიონებსა და ოკუპირებულ ტერიტორიებზე ოფიციალური პირების ვიზიტები, სეპარატისტული ლიდერების მიერ ზოგიერთ დედაქალაქებში ჩასვლა, კონფლიქტურ რეგიონებსა და ოკუპირებულ ტერიტორიებზე უკანონო ეკონომიკური და სხვა საქმიანობა, საქართველოს აფხაზეთის და ცხინვალის რეგიონების საოკუპაციო ხაზის გასწვრივ უკანონო ხელოვნური ბარიერების მოწყობა/მავთულხლართების გაბმა) და მოუწოდებენ შესაბამის მხარეებს, მიიღონ ზომები იმ ქმედებების აღსაკვეთად, რომლებიც ეწინააღმდეგება საერთაშორისო სამართალსა და აღებულ საერთაშორისო-სამართლებრივ ვალდებულებებს.“ სუამ-ის საპარლამენტო ასამბლეის, ბალტიის ასამბლეისა და პოლონეთის რესპუბლიკის საპარლამენტო დელეგაციის ერთობლივი განცხადება

შავი ზღვის ეკონომიკური თანამშრომლობის ორგანიზაცია

2013 წელს საქართველომ ერთი წლის ვადით ჩაიბარა დემოკრატიისა და ეკონომიკური განვითარების ორგანიზაცია - სუამ-ის თავმჯდომარეობა. წლის განმავლობაში, თავმჯდომარეობის პროგრამის გათვალისწინებით, მაღალი დონის ღონისძიებები გაიმართა, მათ შორის, სუამ-ის საგარეო საქმეთა მინისტრების საბჭოს ორი სხდომა - ნიუ-იორკში, (26 სექტემბერს) გაეროს გენერალური ასამბლეის 68-ე სხდომის გახსნისა და კიევში (6 დეკემბერს) ეუთოს მინისტრთა საბჭოს მე-20 სხდომის ფარგლებში; ასევე ჩატარდა სუამ-ის ეროვნულ კოორდინატორთა საბჭოს სამი სხდომა კიევში, სუამ-ის სამდივნოში (12-13 აპრილს; 10-11 სექტემბერს; 21-22 ნოემბერს).

საქართველოს თავმჯდომარეობის ხელშეწყობით, წლის განმავლობაში აქტიური თანამშრომლობა მიმდინარეობდა სუამ-სა და ორგანიზაციის პარტნიორ ქვეყნებთან (აშშ, იაპონია) და ისეთ საერთაშორისო ორგანიზაციებთან, როგორიცაა ნარკოტიკებისა და დანაშაულის საკითხებზე გაეროს

ოფისი 2013 წლის განმავლობაში ქართული მხარე აქტიურად მონაწილეობდა შავი ზღვის ეკონომიკური თანამშრომლობის ორგანიზაციის (BSEC) ფარგლებში არსებულ მუშა ჯგუფების შეხვედრებში, ორგანიზაციის უფროს თანამდებობის პირთა კომიტეტის (CSO) სხდომებსა და წევრი ქვეყნების საგარეო საქმეთა მინისტრების საბჭოს (CMFA) სხდომებში ისევე, როგორც BSEC-ის საპარლამენტო ასამბლეის (PABSEC) მუდმივი კომიტეტის ერთობლივ შეხვედრებში და შავი ზღვის კვლევების საერთაშორისო ცენტრის (ICBSS) დირექტორთა საბჭოს მუშაობაში.

20 ივნისს ქალაქ ოდესაში ორგანიზაციის წევრი ქვეყნების საგარეო საქმეთა მინისტრების საბჭოს 28-ე, ხოლო 12 დეკემბერს ქალაქ ერევანში საბჭოს 29-ე სხდომა გაიმართა. სხდომებში მონაწილეობა მიიღო საგარეო საქმეთა მინისტრის მოადგილემ დავით ჯალაღანიამ.



13-15 მარტს ჩატარდა BSEC-ის მუდმივმოქმედი საერთაშორისო სამდივნოს გენერალური მდივნის სამუშაო ვიზიტი საქართველოში.

საქართველო საერთაშორისო ორგანიზაციებში

გაერო

საქართველოს საგარეო საქმეთა მინისტრი მაია ფანჯიკიძე 11 სექტემბერს ეწვია ქ. ჟენევას, სადაც ორმხრივი შეხვედრები გამართა გაეროს ადამიანის უფლებათა უმაღლეს კომისართან, ნავი პილეისთან, გაერო-ს ლტოლვილთა უმაღლეს კომისართან ანტონიო გუტიერესთან, ჟენევაში გაერო-ს განყოფილების გენერალურ დირექტორთან კასიმ-ჟომარტ ტოკაევთან, წითელი ჯვრის საერთაშორისო კომიტეტის პრეზიდენტთან პიტერ მაურერთან, გაერო-ს ადამიანის უფლებათა დაცვის საბჭოს პრეზიდენტთან რემინგიუმ ჰენცზელთან. ვიზიტის ფარგლებში, საგარეო საქმეთა მინისტრმა გაერო-ს ადამიანის უფლებათა საბჭოს 24-ე სხდომის მონაწილეებს სიტყვით მიმართა.



2013 წლის განმავლობაში სამჯერ შედგა საგარეო საქმეთა სამინისტროს მაღალი დონის დელეგაციის ვიზიტი ქ. ნიუ-იორკში, რომლის მიზანს გაერო-ს ფარგლებში საქართველოს თანამშრომლობის აქტიუალური საკითხების განხილვა წარმოადგენდა

■ 1-7 მაისს შედგა საგარეო საქმეთა მინისტრის პირველი მოადგილის დავით ზალკალიანის ვიზიტი, რომლის დროსაც გაიმართა 50-მდე ორმხრივი და მრავალმხრივი შეხვედრა როგორც გაერო-ს, ისე სხვადასხვა სახელმწიფოს წარმომადგენლებთან;

■ 3-7 ივნისს შედგა საქართველოს საგარეო საქმეთა მინისტრის მაია ფანჯიკიძის ვიზიტი ქ. ნიუ-იორკში. ორმხრივი შეხვედრების ფარგლებში გაიმართა შეხვედრა გაერო-ს გენერალურ მდივანთან ბან კი მუნთან;

■ 23-27 სექტემბერს საგარეო საქმეთა სამინისტროს დელეგაციამ მინისტრ მაია ფანჯიკიძის ხელმძღვანელობით მონაწილეობა მიიღო გაერო-ს გენერალური ასამბლეის 68-ე სესიის გენერალურ დებატებში.

შეხვედრების განმავლობაში, ასევე ადამიანის უფლებათა საბჭოში გამოსვლისას, მინისტრმა ქვეყანაში მიმდინარე რეფორმებსა და ადამიანის უფლებათა სფეროში მიღწეულ პროგრესზე ისაუბრა. მაია ფანჯიკიძემ ხაზგასმით აღნიშნა საერთაშორისო ორგანიზაციებთან საქართველოს მთავრობის აქტიური თანამშრომლობის მნიშვნელობა და რეფორმების პროცესში სამოქალაქო საზოგადოების მონაწილეობის გაძლიერების აუცილებლობა. განსაკუთრებული ყურადღება დაეთმო საქართველოს ოკუპირებულ რეგიონებში უსაფრთხოებისა და ადამიანის უფლებათა კუთხით არსებულ შემაშფოთებელ მდგომარეობას, კერძოდ, საოკუპაციო ხაზის გასწვრივ რუსეთის საოკუპაციო ჯარის მიერ მავთულხლართების გაბმისა და სხვა ხელოვნური ბარიერების აგების პროცესს.

საგარეო საქმეთა სამინისტროს დელეგაციამ, მინისტრ მაია ფანჯიკიძის ხელმძღვანელობით, 23-27 სექტემბერს მონაწილეობა მიიღო გაერო-ს გენერალური ასამბლეის 68-ე სესიის გენერალურ დებატებში, რომლის ფარგლებშიც გაიმართა 50-მდე ორმხრივი შეხვედრა, მათ შორის, გაერო-ს გენერალური ასამბლეის 68-ე სესიის პრეზიდენტთან ჯონ ეშთან, პოლიტიკურ საკითხებში გაერო-ს გენერალური მდივნის მოადგილესთან ჯეფრი ფელტმანთან და სხვადასხვა ქვეყნის საგარეო უწყებების წარმომადგენლებთან.



ყებების ხელმძღვანელებთან. ვიზიტის ფარგლებში საქართველოს დელეგაციამ მონაწილეობა მიიღო მთელ რიგ მრავალმხრივ შეხვედრებსა და ფორუმებში. ვიზიტის მიმდინარეობისას ხელი მოეწერა შეთანხმებას დიპლომატიური ურთიერთობების დამყარების შესახებ საქართველოსა და ლესოტოს სამეფოს, ასევე საქართველოსა და კამერუნის რესპუბლიკას შორის. ამასთან, ქართულმა მხარემ ხელი მოაწერა სხვადასხვა სახის შეთანხმებას ხუთ ქვეყანასთან, კერძოდ, გაფორმდა ურთიერთგაგების მემორანდუმები საგარეო საქმეთა სამინისტროებს შორის თანამშრომლობის შესახებ კოლუმბიის, ლიბიისა და კირიბატის მხარეებთან; ხელი მოეწერა ურთიერთგაგების მემორანდუმს ჰონდურასთან, ორი ქვეყნის საგარეო საქმეთა სამინისტროებს შორის პოლიტიკური კონსულტაციების ჩატარების შესახებ; გაფორმდა შეთანხმება პანამასთან, დიპლომატიური, ოფიციალური, საკონსულო, სპეციალური და სამსახურებრივი პასპორტების მფლობელთათვის ვიზის მიღების ვალდებულებისგან გათავისუფლების შესახებ.

30 ოქტომბერს გაერო-ს გენერალური ასამბლეის 68-ე სესიის ფარგლებში გამართული არჩევნების შედეგად, საქართველო გახდა გაერო-ს ეკონომიკური და სოციალური საბჭოს (EكЩЩЩ) წევრი 2014-16 წლების ვადით. საქართველოს კანდიდატურას 175-მა სახელმწიფომ დაუჭირა მხარი. EكЩЩЩ წარმოადგენს გაერო-ს ძირითად ორგანოს, რომელიც შეისწავლის და გასცემს რეკომენდაციებს საერთაშორისო სისტემაში არსებულ ეკონომიკურ, სოციალურ, განათლების, კულტურისა და ჯანდაცვის სფეროებთან

ეუთო

ევროპის უსაფრთხოებისა და თანამშრომლობის ორგანიზაციის (ეუთო) ფარგლებში საქართველოს მიზნებისა და ამოცანების უზრუნველყოფის მიზნით, საგარეო საქმეთა სამინისტრო აქტიურად მუშაობდა და კონსულტაციებს მართავდა ორგანიზაციის ინსტიტუტებთან და აღმასრულებელ სტრუქტურებთან. ინსტენსიური მუშაობა მიმდინარეობდა ეუთო-ს 2013 წლის უკრაინის თავმჯდომარეობასთან, საქართველოს პარტნიორ ეუთო-ს მონაწილე სახელმწიფოებთან, ეუთო-ს სამდივნოსთან და სხვადასხვა ავტონომიურ ინსტიტუტთან.

29-31 იანვარს საქართველოში ოფიციალური ვიზიტით იმყოფებოდნენ ეუთო-ს დემოკრატიული ინსტიტუტებისა და ადამიანის უფლებების ოფისის (ODIHR) წარმომადგენლები, რომლებმაც შესაბამის უწყებებთან შეხვედრებზე წარადგინეს 2012 წლის 1 ოქტომბრის საპარლამენტო არჩევნების სადამკვირვებლო მისიის საბოლოო ანგარიში.

საქართველოს მთავრობის მიმართვის საფუძველზე, ყოფილი მაღალი თანამდებობის პირების სასამართლო პროცესების მონიტორინგის მიზნით, 2013 წლის 20 თებერვალს, ეუთო-ს დემოკრატიული ინსტიტუტებისა და ადამიანის უფლებების ოფისმა სასამართლო პროცესების მონიტორინგის პროექტი დაიწყო.

26 თებერვალს ქალაქ ვენაში ვიზიტის ფარგლებში საქართველოს საგარეო საქმეთა მინისტრი მათა ფანჯიკიძე მინწვეული იყო ეუთო-ს გენერალური მდივნის ლამბერტო ძანიერის მიერ ორგანიზებულ სამუშაო სადილზე. შეხვედრაზე მხარეებმა მოსაზრებები გამოხატეს ისეთ აქტუალურ საკითხებზე, როგორიცაა საქართველოში მიმდინარე რეფორმები და პროცესები, რუსეთ-საქართველოს კონფლიქტი და ჟენევის საერთაშორისო მოლაპარაკებების მნიშვნელობა, საქართველოში ეუთო-ს მისიის აღდგენის აუცილებლობა, ეუთო-ს ინსტიტუტებთან, მათ შორის ODIHR, HCNM-სა და მედიის საკითხებში ეუთო-ს წარმომადგენლის ოფისთან საქართველოს ნაყოფიერი თანამშრომლობა, რაც ქვეყანაში დემოკრატიზაციის პროცესის ხელშეწყობას ემსახურება.

18 ივნისს საქართველოს ოფიციალური ვიზიტით ეწვია ეუთო-ს თავმჯდომარე ქვეყნის, უკრაინის საგარეო საქმეთა მინისტრი ლეონიდ კოჟარა, რომელმაც შეხვედრები გამართა საქართველოს უმაღლესი თანამდებობის სახელმწიფო პირებთან. ეუთო-ს თავმჯდომარემ შეშფოთება გამოთქვა ცხინვალის რეგიონში, ადმინისტრაციული ხაზის გასწვრივ აღმართულ მავთულხლართებთან დაკავშირებით, რომელიც მნიშვნელოვნად ზღუდავს ადგილობრივი მოსახლეობის გადაადგილების თავისუფლებას.



19 ივნისს საქართველოს ოფიციალური ვიზიტით ეწვია ეროვნული უმცირესობების საკითხებში ეუთო-ს უმაღლეს კომისარი კნუტ ვოლგეკი. ვიზიტის ფარგლებში უმაღლესი კომისარი იმყოფებოდა საქართველოს ოკუპირებული ტერიტორიების მიმდებარე სოფლებში, დიდ ხურვალეთსა და დიცში, გაეცნო საოკუპაციო ხაზთან არსებულ მდგომარეობას და გამოხატა შეშფოთება მავთულხლართების გავლების პროცესის შედეგად ადამიანის უფლებების კუთხით არსებულ მძიმე მდგომარეობასთან დაკავშირებით.

საქართველოს საგარეო საქმეთა მინისტრის პირველი მოადგილის დავით ზალკალიანის ხელმძღვანელობით, 19-20 ივნისს ქართულმა დელეგაციამ მონაწილეობა მიიღო ქალაქ ვენაში გამართულ ეუთო-ს უსაფრთხოების გადახედვის ყოველწლიურ კონფერენციაში. კონფერენციაზე სიტყვით გამოსვლისას, მინისტრის პირველმა მოადგილემ საქართველოსთვის მთელ რიგ მნიშვნელოვან და რელევანტურ საკითხებზე ისაუბრა, მათ შორის, ტრანსნაციონალური საფრთხეების, გლობალური ტერორიზმის წინააღმდეგ ბრძოლაში საქართველოს როლზე და იმ წვლილზე, რომელიც ქვეყანას რეგიონული და საერთაშორისო უსაფრთხოების უზრუნველყოფის საქმეში შეაქვს. დავით ზალკალიანმა ხაზი გაუსვა, რომ ევროპის უსაფრთხოების სისტემის გამართული და ეფექტური ფუნქციონირება სახელმწიფოების მხრიდან ნაკისრი ვალდებულებების პირნათლად შესრულებაზეა დამოკიდებული. მინისტრის პირველმა მოადგილემ განსაკუთრებული ყურადღება გაამახვილა რუსეთის მიერ საქართველოს ოკუპირებულ რეგიონებში მავთულხლართების გავლებისა და მინათხრილების მოწყობის უკანონო პროცესზე და მოუწოდა რუსეთს, შეწყვიტოს აღნიშნული პროვოკაციული ქმედებები.

16-18 სექტემბერს საქართველოს ოფიციალური ვიზიტით ესტუმრა ეუთო-ს საპარლამენტო ასამბლეის პრეზიდენტი, მონტენეგროს პარლამენტის თავმჯდომარე რანკო კრივოკაპიჩი. ვიზიტის ფარგლებში გაიმართა შეხვედრები საქართველოს აღმასრულებელი და საკანონმდებლო ხელისუფლების უმაღლეს პირებთან. რანკო კრივოკაპიჩი საქართველოს პრეზიდენტს, პრემიერ-მინისტრს, საგარეო საქმეთა მინისტრს და პარლამენტის თავმჯდომარეს შეხვდა.

27 ოქტომბრის საპრეზიდენტო არჩევნების კუთხით, საქართველო მჭიდროდ თანამშრომლობდა ეუთო-ს დემოკრატიული ინსტიტუტებისა და ადამიანის უფლებათა ოფისთან, ეუთო-ს საპარლამენტო ასამბლეასთან და მთელ რიგ საერთაშორისო ინსტიტუტებთან, ორგანიზაციებთან და პარტნიორ სახელმწიფოებთან.

27 ოქტომბრის საპრეზიდენტო არჩევნები იყო ეფექტურად ორგანიზებული, გამჭვირვალე და ჩატარდა მშვიდ და კონსტრუქციულ გარემოში“

19 სექტემბერს 27 ოქტომბრის საპრეზიდენტო არჩევნებზე სადამკვირვებლო საქმიანობას შეუდგა ეუთო-ს დემოკრატიული ინსტიტუტებისა და ადამიანის უფლებათა ოფისის სადამკვირვებლო მისია, მათეო მეკაჩის ხელმძღვანელობით. ოქტომბერში, საპრეზიდენტო არჩევნებზე სადამკვირვებლო საქმიანობის განხორციელების მიზნით, საქართველოს ესტუმრნენ დამკვირვებლები შემდეგი საერთაშორისო ორგანიზაციებიდან და არასამთავრობო ინსტიტუტებიდან: ევროპის საბჭოს საპარლამენტო ასამბლეა (PACE), ნატოს საპარლამენტო ასამბლეა (NATO PA), ევროპარლამენტი (EU Parliament), არაბულ სახელმწიფოთა ლიგა (LAS), საერთაშორისო რესპუბლიკური ინსტიტუტი (ლი) და ამერიკის შეერთებული შტატების ეროვნული დემოკრატიული ინსტიტუტი (NDI).

23 სექტემბრიდან - 4 ოქტომბრამდე ქალაქ ვარშავაში გაიმართა ეუთო-ს ადამიანური განზომილების საიმპლემენტაციო შეხვედრა (3DIM). ეუთო-ს ადამიანური განზომილების საიმპლემენტაციო შეხვედრაში მონაწილეობა მიიღო საქართველოს დელეგაციამ. ქართული მხარის მიერ კონფერენციის ფარგლებში გაკეთდა განცხადებები ტოლერანტობის და დისკრიმინაციის წინააღმდეგ ბრძოლის, ადამიანთა ფუნდამენტური უფლებების, თავისუფალი გადაადგილების უფლების და რელიგიური თავისუფლების თემებისადმი მიძღვნილ სესიებზე. კონფერენციის ფარგლებში ქართულმა მხარემ მონაწილე დელეგაციებს, საერთაშორისო ორგანიზაციებისა და არასამთავრობო ორგანიზაციების წარმომადგენლებს მიაწოდა ინფორმაცია საქართველოს ოკუპირებულ ტერიტორიებზე არსებული უკიდურესად მძიმე ვითარების შესახებ, სადაც სისტემატიურად აქვს ადგილი ადამიანის უფლებების უხეშ დარღვევებს.

26-27 სექტემბერს საქართველოში ოფიციალური ვიზიტით მყოფმა ეუთო-ს თავმჯდომარეობის სპეციალურმა წარმომადგენელმა გენდერულ საკითხებში, ქალბატონმა ჯუნ ზეიტლინმა ოფიციალური შეხვედრები გამართა სამთავრობო უწყებებისა და არასამთავრობო ორგანიზაციების წარმომადგენლებთან. შეხვედრებზე მთავარ განსახილველ საკითხს საქართველოში გენდერული თანასწორობის კუთხით არსებული მდგომარეობა წარმოადგენდა.

10 ოქტომბერს ქალაქ ვენაში, საქართველოს საგარეო საქმეთა მინისტრმა მაია ფანჯიკიძემ სიტყვით მიმართა ეუთო-ს მუდმივი საბჭოს რიგით 699-ე სხდომას. სხდომაზე მინისტრმა ხაზი გაუსვა ეუთო-ს ინსტიტუტების როლს საქართველოში დემოკრატიული პროცესების განვითარებაში. მინისტრმა განსაკუთრებული ყურადღება გაამახვილა საქართველოს ოკუპირებული აფხაზეთისა და ცხინვალის რეგიონების საოკუპაციო ხაზის გასწვრივ რუსეთის საოკუპაციო ძალების მიერ მავთულხლართების გავლებისა და მიწათხრილების მოწყობის პროცესზე, ოკუპირებულ



„ჩვენ უნდა გავაორმაგოთ ძალისხმევა, რათა მოხდეს ეუთო-ს სრულფასოვანი და ყოვლისმომცველი სავლელ მისიის აღდგენა, რომელიც ალჭურელი იქნება სამშვიდობო და საპოლიციო მანდატით საქართველოს ოკუპირებულ რეგიონებში“.

ტერიტორიებზე უსაფრთხოებისა და ადამიანის უფლებების კუთხით არსებულ მძიმე ვითარებაზე და ეუთო-ს მონაწილე სახელმწიფოებს შესაბამისი ინფორმაცია მიაწოდა. ეუთო-ს მუდმივი საბჭოს სხდომაზე საპასუხო განცხადებები გააკეთეს ევროკავშირის, აშშ-ს, თურქეთის, შვეიცარიის, აზერბაიჯანის, ნორვეგიის და კანადის მუდმივმა წარმომადგენლებმა. გამომსვლელებმა დაგმეს საოკუპაციო ხაზთან მავთულხლართების გავლებისა და მიწათხრილების მოწყობის ფაქტი და ერთმნიშვნელოვნად უარყოფითად შეაფასეს ოკუპირებულ რეგიონებში არსებული მძიმე ვითარება. მონაწილე ქვეყნების დელეგაციებმა კიდევ ერთხელ დააფიქსირეს საქართველოს ტერიტორიული მთლიანობის და სუვერენიტეტისადმი მხარდაჭერა და რუსეთს საერთაშორისო სამართლით ნაკისრი ვალდებულებების შესრულებისაკენ მოუწოდეს.

11 ნოემბერს საქართველოს საგარეო საქმეთა მინისტრი სიტყვით წარსდგა სამხრეთ კავკასიის მედია კონფერენციის გახსნაზე, რომელიც ორგანიზებული იყო მედიის საკითხებში ეუთო-ს წარმომადგენლის ოფისის ორგანიზებით ქალაქ თბილისში. სიტყვით გამოსვლისას მაია ფანჯიკიძემ გამოთქვა საქართველოს მთავრობის მზადყოფნა, გაგრძელდეს მედიის საკითხებთან დაკავშირებული კანონმდებლობის დახვეწა და არსებული პრაქტიკის ეუთო-ს სტანდარტებთან სრულ შესაბამისობაში მოყვანა. მინისტრმა ხაზი გაუსვა ამ კუთხით მედიის თავისუფლების საკითხებში ეუთო-ს წარმომადგენლის ოფისთან საქართველოს თანამშრომლობის მნიშვნელობას.

5-6 დეკემბერს კიევში ეუთო-ს მინისტრთა საბჭოს მე-20 სხდომა გაიმართა. მინისტრთა საბჭოს სხდომაზე მაია ფანჯიკიძემ ყურადღება გაამახვილა ეუთო-ს როლის გაძლიერების მნიშვნელობაზე, მათ შორის საქართველო-რუსეთის კონფლიქტის მშვიდობიანი მოგვარების პროცესში. სხდომაზე სიტყვით გამოსვლისას, მაია ფანჯიკიძემ ხაზი გაუსვა საერთაშორისო თანამეგობრობის მხარდაჭერის მნიშვნელობას აფხაზეთისა და ცხინვალის რეგიონების საოკუპაციო ხაზის გასწვრივ რუსეთის საოკუპაციო ძალების მიერ მავთულხლართებისა და მიწათხრილების აღმართვის პროცესის, ასევე, ოკუპირებულ ტერიტორიებზე უსაფრთხოებისა და ადამიანის უფლებების არსებული მძიმე ვითარების კუთხით.

ევროპის საბჭო

საქართველოს პრემიერ-მინისტრი ბიძინა ივანიშვილი 23 აპრილს სიტყვით გამოვიდა ევროპის საბჭოს საპარლამენტო ასამბლეის წინაშე. ბიძინა ივანიშვილმა ქვეყანაში მოქმედი ინსტიტუტების რეალურად თანამედროვე დემოკრატიულ ინსტიტუტებად ჩამოყალიბების, ელიტარული კორუფციის აღმოფხვრის, ადამიანის უფლებების და მედიის თავისუფლების უზრუნველყოფის აუცილებლობაზე ისაუბრა. მან აღნიშნა რუსეთის ფედერაციასთან დიალოგის წარმოების აუცილებლობა, რაც პრაგმატულ მიდგომას ეფუძნება. საქართველოს პრემიერ-მინისტრმა კიდევ ერთხელ დაადასტურა, რომ საქართველოს დასავლური ორიენტაცია — ევროკავშირისა და ნატოში ინტეგრაცია ქვეყნის სტრატეგიული და უალტერნატივო არჩევანია.

15-16 მაისს საქართველოს საგარეო საქმეთა მინისტრი მაია ფანჯიკიძე ევროპის საბჭოს სტუმრობდა. იგი სიტყვით გამოვიდა 2013 წლის ქალაქ სტრასბურგში გამართულ ევროპის საბჭოს მინისტრთა კომიტეტის რიგით 123-ე შეხვედრაზე. გამოსვლისას მან ყურადღება გაამახვილა საქართველოს ოკუპირებული ტერიტორიების დეოკუპაციის აუცილებლობასა და საერთაშორისო საზოგადოების

მხრიდან ქვეყნის სუვერენიტეტისა და ტერიტორიული მთლიანობის მხარდაჭერის მნიშვნელობაზე. საგარეო საქმეთა მინისტრმა მოუწოდა ევროპის საბჭოს, სრულად და ეფექტურად გამოიყენოს მექანიზმები, რათა უზრუნველყოს ოკუპირებულ რეგიონებში ადამიანის უფლებათა მდგომარეობის მონიტორინგი. მინისტერიალზე საგარეო საქმეთა მინისტრის ვიზიტის ფარგლებში შედგა ორმხრივი შეხვედრა საქართველოს საგარეო საქმეთა მინისტრს მაია ფანჯიკიძესა და ევროპის საბჭოს გენერალურ მდივანს ტორბიორნ იაგლანდს შორის. ერთობლივ პრესკონფერენციაზე ევროპის საბჭოს გენერალურმა მდივანმა კიდევ ერთხელ დაადასტურა ევროპის საბჭოს ურყევი პოზიცია საქართველოს სუვერენიტეტისა და ტერიტორიული მთლიანობის მიმართ. მან დადებითად შეაფასა ქვეყნის ახალ მთავრობასთან თანამშრომლობის დინამიკა და ხაზგასმით აღნიშნა, რომ საკითხი „ევროპის საბჭო და კონფლიქტი საქართველოში“ ევროპის საბჭოს პოლიტიკურ დღის წესრიგში შენარჩუნდება და გაგრძელდება გენერალური მდივნის მიერ საქართველოში კონფლიქტის შესახებ კონსოლიდირებული მოხსენებების წარმოდგენის პრაქტიკა.



სტრასბურგში ევროპის საბჭოს საპარლამენტო ასამბლეის ზამთრის სესიაზე 23 იანვარს განიხილეს მიგრაციის, ლტოლვილთა და მოსახლეობის კომიტეტის მომხსენებლის თინა აკეტოფტის მიერ მომზადებული ანგარიში: რუსეთ-საქართველოს ომის ჰუმანიტარული შედეგების შესახებ. აღნიშნული ანგარიშის განხილვის შემდეგ ევროპის საბჭოს საპარლამენტო ასამბლეამ მიიღო რეზოლუცია № 1916 „საქართველო და რუსეთი: ჰუმანიტარული სიტუაცია ომისგან დაზარალებულ რეგიონებში“. რეზოლუცია ყურადღებას ამახვილებს ოკუპირებულ რეგიონებში ადამიანის უფლებების დაცვის კუთხით არსებულ მძიმე მდგომარეობაზე. დოკუმენტი მოუწოდებს რუსულ მხარეს, უპირობოდ შეასრულოს 2008 წლის 12 აგვისტოს შეთანხმებით აღებული ვალდებულებები. აღსანიშნავია, რომ მსგავსი ჩანაწერი ევროპის საბჭოს ჰუმანიტარული სახის რეზოლუციებში პირველად დაფიქსირდა. რეზოლუციაში ასამბლეა ხაზს უსვამს, რომ იძულებით გადაადგილებულ პირთა უსაფრთხო და ღირსეული დაბრუნების უფლება დღემდე დიდწილად უგულებელყოფილია და მოუწოდებს მხარეებს, უზრუნველყონ ევროკავშირის მონიტორინგის მისიის (EUMM) საქმიანობა ოკუპირებულ ტერიტორიებზე, ადმინისტრაციულ საზღვარზე გადაადგილების თავისუფლება, დაიცვან გალისა და ახალგორის რაიონებში მცხოვრებთა უფლება, მიიღონ განათლება მშობლიურ ენაზე.

ევროპის საბჭოს საპარლამენტო ასამბლეამ 1 ოქტომბერს მიიღო რეზოლუცია ევროპის საბჭოს წევრი ქვეყნების მიერ ვალდებულებების შესრულებასთან დაკავშირებით. რეზოლუციაში დადებითად არის შეფასებული საქართველოს მიერ ევროპის საბჭოში განწერიანებისას აღებული ვალდებულებების შესრულებისთვის გადადგმული ნაბიჯები, 2012 წლის საპარლამენტო არჩევნების შედეგად ქვეყანაში ხელისუფლების მშვიდობიანი,

ევროპის საბჭოს გენერალური მდივნის მეექვსე (14 ნოემბერი, 2012) და მეშვიდე (29 მაისი, 2013) კონსოლიდირებული ანგარიშები საქართველოში კონფლიქტთან დაკავშირებით

ანგარიშებში განსაკუთრებული აქცენტი გაკეთდა საქართველოს ოკუპირებულ ტერიტორიებზე ადამიანის უფლებების კუთხით არსებულ რთულ მდგომარეობაზე. ევროსაბჭოს მინისტრთა მოადგილეების კომიტეტის სხდომაზე ანგარიშებს მიესალმნენ ეევროკავშირი და მისი წევრი ქვეყნები და გამოხატეს მტკიცე მხარდაჭერა საქართველოს დამოუკიდებლობის, სუვერენიტეტისა და საერთაშორისოდ აღიარებულ საზღვრებში ტერიტორიული მთლიანობის მიმართ. ევროკავშირმა მოუწოდა რუსეთის ფედერაციას, შეასრულოს საერთაშორისო ვალდებულებები, მათ შორის, 12 აგვისტოს ექვსპუნქტიანი ხელშეკრულება და უზრუნველყოს ევროკავშირის სადამკვირვებლო მისიის შესვლა საქართველოს ოკუპირებულ რეგიონებში. ევროკავშირმა შეშფოთება გამოთქვა აფხაზეთში, საქართველო და ცხინვალის რეგიონში/სამხრეთ ოსეთი, საქართველო ადამიანის უფლებათა დაცვის კუთხით მდგომარეობის გამო, ასევე ყურადღება გაამახვილა ოკუპირებულ ტერიტორიებზე დევნილთა უსაფრთხო და ღირსეული დაბრუნების აუცილებლობაზე.

კონსტიტუციური გზით გადაცემა და რეალურად პლურალისტური და დემოკრატიული გარემოს შექმნა. დოკუმენტში ევროპის საბჭოს საპარლამენტო ასამბლეა გამოხატავს შეშფოთებას რუსეთის ფედერაციის მიერ რუსეთ-საქართველოს ომთან დაკავშირებული რეზოლუციების (რეზოლუცია 1633 (2008), რეზოლუცია 1647 (2009) და რეზოლუცია 1683 (2009)) შეუსრულებლობასთან დაკავშირებით.

საქართველოსთან ევროპის საბჭოს სამოქმედო გეგმა

2013 წელს, საქართველოს სახელმწიფო უწყებებთან თანამშრომლობით ევროპის საბჭომ შეიმუშავა საქართველოსთან სამოქმედო გეგმა. დოკუმენტი მოიცავს ევროპის საბჭოს მიერ 2013-2015 წლებში საქართველოში განსახორციელებელ პროექტებს, რომელთა მიზანია საქართველოს ხელისუფლებასთან თანამშრომლობა ადამიანის უფლებების დაცვის, დემოკრატიისა და კანონის უზენაესობის განმტკიცების მიმართულებებით.

IV. ეკონომიკური დიპლომატია და კეთილდღეობა



ეკონომიკური დიპლომატია

ეკონომიკური დიპლომატია წარმოადგენს საქართველოს მთავრობის უმნიშვნელოვანეს ინსტრუმენტს, რომლის მიზანი გლობალიზაციის პროცესის თანმდევი პოზიტიური ტენდენციებისგან მაქსიმალური სარგებლის მიღება და ამავდროულად ამ პროცესებისთვის დამახასიათებელი გამოწვევებისაგან მოსახლეობისა და ბიზნესის დაცვაა.

ქვეყნის კონკურენტუნარიანობის გაძლიერების, უცხოური ინვესტიციების მოზიდვის, ქართული ექსპორტის ზრდის, საქართველოში დამატებითი სამუშაო ადგილების შექმნის და სოციალური კეთილდღეობის ამაღლების ხელშეწყობა, სავაჭრო - ეკონომიკური და ფინანსური პროფილის საერთაშორისო და რეგიონულ ორგანიზაციებში აქტიური მუშაობა საქართველოს საგარეო პოლიტიკური უწყების ეკონომიკური განზომილების პრიორიტეტია.

თანამშრომლობა საერთაშორისო ორგანიზაციების ფარგლებში

2013 წლის განმავლობაში გლობალურ ეკონომიკურ, სოციალურ და ეკოლოგიურ პროცესებში ჩართულობა, მრავალმხრივ ფორმატებში ქვეყნის ეკონომიკური ინტერესების დაცვა, მიმდინარე რეფორმებისათვის საჭირო ფინანსური და ინტელექტუალური რესურსების მოზიდვა ასზე მეტ საერთაშორისო ორგანიზაციისა და მრავალმხრივი კონვენციების ფარგლებში თანამშრომლობის გზით ხორციელდებოდა. გრძელდებოდა მუშაობა გაეროს განვითარების პროგრამასთან (UNDP) ათასწლეულის განვითარების მიზნების (MDG) ფარგლებში ეროვნული ინდიკატორების გაუმჯობესების მიმართულებით. ამ მხრივ მიღწეული პროგრესი 25 სექტემბერს გაეროს გენერალური ასამბლეის ფარგლებში საქართველოს საგარეო საქმეთა მინისტრის მოხსენებაში აისახა. 15-17 მაისს გაერო-ს გენერალურის მდივნის მოადგილის, გაეროს ევროპული ეკონომიკური კომისიის (UNECE) აღმასრულებელი მდივნის სვენ ალკალაის საქართველოში ოფიციალური ვიზიტისას განხილულ იქნა გაეროს ევროპულ ეკონომიკურ კომისიასთან თანამშრომლობის გზები გარემოს დაცვისა და მდგრადი განვითარების საკითხებში; აპრილში ქ. ბათუმში გამართულ ევროპის ბიომრავალფეროვნების მე-6 კონფერენციაზე საქართველო ამ მიმართულებით რეგიონალურ ლიდერად და სამაგალითო ქვეყნად დასახელდა.

საგარეო საქმეთა სამინისტრო იმავდროულად განაგრძობდა მნიშვნელოვან საერთაშორისო ღონისძიებებში საქართველოს სამინისტროებისა და უწყებების ხელმძღვანელ პირთა მონაწილეობის ხელშეწყობას.

28 თებერვალს საქართველოს ფინანსთა მინისტრის ნოდარ ხადურის ეკონომიკური თანამშრომლობისა და განვითარების ორგანიზაციის (OECD) ხელმძღვანელობასთან შეხვედრებზე საქართველოსთვის რისკების კლასიფიკაციის მაჩვენებლების გაუმჯობესების საკითხი დაისვა. სექტემბერში გამართულ OECD-ს გარემოსდაცვითი სამოქმედო პროგრამის მიზნობრივი ჯგუფის (EAP Task Force) ყოველწლიურ შეხვედრაზე საქართველოს გარემოსა და ბუნებრივი რესურსების დაცვის მინისტრის პირველი მოადგილე ნინო შარაშიძე აღნიშნული ჯგუფის ბიუროს თანათავმჯდომარედ აირჩიეს. ხელი მოეწერა მინამატას კონვენციას ვერცხლისწყლის შესახებ, რომელიც ვერცხლისწყლისა და მისი ნაერთების მავნე ზემოქმედებისგან ადამიანის ჯანმრთელობისა და გარემოს დაცვას ითვალისწინებს. გრძელდებოდა მუშაობა მსოფლიო ბუნების ორგანიზაციის (WNO) დაფუძნებისა და საქართველოს საერთაშორისო ჰიდროგრაფიულ ორგანიზაციაში (IHO) განვერიანების საკითხებზე.

ექსპერტთა დონეზე სამუშაო ჯგუფების, სემინარების, და სხვა ფორმატების საშუალებით საქართველო აქტიურად მონაწილეობდა საერთაშორისო ტელეკომუნიკაციების გაერთიანების (ITU), სტანდარტების საერთაშორისო ორგანიზაციის (ISO), ჯანდაცვის მსოფლიო ორგანიზაციის (WHO), მსოფლიო მეტეოროლოგიური ორგანიზაციის (WMO), ინტელექტუალური საკუთრების დაცვის მსოფლიო ორგანიზაციის (WIPO), აივ/შიდსთან, ტუბერკულოზთან და მალარიასთან ბრძოლის გლობალური ფონდის (GFATM), საერთაშორისო საზღვაო ორგანიზაციის (IMO), გაეროს ვაჭრობისა და განვითარების კონფერენციის (წNწAD), გაეროს ეკონომიკურ და სოციალურ საბჭოს (UNECOSOC), გაეროს ინდუსტრიული განვითარების ორგანიზაციის (UNIDO), აზიისა და წყნარი ოკეანეთისათვის გაეროს ეკონომიკური და სოციალური კომისიის (UNESCAP) და სხვა ორგანიზაციებისა და კონვენციების მუშაობაში.

აქტიურად წარიმართა და წარმატებით დასრულდა მუშაობა 2014 წლის 1 იანვრიდან საქართველოსთვის ევროკავშირის პრეფერენციების ზოგადი რეჟიმის GSP+ გაგრძელების მიზნით.

22 ნოემბერს ქ. ბრიუსელში ევროკომისიის უსაფრთხო ზღვებისა და გემებისაგან მიყენებული დაბინძურების პრევენციის კომიტეტის (COSS) დახურულ სხდომაზე მიღებულ იქნა გადაწყვეტილება საქართველოს ეკონომიკისა და მდგრადი განვითარების სამინისტროს საზღვაო ტრანსპორტის სააგენტოს მიერ ქართველ მეზღვაურებზე გაცემული დიპლომების (Certificates of Competency) ხელახალ აღიარებასთან დაკავშირებით (შენიშვნა: ხსენებული დოკუმენტების აღიარება შეჩერებული იყო 2010 წლის ნოემბრიდან, ევროპის საზღვაო უსაფრთხოების სააგენტოს (EMSA) მიერ საქართველოს საზღვაო სასწავლო დაწესებულებებში ჩატარებული აუდიტის უარყოფითი დასკვნის გამო).

ინვესტიციების მოზიდვისა და ექსპორტის ხელშეწყობის მიზნით გაატარებული ღონისძიებები

უცხოური ინვესტიციების მოზიდვისა და სავაჭრო ურთიერთობების გაღრმავების მიზნით სამინისტრომ ორგანიზება გაუწია ორმხრივი ბიზნეს-ფორუმების გამართვას და ცალკეული დაინტერესებული უცხოური კომპანიების წარმომადგენლებთან შეხვედრებს გერმანიიდან, სლოვაკეთიდან, პორტუგალიიდან, ჩეხეთიდან, ეგვიპტედან, იორდანიიდან, ინდოეთიდან, ბრაზილიიდან, თურქეთიდან და სხვა ქვეყნებიდან.

2013 წლის განმავლობაში საქართველოში გაიმართა საქართველო-სლოვაკეთის (8 აპრილი), საქართველო-ჩეხეთის (10 აპრილი), საქართველო-ჩინეთის (23 აპრილი), საქართველო-უკრაინის (26 აპრილი), საქართველო-შვედეთის (27 სექტემბერს) ბიზნეს ფორუმები. ჩატარდა ორმხრივი მთავრობათაშორისი ეკონომიკური კომისიის სხდომები ავსტრიასთან (22 მაისი, ქ. თბილისი), პოლონეთთან (3 ივნისი, ქ. თბილისი), უკრაინასთან (24-25 ივნისი, ქ. თბილისი), ყაზახეთთან (10-11 ივნისი ქ. ასტანა), უნგრეთთან (10-11 დეკემბერი ქ. ბუდაპეშტი). გადაწყდა ეკონომიკური კომისიების ჩამოყალიბება ჩეხეთთან, ისრაელის სახელმწიფოსთან, ლიტვისა და ლატვიის რესპუბლიკასთან და თანამშრომლობის ერთობლივი კომიტეტის შექმნა ქუვეითის სახელმწიფოსთან.

ეკონომიკური საქმიანობის ეფექტურობის კიდევ უფრო ამაღლების მიზნით მომზადდა და საზღვარგარეთ საქართველოს დიპლომატიურ მისიებში დაიგზავნა დოკუმენტი, რომელშიც განვიხილავთ რეკომენდაციები საზღვარგარეთის ქვეყნებში ეკონომიკური დიპლომატიის რეალიზაციასთან დაკავ-

შირებით ახლებური ხედვებისა და თანამედროვე მიდგომების შესახებ.

გატარდა ღონისღონისძიებები ერთი მხრივ, საგარეო საქმერეო სამინისტროს ცენტრალურ აპარატსა და საელჩოებს, ხოლო მეორე მხრივ, ეკონომიკის სამინისტროსა და მის სააგენტოებს, ასევე შესაბამის დარგობრივ სამინისტროებსა და უწყებებს შორის ინფორმაციის ურთიერთგაცვლის ოპტიმიზაციის მიზნით. განხორციელდა იმ სახის ღონისძიებების იდენტიფიცირება, რომლებმაც, ხსენებულ უწყებებს შორის ურთიერთსასარგებლო ინფორმაციების გაცვლა და ამ უწყებების შესაბამისი ინფორმაციებით აღჭურვა უნდა უზრუნველყონ.

მნიშვნელოვანი სამუშაო ჩატარდა საზღვარგარეთის დაინტერესებული კომერციული ორგანიზაციების მხრიდან საქართველოში საქმიანობის დაწყებასთან დაკავშირებით გამოთქმული ინტერესების აღწერის, საქართველოს შესაბამის უწყებებთან დაკავშირების და ურთიერთდაინტერესების შემთხვევაში თანამშრომლობის პერსპექტივების რეალიზაციის ხელშეწყობის მიმართულებებით.

ენერგეტიკული უსაფრთხოება



გასულ წელს გაგრძელდა მუშაობა ქვეყნის ენერგეტიკული უსაფრთხოებისა და ევროპაში ნავთობისა და გაზის მიწოდების წყაროების დივერსიფიკაციისკენ მიმართული პროექტების მხარდაჭერის კუთხით. სამხრეთის დერეფნის პარალელურად დიდი მნიშვნელობა ენიჭება რეგიონში ისეთი მსხვილმასშტაბიანი პროექტების განხორციელებას, როგორებიცაა თეთრი ნაკადი, ევრაზიული ნავთობის სატრანსპორტო დერეფანი ("Euro-Asian Oil Transportation Corridor" (EAOTC), თხევადი ბუნებრივი აირის ტრანსპორტირების აზერბაიჯანი-საქართველო-რუმინეთის დამაკავშირებელი პროექტი (AGRI). გრძელდებოდა კონსულტაციები ამ თანამშრომლობაში ყაზახეთის უფრო აქტიური ჩართვის შესაძლებლობებთან და თურქმენეთიდან ევროპაში საქართველოს გავლით ბუნებრივი აირის ტრანსპორტირების პერსპექტივებთან დაკავშირებით.

28 ივნისს შაჰ-დენიზის კონსორციუმის მიერ მიღებულ იქნა გადაწყვეტილება შაჰ-დენიზის საბადოებიდან კასპიის ბუნებრივი აირის საქართველოსა და თურქეთის გავლით ევროპისთვის მისაწოდებლად ტრანსადრიატიკული მილსადენის (TAP) შერჩევის შესახებ. 10 სექტემბერს ქალაქ კიევში ევრაზიული ნავთობის სატრანსპორტო დერეფნის პროექტის ("Euro-Asian Oil Transportation Corridor" (EAOTC) მონაწილე ქვეყნების ექსპერტთა კონსულტაციები გაიმართა.

ევროკომისიამ თეთრი ნაკადი და აზერბაიჯანი-საქართველო-რუმინეთის დამაკავშირებელი პროექტის (AGRI) იმ 248 პრიორიტეტული ენერგეტიკული პროექტების ნუსხაში შეიყვანა, რომლებსაც საერთო ინტერესის მქონე პროექტის სტატუსი უნდა მიენიჭოთ. ეს კი ამ პროექტებს აძლევს შესაძლებლობას, მოიპოვონ დაფინანსება ევროკავშირის საფინანსო ინსტრუმენტის ფარგლებში. 2014-2020 წლებისთვის შესაბამისი ბიუჯეტი 5.85 მილიარდ ევროს შეადგენს.

საქართველო რეგიონულ და საერთაშორისო ინფრასტრუქტურულ პროექტებში

საქართველო რეგიონულ და საერთაშორისო ინფრასტრუქტურულ პროექტებში წლის განმავლობაში აქტიური მუშაობა მიმდინარეობდა ტრანსპორტის სფეროში სხვადასხვა მნიშვნელოვანი საერთაშორისო ღონისძიებების საქართველოში ორგანიზების ხელშეწყობისა და საზღვარგარეთ გამართულ მსგავს ფორუმებში ქართული მხარის მონაწილეობის უზრუნველყოფის მიზნით. 14 მაისს, საქართველოს ეკონომიკისა და მდგრადი განვითარების სამინისტროს, საერთაშორისო საავტომობილო კავშირისა (IRU) და საქართველოს საერთაშორისო საავტომობილო გადამზიდავთა ასოციაციის (GIRCA) მხარდაჭერით ქალაქ თბილისში “სამოდერნო გზატკეცილის ინიციატივა ბაქო - თბილისი - ბათუმი - ტრაპზონის” (MHI BTBT) პროექტის სამუშაო ჯგუფის პირველი შეხვედრა გაიმართა.

27 ივნისს, ქალაქ ყარსში სარკინიგზო მაგისტრალი „ბაქო-თბილისი-ყარსის“ პროექტის ფარგლებში, გაიმართა სამმხრივი (საქართველო, აზერბაიჯანი, თურქეთი) საკოორდინაციო საბჭოს მე-6 შეხვედრა (მინისტრების დონეზე). აღნიშნულ შეხვედრაზე მხარეებმა მიიღეს შესაბამისი ოქმი და, ამავდროულად, განხორციელდა თურქეთის რესპუბლიკის ტერიტორიაზე სარკინიგზო მაგისტრალის ერთ-ერთ მშენებარე მონაკვეთზე (სოფ. მეზრა/ყარსი) პირველი ლიანდაგის დაგების საზეიმო ცერემონია. სამმხრივი საკოორდინაციო საბჭოს სხდომის პარალელურად შედგა ახალი სარკინიგზო ხაზის „მარაბდა-კარნახის“ რეაბილიტაციის, რეკონსტრუქციისა და მშენებლობის საკითხებზე მომუშავე ქართულ-აზერბაიჯანული საკოორდინაციო საბჭოს მე-17 სხდომა.

2013 წლის 11-12 ივნისს ქალაქ რიგაში გაიმართა მაღალი დონის კონფერენცია „Arteries Connecting the Heart of Asia to the Global World“, რომელზეც გაიმართა დისკუსია 2014 წლის შემდეგ პოლიტიკურ სიტუაციაზე ავღანეთში, რეგიონული ძალების როლზე რეგიონულ და გლობალური ინტეგრაციის საკითხში, ლოჯისტიკისა და ტრანსპორტირების ინდუსტრიის გამომწვევებზე.

9 ოქტომბერს აღმოსავლეთ პარტნიორობის წევრი ქვეყნების ტრანსპორტის მინისტრთა შეხვედრაზე ქალაქ ლუქსემბურგში დამტკიცდა ინფრასტრუქტურული პროექტების ნუსხა, რაც ევროკავშირისა და საერთაშორისო ფინანსური ინსტიტუტებიდან (EIB, EBRD, WB) ფინანსური რესურსების მოზიდვის კუთხით მნიშვნელოვან საფუძველს ქმნის. სწორედ ამ პროექტების განხორციელება გახდება ტრანს-ევროპულ სატრანსპორტო ქსელში (TEN-T) საქართველოს სრულფასოვანი ინტეგრაციის საფუძველი.

V. კულტურული დიპლომატია

კულტურული დიპლომატია, როგორც ქვეყნის საგარეო პოლიტიკური ამოცანების განხორციელების ერთ-ერთი ქმედითი ინსტრუმენტი და ქვეყნებსა და ხალხებს შორის ურთიერთგაგებისა და ცნობადობის ამაღლების ხელშეწყობი ფაქტორი, სულ უფრო მზარდ დატვირთვას იძენს თანამედროვე საერთაშორისო ურთიერთობებში. საქართველოს კულტურისა და ინტელექტუალური პოტენციალის წარმოჩენა ჩვენი ქვეყნის საგარეო პოლიტიკის ერთ-ერთი მიმართულებაა, რომელიც მსოფლიოსათვის საქართველოს გაცნობას ემსახურება.

ეფექტური საგარეო პოლიტიკის წარმართვაში კულტურის კომპონენტის ადეკვატური გამოყენების აუცილებლობის გათვალისწინებით, 2013 წელს საგარეო საქმეთა სამინისტროში საერთაშორისო კულტურულ და ჰუმანიტარულ ურთიერთობათა დეპარტამენტი შეიქმნა.

საზღვარგარეთ ქართული კულტურის პოპულარიზაცია

სამინისტროს ხელშეწყობით 2013 წელს საზღვარგარეთ და საქართველოში რიგი მასშტაბური ღონისძიებები ჩატარდა, რომელთაგან აღსანიშნავია:

ესტონეთის კუნძულ საარემააზე ტრადიციული საოპერო ფესტივალის ფარგლებში პირველად გაიმართა ქართული ოპერის დღეები, რომელშიც მონაწილეობა მიიღეს თბილისის, ქუთაისისა და ბათუმის საოპერო თეატრებმა. ღონისძიებას ოც ათასზე მეტი მაყურებელი დაესწრო როგორც ესტონეთიდან, ასევე ბალტიისპირეთისა და სკანდინავიის ქვეყნებიდან და რუსეთიდან.

საქართველო პოლონეთთან ერთად, საგანგებო პროგრამით „Vienna Duet“ წარდგა ვენის თანამედროვე ხელოვნების გამოფენა Viennafair-ზე. საქართველოს სტენდი საზეიმოდ გახსნა საქართველოს საგარეო საქმეთა მინისტრმა მაია ფანჯიკიძემ.



ნოემბერ-დეკემბერში ევროკავშირის „აღმოსავლეთ პარტნიორობის“ სამიტთან დაკავშირებით, ლიტვის დედაქალაქ ვილნიუსში საქართველო წარდგა მრავალფეროვანი კულტურული პროგრამით „ქართული ხელოვნება ვილნიუსში“. პროგრამის ფარგლებში ქართველი მუსიკოსების, მხატვრებისა და კინოხელოვნების მონაწილეობით არაერთი საინტერესო ღონისძიება მოეწყო. მათ შორის, თვითნასწავლი ფოტოგრაფის შალვა ალხანაიძის ნამუშევრების ექსპოზიცია. ქართული კულტურული მემკვიდრეობის საგანძურიდან კი გამოიფინა ძვ.წ. I ათასწლეულის ბრინჯაოს სამი ექსპონატი. გაიმართა საქართველო-ესტონეთის ერთობლივი ფილმის „მანდარინების“ ჩვენება.

27-28 ივნისს თბილისში ჩატარდა „აღმოსავლეთ პარტნიორობის“ მინისტრიალი კულტურის საკითხებზე. განათლების, კულტურის, მულტილინგუალიზმის, ახალგაზრდობისა და სპორტის საკითხებში ევროკომისიის ანდრულა ვასილიუს მონაწილეობით. მინისტრიალზე მიღებულ იქნა „თბილისის დეკლარაცია“. დეკლარაცია ეყრდნობა ხედვას, რომელიც ჩამოყალიბებულია 2008 წლის ევროკომისიის კომუნიკაციაში აღმოსავლეთ პარტნიორობის შესახებ, სადაც ევროკავშირი კულტურის სფეროში თანამშრომლობას და კულტურათაშორისი დიალოგს აღიარებს როგორც ევროკავშირის საგარეო პოლიტიკის შემადგენელ ნაწილს და ხაზს უსვამს კულტურის სფეროში თანამშრომლობის მნიშვნელობას პოლიტიკური პროცესების მართვისა და გამოწვევების დაძლევაში.

2013 წლის 9 დეკემბერს ქ.ბერლინში ჩატარდა ქართულ-გერმანული შერეული კომისიის მეოთხე სხდომა, რომელზეც განხილულ იქნა ორ ქვეყანას შორის კულტურის, განათლებისა და მეცნიერების სფეროში თანამშრომლობის სრული სპექტრი-გერმანიაში ქართული ენისა და საქართველოში გერმანული ენის ხელშეწყობის, აკადემიური და სამეცნიერო ურთიერთობების, კულტურის, კულტურული მემკვიდრეობის და მუზეუმებს შორის თანამშრომლობის საკითხები, დაიგეგმა სამომავლო ერთობლივი პროექტების განხორციელება. ამ ფორმატის შეხვედრა 2003 წლის შემდეგ პირველად გაიმართა. კომისიის მუშაობის შედეგები ასახულ იქნა მხარეების მიერ გაფორმებულ ოქმში. მხარეები შეთანხმდნენ, რომ შემდეგი შერეული კომისიის სხდომა გაიმართება 2015 წელს ქ.თბილისში. ღონისძიების ფარგლებში მოენყო საქართველოს ეროვნული მუზეუმისა და პრუსიის კულტურული მემკვიდრეობის ფონდის ერთობლივი გამოცემის პრეზენტაცია - „გერმანელები და ქართველები შუა საუკუნეებიდან დღემდე.“

2013 წელს საგარეო საქმეთა სამინისტროს ხელშეწყობით განხორციელებული სხვა მნიშვნელოვანი ღონისძიებები

- 1 მაისი - შვეიცარიის კონფედერაციის, ავსტრიის რესპუბლიკის და გერმანიის ფედერაციული რესპუბლიკის საელჩოების ერთობლივი ღონისძიება - „სამი ქვეყანა - ერთი ენა“
- 29-30 მაისი - ფრანკოფონიის საერთაშორისო ორგანიზაციის პროგრამის „ფრანგული ენა საჯარო სამსახურსა და დიპლომატიაში“ მოსამზადებელი მისია
- 31 მაისი - ღონისძიება ბავშვთა დაცვის საერთაშორისო დღესთან დაკავშირებით, „ღია კარის დღე: ტური - ვეცნობით ევროპას“
- 3 აგვისტო- ქართული ანსამბლების „ბათუმი“-ს და „რუსთავი“-ს კონცერტი ჩინეთში საქართველოს კულტურის დღეების ფარგლებში
- 7-10 აგვისტო - გურამ ნიზახაშვილის და სოფიო ტაბატაძის ფოტოების გამოფენა და თათია სხირტლაძის ინსტალაციის წარმოდგენა ფესტივალზე „ტრანსკავკასია“ (ავსტრია)
- 19 სექტემბერი - ქართველი მხატვრის გია გუგუშვილის პერსონალური გამოფენა, ქ.ვენა, ავსტრია
- 26 სექტემბერი - 2 ოქტომბერი -მესამე კინო-ფესტივალი „კინოში ასახული ცხოვრება“, ქ.ლონდონი, დიდი ბრიტანეთი
- 28 სექტემბერი - ენების ევროპულ დღის აღნიშვნა საგარეო საქმეთა სამინისტროსა და საქართველოში ევროკავშირის წარმომადგენლობის მხარდაჭერით
- 10 ოქტომბერი -ავსტრიის ეროვნულ ბიბლიოთეკაში დაცული X-XVI საუკუნეების ქართული ხელნაწერები ბიბლიოთეკის ისტორიულ ცენტრალურ დარბაზში გამოფენა.

დიპლომატიური ურთიერთობების დამყარების 20 წლისთავთან დაკავშირებული ღონისძიებები

- 12 ივნისი - 1 ივლისი - თურქეთის რესპუბლიკასა და საქართველოს შორის დიპლომატიური ურთიერთობების 20 წლის იუბილესთან დაკავშირებით თურქეთის კულტურის დღეები.
- საქართველოსა და ლატვიას შორის დიპლომატიური ურთიერთობების 20 წლის იუბილესთან დაკავშირებით, ფოტოგამოფენა „Latvia from the Bird's-eye-View“ საქართველოს საგარეო საქმეთა სამინისტროში და ქართულ-ლატვიური საფოსტო მარკების პრეზენტაცია.
- არგენტინასა და საქართველოს შორის დიპლომატიური ურთიერთობების დამყარების 20 წლისთავთან დაკავშირებით პატაგონიის კულტურული ფონდის სიმეზიანი კვარტეტის კონცერტი და მიღება ქართული ღვინის დეგუსტაციით არგენტინის საგარეო საქმეთა სამინისტროში.

სამინისტრო თავისი კომპეტენციის ფარგლებში ხელს უწყობს საზღვარგარეთ არსებული ქართული კულტურული მემკვიდრეობის ძეგლების დაცვას.

თანამშრომლობა აზერბაიჯანის რესპუბლიკასთან

მიმდინარეობს მუშაობა კულტურული მემკვიდრეობის ძეგლის „წითელი ხიდის“ რეაბილიტაციის საკითხზე.

თანამშრომლობა თურქეთის რესპუბლიკასთან



ოშკისა და იშხნის მონასტრების მდგომარეობის ადგილზე შესწავლის მიზნით თურქეთში ქართველ სპეციალისტთა ჯგუფის ხუთი ვიზიტი შედგა. ქართულმა დელეგაციამ მოინახულა ოშკისა და იშხნის მონასტრები და იშხნის მონასტერზე მიმდინარე სამუშაო პროცესი შეაფასა. ასევე თურქულ მხარეს გადაეცა ქართული მხარის შენიშვნები და რეკომენდაციები იშხნის მონასტრის სარეაბილიტაციო სამუშაოებთან დაკავშირებით.

თანამშრომლობა კვიპროსის რესპუბლიკასთან

მიღწეული იქნა შეთანხმება კვიპროსის რესპუბლიკის დაბა ლალიაში მდებარე მეათე საუკუნის ღვთისმშობლის სახელობის ქართული მონასტრის არქეოლოგიური სივრცის გადახურვასთან დაკავშირებით. საქართველოს მთავრობის მიერ დაფინანსებული სამუშაოები უკვე დასრულებულია. ამჟამად მიმდინარეობს ისტორიული ძეგლის ტერიტორიის დასუფთავებისა და კეთილმოწყობის სამუშაოები.

თანამშრომლობა სომხეთის რესპუბლიკასთან

ხელი მოეწერა „2013-2015 წლებისათვის საქართველოს კულტურისა და ძეგლთა დაცვის სამინისტროსა და სომხეთის რესპუბლიკის კულტურის სამინისტროს შორის თანამშრომლობის პროგრამას.“ 2014 წელს დაგეგმილია ჩრდილოეთ სომხეთსა და სამხრეთ საქართველოს ტერიტორიებზე ძეგლების ერთობლივი პასპორტიზაცია. შედგა ქართველ და სომეხ ექსპერტთა რამოდენიმე გაცვლითი ვიზიტი და სამუშაო შეხვედრა.

საქართველო UNESCO-ს თანამშრომლობა

მრავალმხრივი კულტურული და ჰუმანიტარული თანამშრომლობის ხელშეწყობის კუთხით გაეროს განათლების, მეცნიერებისა და კულტურის ორგანიზაციასთან (UNESCO) თანამშრომლობას განსაკუთრებული როლი ეკისრება.

საქართველოს მონაწილეობა UNESCO-ს ღონისძიებებში წლის განმავლობაში

- 30 აპრილი - UNESCO-ს ჯაზის საერთაშორისო დღისადმი მიძღვნილი კონცერტი საგარეო საქმეთა სამინისტროს, იუნესკოს საქმეთა ეროვნული კომისიის, საქართველოს კულტურისა და ძეგლთა დაცვის სამინისტროს, თბილისის მერიის და ამერიკის შეერთებული შტატების საელჩოს მხარდაჭერით
- 16-27 ივნისი - მსოფლიო მემკვიდრეობის კომიტეტის 37-ე სესია
- 5-20 ნოემბერი - UNESCO-ს გენერალური კონფერენციის 37-ე სესია
- 19-21 ნოემბერი - UNESCO-ს მსოფლიო მემკვიდრეობის დაცვის კონვენციის წევრი ქვეყნების მე-19 გენერალური ასამბლეა;
- 2-7 დეკემბერი UNESCO-ს არამატერიალური კულტურული მემკვიდრეობის მთავრობათაშორისი კომიტეტის მე-8 სესია.
- 16-19 დეკემბერი - საომარი მოქმედების დროს კულტურული ფასეულობების დაცვის 1954 წლის ჰააგის კონვენციის წევრი ქვეყნების მე-10 შეხვედრა, კონვენციის მე-2 ოქმის წევრი ქვეყნების მე-5 შეხვედრა და საომარი მოქმედების დროს კულტურული ფასეულობების დაცვის კომიტეტის მე-8 სესია.

UNESCO-ს გენერალური კონფერენციის 37-ე სესია

2013 წლის განმავლობაში საქართველომ მონაწილეობა UNESCO-ს არაერთ ღონისძიებაში მიიღო, მათ შორის, ორგანიზაციის მთავარი ღონისძიების - გენერალური კონფერენციის 37-ე სესიის - მუშაობაშიც. საქართველოს დელეგაციის წევრები სესიის ფარგლებში გამართულ სხდომებში მონაწილეობდნენ, ხოლო დელეგაციის ხელმძღვანელი საგარეო საქმეთა მინისტრი მაია ფანჯიკიძე გენერალური კონფერენციის 37-ე სესიის პლენარულ სხდომაზე სიტყვით გამოვიდა. თავის გამოსვლაში მაია ფანჯიკიძემ წარმოადგინა საქართველოს პოზიციები და ხედვები UNESCO-ს პრიორიტეტებსა და ორგანიზაციის სტრატეგიული დოკუმენტით გათვალისწინებულ ამოცანებთან მიმართებაში, ასევე ხაზი გაესვა საქართველოს ოკუპირებულ ტერიტორიებზე არსებული კულტურული მემკვიდრეობის პრობლემატიკას.

საქართველოს ოკუპირებულ ტერიტორიებზე არსებული კულტურული მემკვიდრეობის საკითხი საქართველო-UNESCO-ს თანამშრომლობის ერთ-ერთ აქტუალურ მიმართულებას წარმოადგენს, საქართველო რეგულარულად აყენებს UNESCO-ს ფორმატში საქართველოს ოკუპირებულ ტერიტორიებზე

არსებული კულტურული მემკვიდრეობის მდგომარეობის შეფასების მიზნით UNESCO-ს ექსპერტთა მისიის მივლინების საკითხს. ამ საკითხმა კვლავ გაიჟღერა UNESCO-ს გენერალურ დირექტორ ირინა ბოკოვასთან საგარეო საქმეთა მინისტრის შეხვედრის დროს, რომელიც გაიმართა გენერალური კონფერენციის 37-ე სესიის ფარგლებში. საკითხთან დაკავშირებით საქართველო აგრძელებს კონსულტაციებს ორგანიზაციასთან.



საქართველოს-UNESCO. მნიშვნელოვანი მიღწევები

„ქვევრის ღვინის დაყენების უძველესი ქართული ტრადიციული მეთოდი“ UNESCO-ს არამატერიალური კულტურული მემკვიდრეობის სიაში

UNESCO-ს არამატერიალური კულტურული მემკვიდრეობის დაცვის მთავრობათაშორისმა კომიტეტმა (2-7 დეკემბერი, ქ.ბაქო) ერთხმად მიიღო გადაწყვეტილება საქართველოს მიერ წარდგენილი ნომინაციის „ქვევრის ღვინის დაყენების უძველესი ქართული ტრადიციული მეთოდი“ არამატერიალური კულტურული მემკვიდრეობის წარმომადგენლობით სიაში შეტანის თაობაზე.

ნომინაცია მომზადდა კულტურისა და ძეგლთა დაცვის სამინისტროს, კულტურული მემკვიდრეობის დაცვის ეროვნული სააგენტოს, საგარეო საქმეთა სამინისტროს საქართველოს იუნესკოს საქმეთა კომისიის სამდივნოსა და სხვა დაინტერესებული ორგანიზაციებისა და ექსპერტების მონაწილეობით.

„ქვევრის ღვინის დაყენების უძველესი ქართული ტრადიციული მეთოდი“ UNESCO-ს არამატერიალური კულტურული მემკვიდრეობის სიაში შეტანამ დაადასტურა ამ მეთოდის უნიკალურობა, მსოფლიო მნიშვნელობა და განსაკუთრებული კულტურული და სოციალური ღირებულება



საქართველო ბიოეთიკის მთავრობათაშორის კომიტეტში

გენერალური კონფერენციის 37-ე სესიის ფარგლებში გამართულ არჩევნებზე საქართველო მეორე ვადით (2013-2017) არჩეულ იქნა UNESCO-ს ბიოეთიკის მთავრობათაშორისი კომიტეტის (IGBC) წევრად.

საქართველო შეიარაღებული კონფლიქტების დროს კულტურული ფასეულობების დაცვის ჰააგის კომიტეტში

საქართველო, 4 წლის ვადით, არჩეულ იქნა შეიარაღებული კონფლიქტების დროს კულტურული ფასეულობების დაცვის ჰააგის კომიტეტის წევრად. არჩევნები გაიმართა მ.წ. 17 დეკემბერს, ქ.პარიზში, UNESCO-ს შტაბ-ბინაში, შეიარაღებული კონფლიქტების დროს კულტურული ფასეულობების დაცვის კონფერენციის მე-2 ოქმის წევრი ქვეყნების მე-5 შეხვედრის ფარგლებში. არჩევნებში მონაწილეობა მიიღო მე-2 ოქმის 59 წევრმა სახელმწიფომ, რომელთაგან 41 ქვეყნის დელეგაციამ მხარი დაუჭირა საქართველოს კანდიდატურას

იუბილეების აღნიშვნა UNESCO-ს მონაწილეობით

აქართველო აქტიურად მონაწილეობს პროგრამაში, რომელიც ითვალისწინებს იუნესკოს მონაწილეობას წევრი ქვეყნების ღირსშესანიშნავი თარიღების აღნიშვნაში. ქართული ნომინაცია „აკაკი წერეთლის გარდაცვალების 100 წლისთავი“ დამტკიცდა UNESCO-ს გენერალური კონფერენციის 37-ე სესიის მიერ.

საქართველოს დოკუმენტური მემკვიდრეობა UNESCO-ს რეესტრში

UNESCO-ს გენერალური დირექტორის გადაწყვეტილებით, იუნესკოს „მსოფლიო დოკუმენტურ რეესტრში“ შეტანილ იქნა საქართველოს დოკუმენტური მემკვიდრეობის შემდეგი ნიმუშები:



ვახუშტი ბაგრატიონის „აღწერა სამეფოსა საქართველოსა“ და გეოგრაფიული ატლასი (დაცულია იუსტიციის სამინისტროს ეროვნულ არქივში)
შოთა რუსთაველის პოემის „ვეფხისტყაოსანი“ ხელნაწერთა კოლექცია (დაცულია ხელნაწერთა ეროვნულ ცენტრში)

UNESCO-ს პროგრამების ფარგლებში დამტკიცებული პროექტები

1. „ვეფხისტყაოსნის ბეჭდური გამოცემის 300 წლისთავი“
2. „მივიწყებული ტექნოლოგიების კვალდაკვალ — შუა საუკუნეების ქართული ტიხროვანი მინაწერის დამზადების პროცესის აღდგენა“
3. „თბილისის დეკლარაცია +35 — კონფერენცია გარემოსდაცვით საკითხებზე“
4. საქართველოს იუნესკოს საქმეთა ეროვნული კომისიის ვებ გვერდის შექმნა
5. ეროვნული არქივის მედიათეკის შექმნა
6. „ქალები წარსულში — მაგალითი მომავლისთვის“
7. „სპორტში დოპინგის აღმოფხვრის ხელშეწყობი“ ფონდის მიერ დაფინანსდა პროექტი „დოპინგის და ჯანმრთელობის საფრთხეები საკვები დანამატების გამოყენების დროს და ჯანმრთელი კვების უპირატესობა“

დაფინანსებული პროექტების საერთო თანხამ შეადგინა 100 226 აშშ დოლარი

საკონსულო საქმიანობა

საქართველოს საგარეო საქმეთა სამინისტროს ერთ-ერთ ძირითად ამოცანას წარმოადგენს საკონსულო საქმიანობის ეფექტურად წარმართვა, როგორც საზღვარგარეთ მყოფი საქართველოს მოქალაქეების უფლებების და ინტერესების დაცვის კუთხით, ისე ზოგადად, სახელმწიფოთაშორისი ურთიერთობების განვითარების თვალსაზრისით. აღნიშნული მიზნის მისაღწევად სამინისტრო განსაზღვრავს და შეიმუშავებს საკონსულო პოლიტიკის მიმართულებებს, უზრუნველყოფს საზღვარგარეთ საქართველოს საკონსულო თანამდებობის პირთა საქმიანობის კოორდინაციას, მონიტორინგსა და სტრატეგიულ დაგეგმარებას, საკონსულო ფუნქციების განხორციელების პროცესში საკონსულო თანამდებობის პირთა სამართლებრივ და ტექნიკურ მხარდაჭერას.

მსოფლიოში მიმდინარე გლობალიზაციის პროცესისა და სხვა სუბიექტური ფაქტორების გათვალისწინებით, საზღვარგარეთ მყოფ საქართველოს მოქალაქეთა რაოდენობა მცირე არაა და მათი მიგრირების მარშრუტებიც საკმაოდ მრავალფეროვანია. შესაბამისად, ერთადერთ საშუალებას, რითაც დაცული იქნება მათი უფლებები და ინტერესები და რაც მათ საზღვარგარეთ გარკვეული უფლებების რეალიზაციის სრულფასოვან საშუალებას მისცემს, საქართველოს საკონსულო სამსახურების ოპერატიული და ეფექტური საქმიანობაა. საზღვარგარეთ საკონსულო ფუნქციების ეფექტურად განხორციელების მიზნით გასულ წელს მუშაობა მიმდინარეობდა საკონსულო საქმიანობის მართვის ელექტრონულ სისტემაზე. ამჟამად დასრულდა ამ სისტემის მნიშვნელოვანი მოდულების შექმნა და მოხდა მათი სატესტო რეჟიმში გაშვება. ელექტრონულ სისტემაში ყველაზე მნიშვნელოვან მოდულს მოქალაქეთათვის საკონსულო მომსახურების მოთხოვნის ონლაინ რეგისტრაციის კომპონენტი წარმოადგენს.

საკონსულო საქმიანობის მართვის ელექტრონული სისტემა - საკონსულო მომსახურების მოთხოვნის ონლაინ რეგისტრაცია

აღნიშნული მოდული სრულად გაშვება იგეგმება მომავალი წლისათვის. მოდული საშუალებას მისცემს საქართველოს მოქალაქეებს ონლაინ რეჟიმში გააკეთონ განაცხადი მათთვის სასურველ მომსახურებაზე და, რიგ შემთხვევაში, საკონსულო დანესებულების სტუმრობის გარეშე მიიღონ მათთვის სასურველი მომსახურება; სისტემა საგრძნობლად შეამცირებს საკონსულო სამსახურის მისაღებად არსებულ რიგებს.

აღნიშნული პროექტი განხორციელდა მიგრაციის საერთაშორისო ორგანიზაციის საქართველოს წარმომადგენლობის (IOM) მიერ, ევროკავშირისა და ოთხი წევრი სახელმწიფოს ნიდერლანდების სამეფოს, ბელგიის სამეფოს, პოლონეთის და ჩეხეთის რესპუბლიკების ფინანსური მხარდაჭერით.

ამჟამად მიმდინარეობს მეორე პროექტი „რეადმისიის ეფექტიანი სისტემის ჩამოყალიბების მხარდაჭერა სომხეთში, აზერბაიჯანსა და საქართველოში“, რომელიც, ასევე ხორციელდება მიგრაციის საერთაშორისო ორგანიზაციის საქართველოს წარმომადგენლობის (IOM) მიერ და რომლის ფარგლებშიც უკვე არსებული სისტემის სრულყოფა და დახვეწა მოხდება.

საკონსულო ურთიერთობები

საქართველოს საკონსულო ურთიერთობები დამყარებული აქვს 179 ქვეყანასთან, ხოლო თავის ფუნქცია-მოვალეობებს ახორციელებს 80 საკონსულო თანამდებობის პირი. საზღვარგარეთ საქართველოს მოქალაქეების კონცენტრაციის ადგილებისა და საკონსულო ურთიერთობების პრიორიტეტების გათვალისწინებით, ყოველწლიურად ფართოვდება საკონსულო სამსახურების მოქმედების არეალი და, შესაბამისად, იზრდება საკონსულო თანამდებობის პირთა რაოდენობაც

საანგარიშო წელს გაიხსნა ორი საკონსულო დანესებულება:

- 20 მაისს აზერბაიჯანის რესპუბლიკაში გაიხსნა ქალაქ განჯაში საქართველოს გენერალური საკონსულო;
- 17 მაისს გერმანიის ფედერაციულ რესპუბლიკაში გაიხსნა ქალაქ მაინის ფრანკფურტში საქართველოს გენერალური საკონსულო;

2013 წელს საკონსულო მიმართულებით სხვადასხვა ხასიათის კონსულტაციები და შეხვედრები გაიმართა:

- საკონსულო კონსულტაციები 4-5 ნოემბერს მინსკში საქართველოს და ბელარუსის რესპუბლიკის საგარეო საქმეთა სამინისტროების წარმომადგენლებს შორის;
- საკონსულო კონსულტაციები 20-21 ნოემბერს თბილისში საქართველოსა და აზერბაიჯანის რესპუბლიკის საგარეო საქმეთა სამინისტროების წარმომადგენლებს შორის;
- 20-მდე შეხვედრა საქართველოში აკრედიტებული დიპლომატიური წარმომადგენლობების და საკონსულო დაწესებულებების საკონსულო თანამდებობის პირებთან;

მოქალაქეთა მიმოსვლის გამარტივების მიზნით განხორციელებული ღონისძიებების შედეგად, 2013 წელს ხელი მოეწერა არაერთ ხელშეკრულებას, მათ შორის აღსანიშნავია:

- „საქართველოსა და შვეიცარიას შორის ვიზების გაცემის პროცედურების გამარტივების შესახებ“ შეთანხმება;
- „საქართველოს მთავრობასა და ისრაელის სახელმწიფოს მთავრობას შორის ეროვნული პასპორტების მფლობელთათვის ვიზისგან გათავისუფლების შესახებ“ შეთანხმება.

გასული წლის განმავლობაში, მოქალაქეთა მიმოსვლის გამარტივების კუთხით სამინისტროს მუშაობის ერთ-ერთ უმთავრეს მიმართულებას საქართველოსა და ევროკავშირს შორის სავიზო დიალოგზე გადასვლა წარმოადგენდა. ევროკავშირსა და საქართველოს შორის ვიზების გამარტივებული წესით გაცემისა და უნებართვოდ მცხოვრებ პირთა რეადმისიის შესახებ შეთანხმებების ეფექტური იმპლემენტაცია სავიზო დიალოგის ერთ-ერთი მნიშვნელოვანი კომპონენტია. ქართული მხრიდან საგარეო საქმეთა სამინისტრო წარმოადგენს აღნიშნული შეთანხმებების ფარგლებში შექმნილი ერთობლივი კომიტეტების საქმიანობის კოორდინაციაზე პასუხისმგებელ უწყებას. ერთობლივი კომიტეტი კი, თავის მხრივ, მონიტორინგს უწევს ხელშეკრულებების ეფექტური იმპლემენტაციის მიმდინარეობას. კომიტეტების ფარგლებში ჩატარდა ოთხი შეხვედრა, მათ შორის ბოლო - ბრიუსელში 26-27 თებერვალს.

ივნისში საგარეო საქმეთა სამინისტრომ ევროკავშირსა და საქართველოს შორის რეადმისიის ხელშეკრულების მონაწილე სახელმწიფოებს ოფიციალურად შესთავაზა ქართული მხარის მიერ შექმნილი რეადმისიის მართვის ელექტრონული სისტემის გამოყენება.

სისტემის კონცეფცია მიწოდებულ იქნა ევროკომისიის წარმომადგენლების მხრიდან და შეფასებულ იქნა ამ მიმართულებით ძალზედ პერსპექტიულ და ნოვატორულ ნაბიჯად.

საზღვარგარეთ საქართველოს მოქალაქეთა მიმოსვლის გამარტივების მიზნებისათვის გატარებული ღონისძიებების პარალელურად, სამინისტრო აქტიურად იყო ჩართული საქართველოს მიგრაციის ახალი პოლიტიკის ფორმირების პროცესში. სამინისტროს მონაწილეობით მომზადდა მიგრაციის სტრატეგია 2013-2015 წლებისათვის და შესაბამისი სამოქმედო გეგმა. მიგრაციის საკითხებში სამთავრობო კომისიის ფარგლებში კი ახალი სავიზო პოლიტიკა და შესაბამისი საკანონმდებლო ცვლილებები შემუშავდა.

საზღვარგარეთ საქართველოს მოქალაქეთა საკონსულო მომსახურება და საკონსულო დახმარება

საზღვარგარეთ მყოფი საქართველოს მოქალაქეების უფლებებისა და ინტერესების დაცვა სამინისტროს საქმიანობის ერთ-ერთ უმთავრეს ამოცანას წარმოადგენს. საანგარიშო პერიოდში განხორციელდა 56282 საკონსულო მოქმედება, აქედან საკონსულო დაცვით საქართველოს 6124 მოქალაქემ ისარგებლა.

2013 წელს კვლავ აქტიუალური იყო სხვადასხ-

■ საკონსულო აღრიცხვაზე დადგა საქართველოს 6952 მოქალაქე;

■ პირადობის დამადასტურებელი დოკუმენტებით მოხდა საქართველოს 8688 მოქალაქის უზრუნველყოფა

■ დარეგისტრირდა 5397 სანოტარო აქტი

ვა სახელმწიფოს დროშის ქვეშ მცურავ გემებზე ეკიპაჟის საქართველოს მოქალაქე წევრებისათვის დახმარების გაწევა. აღნიშნული პრობლემების მოგვარების მიზნით ქართული მხარე მუშაობდა როგორც გემთმფლობელ კომპანიებთან, ასევე, ადგილობრივ შესაბამის ოფიციალურ უწყებებთან და „ტრანსპორტის მუშაკთა საერთაშორისო ფედერაციის (სთჰ) წარმომადგენლებთან. დახმარება გაენია საქართველოს მოქალაქე 36 მეზღვაურს, რაც გამოიხატა ჩვენი სახელმწიფოს მხრიდან საქართველოში მათი დაბრუნების მიზნით სამგზავრო ხარჯების ანაზღაურებაში, ხოლო რიგ შემთხვევაში, დამქირავებელი კომპანიების მიერ სახელფასო დავალიანებების მთლიან თუ ნაწილობრივ ანაზღაურებაში.

სირიის არაბთა რესპუბლიკაში მიმდინარე მოვლენებიდან გამომდინარე აგვისტოში, სამინისტროს ძალისხმევით შესაძლებელი გახდა სირიის არაბთა რესპუბლიკაში მყოფი საქართველოს 18 მოქალაქის სამშობლოში დაბრუნება.

ადამიანით ვაჭრობის (ტრეფიკინგის) წინააღმდეგ ბრძოლის საკითხი სამინისტროს საქმიანობის ერთ-ერთი პრიორიტეტული მიმართულებაა. შესაბამისად, 2013 წლის განმავლობაში დიდი ყურადღება დაეთმო არალეგალური მიგრაციის და ადამიანით ვაჭრობის (ტრეფიკინგის) საფრთხეების შესახებ საქართველოს მოქალაქეების ცნობიერების დონის ამაღლებას. ამ მიზნით საქართველოს საგარეო საქმეთა სამინისტროს მიერ, მიგრაციის საერთაშორისო ორგანიზაციის საქართველოს წარმომადგენლობის ფინანსური მხარდაჭერით, შეიქმნა საინფორმაციო ხასიათის ბროშურები, რომელთა გავრცელებაც მოხდა საკონსულო სამსახურების მეშვეობით და საქართველოს სასაზღვრო-გამშვებ პუნქტებზე. განხორციელდა გასვლითი შეხვედრები რისკის მქონე ქვეყნებში აკრედიტებულ საქართველოს საკონსულო სამსახურებში.

VII. ამბასადორიალი

საზღვარგარეთ საქართველოს დიპლომატიური წარმომადგენლობების ხელმძღვანელთა ყოველწლიური შეხვედრა - ამბასადორიალი - ქართული დიპლომატიის ცხოვრებაში ერთ-ერთი უმნიშვნელოვანესი მოვლენაა. ამბასადორიალის მიზანი საქართველოს საგარეო უწყების მიერ მთელი წლის განმავლობაში შესრულებული სამუშაოს შეფასება და მომავალი სამოქმედო გეგმის დასახვაა. ესაა უნიკალური ფორმატის ღონისძიება, სადაც საქართველოს საკანონმდებლო, აღმასრულებელი, სასამართლო ხელისუფლებისა და დიპლომატიური კორპუსის წარმომადგენლებს აზრთა ურთიერთგაცვლისა და შეჯერების შესაძლებლობა აქვთ.

წლევიანდელი ამბასადორიალი, რომელიც 2-4 სექტემბერს გაიმართა, მნიშვნელოვნად განსხვავდებოდა მისი წინამორბედებისგან. პირველ რიგში, უნდა აღინიშნოს, რომ ამბასადორიალის დაწყებამდე ორი დღის განმავლობაში საგარეო საქმეთა მინისტრი პირისპირ შეხვდა საზღვარგარეთ საქართველოს დიპლომატიური წარმომადგენლობებისა და საკონსულო დაწესებულებების თითოეულ ხელმძღვანელს. შეიქმნა პირველი პრეცედენტი, როცა ამბასადორიალის გახსნა ფართო, წარმომადგენლობით ფორმატში ჩატარდა, საქართველოს საკანონმდებლო, აღმასრულებელი და სასამართლო ხელისუფლების უმაღლესი პირებისა და ქ.თბილისში აკრედიტებული დიპლომატიური კორპუსის მონაწილეობით.

ამბასადორიალის გახსნაზე საქართველოს პრემიერ-მინისტრმა ქვეყანაში ბოლო ერთი წლის განმავლობაში განხორციელებული რეფორმებისა და ძირითადი საგარეო პოლიტიკური პრიორიტეტების შესახებ სიტყვით მიმართა დამსწრე საზოგადოებას.

ამასთან, ამბასადორიალში წელს პირველად იღებდნენ მონაწილეობას სხვადასხვა ქვეყნებში საქართველოს ელჩისა და კონსულის თანამდებობაზე დასამტკიცებლად წარდგენილი კანდიდატები. საზღვარგარეთ 2013 წლის ოქტომბრის საპრეზიდენტო არჩევნების ხარვეზების გარეშე ჩატარების უზრუნველყოფის მიზნით, გაიმართა შეხვედრა ცენტრალური საარჩევნო კომისიის ხელმძღვანელობასთან. ასევე, მომხსენებლების სტატუსით წელს პირველად იყვნენ მოწვეული საქართველოს არასამთავრობო სექტორის წარმომადგენლები, რაც მნიშვნელოვანი გახლდათ ხელისუფლებას, დიპლომატიურ სისტემასა და სამოქალაქო საზოგადოებას შორის ეფექტიანი თანამშრომლობის ტრადიციის დასამკვიდრებლად. საქართველოს დიპლომატიის ისტორიაში პირველად ჩატარდა, აგრეთვე, სპეციალური კულტურულ-საგანმანათლებლო პროგრამა საზღვარგარეთ საქართველოს დიპლომატიური წარმომადგენლობების ხელმძღვანელთა მეუღლეებისათვის.



დატვირთული სამი სამუშაო დღის განმავლობაში ამბასადორიალის მონაწილეებმა საქართველოს საგარეო პოლიტიკის აქტუალურ საკითხებსა და ქართული დიპლომატიის წინაშე არსებულ გამოწვევებზე იმსჯელეს. განხილული იქნა თემების ფართო სპექტრი, მათ შორის, ქვეყანაში მიმდინარე პოლიტიკური პროცესები, საქართველოს ევროპული და ევროატლანტიკური ინტეგრაცია და საქართველოს საგარეო პოლიტიკის სხვა მნიშვნელოვანი მიმართულებები. დასკვნით ნაწილში კი გაიმართა სამუშაო შეხვედრები საქართველოს პრეზიდენტთან და პრემიერ-მინისტრთან.

VIII. სამინისტრო

ადამიანის რესურსების მართვა

საგარეო საქმეთა სამინისტრო მნიშვნელოვან ღონისძიებებს ატარებს საქართველოს ყველა მოქალაქისთვის დიპლომატიური სამსახურის თანაბარი ხელმისაწვდომობის უზრუნველყოფის, კადრების სწორად შერჩევის, მათი კვალიფიკაციის ამაღლებისა და დანინაურების კუთხით. სამინისტრო ზრუნავს საზღვარგარეთ საქართველოს დიპლომატიურ წარმომადგენლობებსა და საკონსულო დაწესებულებებში თანამშრომელთა როტაციის დროულად განხორციელებასა და როტაციიდან დაბრუნებულთა სამინისტროს სისტემაში დროულად დასაქმებაზე.

საქართველოს დიპლომატიური ქსელის გაფართოება

2013 წელს საქართველომ გახსნა ორი ახალი გენერალური საკონსულო აზერბაიჯანის ქალაქ განჯაში და გერმანიის ქალაქ მაინის ფრანკფურტში.

2013 წლის განმავლობაში დაფუძნდა ახალი დიპლომატიური წარმომადგენლობა - საქართველოს საელჩო მალაიზიაში.

უახლოეს მომავალში გაიხსნება საქართველოს საელჩო საუდის არაბეთის სამეფოში და საქართველოს საელჩო სერბეთის რესპუბლიკაში.

ამასთანავე, იგეგმება კუბის რესპუბლიკაში საქართველოს საელჩოს გახსნა, რაზედაც სამინისტრო კუბის რესპუბლიკიდან თანხმობის ნოტის მიღებას ელის.

გარდა ამისა, სლოვენიის რესპუბლიკაში, სადაც უკვე გახსნილია ჩვენი საელჩო დაინიშნება საქართველოს საგანგებო და სრულუფლებიანი ელჩი, რომლის ადგილსამყოფელი იქნება ქ.ლიუბლიანა და არა ქ.ბრატისლავა, როგორც ეს დღეის მდგომარეობითაა.

დასაქმება საგარეო საქმეთა სამინისტროში

საქართველოს საგარეო საქმეთა სამინისტრომ ცენტრალური აპარატის 19 ვაკანტურ თანამდებობაზე კანდიდატების შერჩევის მიზნით, 2013 წლის მარტში, საჯარო სამსახურის ბიუროს მიერ ადმინისტრირებული ვებ-გვერდის მეშვეობით (www.hr.gov.ge) კონკურსი გამოაცხადა. ინფორმაცია კონკურსის თაობაზე ხელმისაწვდომი იყო სამინისტროს ოფიციალურ ვებ-გვერდსა და სამინისტროს მიერ ადმინისტრირებულ სოციალურ გვერდებზეც.

კონკურსში მონაწილეობის მიღების უფლება ჰქონდა საქართველოს ქმედუნარიან მოქალაქეს 21 წლის ასაკიდან, რომელსაც ჰქონდა შესაბამისი განათლება, სათანადო კვალიფიკაცია, ფლობდა სახელმწიფო ენას, ინგლისურ ენას და მეორე უცხო ენას. კონკურსი ჩაატარა სამინისტროს საკონკურსო-საატესტაციო კომისიამ.

კონკურსის შედეგად სამინისტროში დასაქმდა 19 ახალგაზრდა დიპლომატი, ხოლო 50 წარმატებული კანდიდატი ჩაირიცხა დიპლომატიური სამსახურის რეზერვში, საიდანაც ხდება მათი თანდათანობით დასაქმება სამინისტროში.

კვალიფიკაციის ამაღლების პროგრამები

საგარეო საქმეთა სამინისტრო კოორდინაციას უწევს, როგორც საზღვარგარეთიდან შემოთავაზებული, ასევე საქართველოში დაგეგმილი რიგი სასწავლო პროგრამების განაწილებას საქართველოს სხვადასხვა საჯარო უწყებებში.

საგარეო საქმეთა სამინისტრო დიპლომატთა კვალიფიკაციის ამაღლების მიზნით სასწავლო პროგრამების სახით შემოთავაზებებს შემდეგი დიპლომატიური სკოლებიდან და ფონდებიდან იღებს: ვენის დიპლომატიური აკადემია, ესტონეთის დიპლომატიური სკოლა, მალტის ხმელთაშუაზღვის დიპლომატიური აკადემია, სინგაპურის დიპლომატიური აკადემია, არგენტინის ეროვნული დიპლომატიური ინსტიტუტი, აზერბაიჯანის დიპლომატიური აკადემია, იაპონიის ფონდი, იაპონიის საერთაშორისო თანამშრომლობის სააგენტო (JICA), კორეის საერთაშორისო თანამშრომლობის სააგენტო (KOICA), ჩინეთის დიპლომატიური აკადემია, უსაფრთხოების პოლიტიკის ჟენევის ცენტრი (GCSP), მარშალის სახელობის ევროპული უსაფრთხოების ცენტრი, ეგვიპტის ტექნიკური თანამშრომლობის ფონდი, კლინგენდაელის საერთაშორისო ურთიერთობათა ინსტიტუტი, ნატოს სკოლა (NATO School), მექსიკის მატეას რომეროს ინსტიტუტი, ბულგარეთის დიპლომატიური ინსტიტუტი, გერმანიის ფედერაციული რესპუბლიკის საგარეო უწყება, თურქეთის რესპუბლიკის საგარეო უწყება, ინდოეთის საგარეო უწყება, რუმინეთისა და პოლონეთის საგარეო უწყებები.

ბოლო ერთი წლის განმავლობაში, საქართველოში გამართული სასწავლო პროგრამის ორგანიზატორები იყვნენ: USAID დემოკრატიული მმართველობა, საქართველოს სტრატეგიული და საერთაშორისო კვლევების ფონდი, ინოვაციისა და რეფორმების ცენტრი, შვეიცარიის განვითარებისა და თანამშრომლობის სააგენტო (CABIR), ნატო—საქართველოს განვითარების ცენტრი, შეიარაღებულ ძალებზე დემოკრატიული კონტროლის ჟენევის ცენტრი.

ადამიანური რესურსების მართვის შემდგომი დახვეწისა და გამოცდილების გაზიარების მიზნით, 2013 წლის აპრილში, საგარეო საქმეთა სამინისტროში გაიმართა შეხვედრა სამინისტროს ხელმძღვანელობასა და საქართველოში აშშ-ს საელჩოს ხელმძღვანელობას შორის. ამ შეხვედრას ესწრებოდნენ საგარეო საქმეთა მინისტრი მაია ფანჯიკიძე და აშშ-ს ელჩი საქართველოში რიჩარდ ბ. ნორლანდი. შეხვედრის შედეგად გამოცდილების გაზიარების მიზნით სპეციალური პროგრამის შემუშავება გადაწყდა. პირველი პროგრამა ნოემბერში ამერიკის საელჩოში გაიმართა. პროგრამის ფარგლებში, სამინისტროში ახლად მიღებულ თანამშრომლებს საქართველოში ამერიკის საელჩოს საქმიანობაში გაცნობის საშუალება მიეცათ.

სასწავლო სენტრთან ერთად განხორციელებული საქმიანობა

სამინისტროს სისტემაში ფუნქციონირებს სასწავლო ცენტრი, სადაც ხდება მოქმედ/დამწყებ დიპლომატთა კვალიფიკაციის ამაღლება და ღია კონკურსის შედეგად რეზერვში ჩარიცხულთა მომზადება დიპლომატისთვის საჭირო ტრენინგებით. სასწავლო ცენტრში განსაკუთრებული ყურადღება ეთმობა „საკონსულო თანამდებობისთვის აუცილებელ პროგრამას“. ეს არის ერთ-ერთი ძირითადი სერთიფიცირებული პროგრამა, რომელიც დროთა განმავლობაში სავალდებულო იქნება როგორც საკონსულო, ისე არასაკონსულო თანამდებობის პირთათვის. დღეისათვის ამ პროგრამის შესაბამისი ხუთწლიანი მოქმედების მქონე სერთიფიკატის მფლობელი დიპლომატიური თანამდებობის პირის საზღვარგარეთ საქართველოს დიპლომატიურ წარმომადგენლობებსა და საკონსულო დაწესებულებებში როტაციაში წარგზავნის შანსი გაცილებით დიდია სერთიფიკატის არმქონე პირებთან შედარებით.

აღსანიშნავია, რომ სასწავლო ცენტრის მიერ და ჩვენი დეპარტამენტის ხელშეწყობით, დიპლომატიური თანამდებობისა და კონკურსის შედეგად რეზერვში ჩარიცხულთათვის ყოველწლიურად თებერვალ-აპრილის პერიოდში საკონსულო თანამდებობის პირთა მოსამზადებელი სრული 3 თვიანი სასწავლო პროგრამა, დასრულების შემდეგ კი შესაბამისი გამოცდა ტარდება. სალექციო პროგრამა შედგება სამი ბლოკისგან: თეორიული ნაწილი სამინისტროს ბაზაზე, პრაქტიკული ნაწილი საჯარო რეესტრის ბაზაზე და პრაქტიკული ნაწილი ნოტარიუსთა პალატის ბაზაზე.

მათ, ვისაც დამოუკიდებლად, ლექციებზე დასწრების გარეშე სურთ კურსის გაველა, შეუძლიათ მიმართონ

სასწავლო ცენტრს, მიიღონ გამოცდისთვის საჭირო ყველა აუცილებელი სასწავლო მასალა და გამოცდა ექსტერნად ჩააბარონ.

აღსანიშნავია, რომ საკონსულო თანამდებობის პირის დასანიშნად სავალდებულო სპეციალური სასწავლო კურსის გავლის გარეშე ასეთი ექსტერნი სასერტიფიკატო ტესტური გამოცდა ტარდება წლის განმავლობაში ოთხჯერ. გამოცდების ჩატარების სავარაუდო თვეებია: თებერვალი, ივნისი, სექტემბერი და დეკემბრის პირველი ნახევარი. აუცილებელი საჭიროებიდან გამომდინარე, განსაკუთრებულ შემთხვევებში შესაძლებელია, აგრეთვე დაინიშნოს და ჩატარდეს დამატებითი ექსტერნი გამოცდა.

ხაზგასასმელია ის გარემოება, რომ საკონსულო სამთვლიანი პროგრამაც და ექსტერნად გამოცდის ჩაბარების შესაძლებლობაც თანაბრად ეძლევა როგორც მოქმედ დიპლომატებს, ისე ღია კონკურსის შედეგად დიპლომატიური სამსახურის რეზერვში ჩარიცხულ პირებს. ამისათვის კი ადამიანური რესურსების მართვის დეპარტამენტი გამოცდამდე მინიმუმ ერთი თვით ადრე უზრუნველყოფს როგორც მოქმედი დიპლომატების, ისე კონკურსების შედეგად და როტაციის დასრულების შემდგომ დიპლომატიური სამსახურის რეზერვში ჩარიცხული პირების ინფორმირებას ელექტრონული ფოსტის საშუალებით.

საკონსულო გამოცდა 3 საათი გრძელდება. თუ პირი პირველ ცდაზე ვერ ჩააბარებს ამ გამოცდას, დაინტერესებისა და სურვილის შემთხვევაში, მას შესთავაზებენ, გადაბარებას მისთვის სასურველ დროს. შესაბამისად, ამ სერტიფიცირებული პროგრამის მიზანია, მაქსიმალურად შეუწყოს ხელი მომავალ საკონსულო თანამდებობის პირს, რათა მინიმუმადე იქნას დაყვანილი ის სირთულეები, რაც მას შეიძლება როტაციაში ყოფნისას შეექმნას.

აგრეთვე, სასწავლო ცენტრში, ახალი თანამშრომლებისთვის ტარდება კვალიფიკაციის ამაღლების კურსები: „დიპლომატიის საფუძვლების“ შესაბამისი ტრენინგები და ადმინისტრაციული საკითხების პროგრამის შესაბამისი კურსი.

იმის გამო რომ დანერგვის პროცესშია საზღვარგარეთ როტაციის ერთი წლით ადრე დაგეგმვის პრაქტიკა, როტაციაში წამსვლელთათვის უკვე შესაძლებელია ადგილსამყოფელი ქვეყნის შესაბამისი უცხო ენის ინტენსიურად შემსწავლელი სასწავლო კურსის ორგანიზება, რაც მეტად მნიშვნელოვანია დიპლომატიურ მისიაში მყოფი დიპლომატისათვის.

გენდერული თანაფარდობა სამინისტროში

სამინისტრო იცავს გაერთიანებული ერების ორგანიზაციისა და საერთაშორისო ორგანიზაციების ყველა პრინციპს და ღირებულებას, იღებს კოლექტიურ პასუხისმგებლობას გლობალურ დონეზე დაამკვიდროს ადამიანური ღირსების, სამართლიანობისა და თანასწორობის პრინციპები და მაქსიმალურად უზრუნველყოფს უწყებაში ქალებისა და მამაკაცების უფლებებისა და შესაძლებლობების თანასწორობას.

ყველა თანამშრომელს აქვს საშუალება თანაბარ პირობებში ისარგებლოს განვითარების შესაძლებლობით:

დღეისათვის სამინისტროში დასაქმებული თანამშრომლების რაოდენობის 45 პროცენტს შეადგენენ ქალები, ხოლო 55 პროცენტს კი - მამაკაცები.

სასწავლო სენტრი

საქართველოს საგარეო საქმეთა სამინისტროს სასწავლო ცენტრის მიზანია საქართველოს საგარეო პოლიტიკის პრიორიტეტების, არსებული საჭიროებებისა და ტენდენციების გათვალისწინებით სამინისტროს თანამშრომლებისა და დიპლომატიური სამსახურის რეზერვში მყოფი პირების უწყვეტი პროფესიული განვითარების ხელშეწყობა. ამასთანავე, ცენტრის მიზანია საქართველოში აკრედიტებული უცხო ქვეყნის დიპლომატიური წარმომადგენლობების თანამშრომელთა ინფორმირებულობის დონისა და საერთაშორისო ურთიერთობების სფეროში მოღვაწე საჯარო მოხელეთა კვალიფიკაციის ამაღლება.

2013 წელს სასწავლო ცენტრის ორგანიზებით განხორციელდა გრძელვადიანი და მოკლევადიანი სასწავლო კურსები, ახალი ინიციატივები და შეხვედრები საპატიო სტუმრებთან ლექციის ფორმატში. გარდა ამისა, წლის განმავლობაში ჩატარდა უცხო ენის კურსები და ხელი მოეწერა წამყვან დიპლომატიურ აკადემიებთან ურთიერთთანამშრომლობის ხუთ მემორანდუმს.

აღსანიშნავია, რომ სასწავლო ცენტრმა დაიწყო ბიბლიოთეკისა და სალექციო კურსების ვიდეო ჩანაწერების არქივის შექმნა სასწავლო ცენტრის მსმენელთა და საგარეო საქმეთა სამინისტროს თანამშრომელთათვის.

გრძელვადიანი სასწავლო პროგრამები

22 თებერვლიდან 27 მაისამდე სასწავლო ცენტრმა საკონსულო თანამდებობის პირის დასანიშნად სავალდებულო სპეციალური სასწავლო პროგრამა განახორციელა.

სამთვიანი სასწავლო კურსი მიზნად ისახავდა საგარეო საქმეთა სამინისტროს სისტემის იმ თანამშრომელთა პროფესიული მომზადებისა და კვალიფიკაციის ამაღლების ხელშეწყობას, რომლებიც საზღვარგარეთ საქართველოს დიპლომატიურ წარმომადგენლობებში დაიკავებენ კონსულის ან საკონსულო ფუნქციების მქონე დიპლომატიურ თანამდებობას.

პროგრამის მსვლელობისას თეორიული ინფორმაციის მიღების გარდა, მსმენელებს საშუალება ჰქონდათ პრაქტიკული გამოცდილება მიეღოთ საგარეო საქმეთა სამინისტროს საკონსულო დეპარტამენტის მისაღებად, იუსტიციის სახლსა და სახელმწიფო სერვისების განვითარების სააგენტოში.

წლის განმავლობაში საკონსულო პირის დასანიშნად სავალდებულო სპეციალური სასწავლო პროგრამის ხუთი სასერთიფიკატო გამოცდა ჩატარდა.

დიპლომატების კვალიფიკაციის ასამაღლებელი პროგრამა - საორიენტაციო კურსი ახალი თანამშრომლებისთვის 18 ივნისიდან 16 დეკემბერამდე მიმდინარეობდა.

ექვსთვიანი სასწავლო პროგრამა მიზნად ისახავდა კონკურსის გავლის შედეგად საგარეო საქმეთა სამინისტროში დანიშნული ახალი თანამშრომლების, სტაჟიორებისა და დიპლომატიური სამსახურის რეზერვში მყოფი კადრებისათვის სამინისტროში მუშაობის სპეციფიკის გაცნობას, ინფორმაციის მიწოდებას საქართველოსა და საერთაშორისო არენაზე მიმდინარე პოლიტიკურ-ეკონომიკური პროცესების შესახებ და პროფესიული უნარ-ჩვევების განვითარების ხელშეწყობას.

2013 წელს პროგრამის ფარგლებში მონაწილეებს წაეკითხათ ლექციები 56 თემაზე, განხორციელდა ვიზიტები ნატოს სამეკავშირეო ოფისში, აშშ-ის საელჩოში, შინაგან საქმეთა სამინისტროს არქივსა და საქართველოს ეროვნულ მუზეუმში.



ვიზიტი საქართველოში აშშ-ის საელჩოში, 13 - 15 ნოემბერი, 2013



ვიზიტი საქართველოში ნატოს სამეკავშირეო ოფისში, 24 სექტემბერი, 2013

მოკლევადიანი სასწავლო კურსები

2013 წელს სასწავლო ცენტრში 12 მოკლევადიანი სასწავლო კურსი და სემინარი განხორციელდა. სასწავლო პროგრამები მიზნად ისახავდა დიპლომატიებისათვის საჭირო პროფესიული და ტექნიკური უნარ-ჩვევების განვითარების ხელშეწყობას შემდეგ თემებზე: თანამედროვე საერთაშორისო პოლიტიკური და ეკონომიკური ურთიერთობების განვითარების საფუძვლები და ტენდენციები, საზოგადოებასთან ურთიერთობის საკითხები დიპლომატიურ სამსახურში, საქართველოს სტრატეგიული გარემოს შეფასება, მოლაპარაკებების მეთოდები და სტრატეგიები, კომერციული დიპლომატია და მსოფლიო ვაჭრობა, საზოგადოებასთან ურთიერთობის ძირითადი საკითხები საჯარო დიპლომატიაში, მედიასთან ურთიერთობა პოლიტიკოსებისა და დიპლომატებისათვის, სცენარების დაგეგმვის ტექნიკა საგარეო პოლიტიკაში და სტრატეგიული სამხედრო თამაშები.



სემინარი თემაზე „კომერციული დიპლომატია და მსოფლიო ვაჭრობა“, 9-11 ივლისი, 2013 წელი



სემინარი თემაზე „საქართველოს სტრატეგიული გარემოს შეფასება“, 15 — 17 მარტი, 2013

საჯარო ლექსიები

წელს სასწავლო ცენტრმა სალექციო ფორმატში დანერგა შეხვედრები საპატიო სტუმრებთან. სულ ჩატარდა 20 ლექცია. ლექციები წაიკითხეს მოწვეულმა პროფესორებმა, ქართველმა და უცხოელმა სპეციალისტებმა, საზღვარგარეთ საქართველოს საგანგებო და სრულუფლებიანი ელჩებმა, საქართველოში აკრედიტებულმა ელჩებმა და სხვა საპატიო სტუმრებმა. მოწვეულმა სპეციალისტებმა საკუთარი პროფესიული გამოცდილება გაუზიარეს მონაწილეებს და საერთაშორისო პოლიტიკაში მიმდინარე მნიშვნელოვანი მოვლენები გააცნეს. აღნიშნული შეხვედრების ფორმატში მონაწილეებს საშუალება ჰქონდათ, არაფორმალური დისკუსია გაემართათ მათთვის საინტერესო საკითხებზე.



ლექცია თემაზე „ევროკავშირის პოლიტიკა სამხრეთ კავკასიასთან მიმართებაში“, სლოვაკეთის რესპუბლიკის ვიცე პრემიერ-მინისტრი და საგარეო და ევროპულ საქმეთა მინისტრი, მიროსლავ ლაიჩაკი, 8 აპრილი, 2013

უცხო ენის შემსწავლელი კურსები

სასწავლო ცენტრი ახორციელებს უცხო ენის შემსწავლელ კურსებს. კერძოდ, 2013 წელს სამინისტროს თანამშრომლებს საშუალება ჰქონდათ ამაღლებინათ ცოდნის დონე ინგლისურ, ესპანურ, თურქულ და პოლონურ ენებში.

ახალი ინიციატივები

სასწავლო ცენტრის დახმარებით ამბასადორიალის ფარგლებში პირველად განხორციელდა საზღვარგარეთ საქართველოს საგანგებო და სრულუფლებიანი ელჩების მეუღლეების პროგრამა, რომლის მიზანი დიპლომატიურ მისიებში ელჩების მეუღლეების გააქტიურება და ადგილსამყოფელ ქვეყნებში საქართველოს უკეთ წარმოჩენა იყო.



საზღვარგარეთ საქართველოს საგანგებო და სრულუფლებიანი ელჩების მეუღლეების პროგრამა, 3 სექტემბერი, 2013

საქართველოში აკრედიტებული უცხო ქვეყნის დიპლომატიური წარმომადგენლობების თანამშრომელთათვის საფუძველი ჩაეყარა შესავალ კურსს „გაიცანი საქართველო“ და ქართული ენის შემსწავლელ პროგრამას „ყოველდღიური ქართული“. აღნიშნული პროგრამების რეგულარული განხორციელება ხელს შეუწყობს როგორც ქართული ენის პოპულარიზაციას, ასევე უცხოელ დიპლომატებს დაეხმარება საქართველოს ისტორიის, კულტურისა და წეს-ჩვეულებების უკეთ გაცნობაში. პროგრამა 2014 წელსაც გაგრძელდება.

საერთაშორისო თანამშრომლობა

ცენტრის მუშაობას კიდევ უფრო ნაყოფიერს ხდის მიმდინარე წელს სხვადასხვა ქვეყნის დიპლომატიურ სკოლებთან დაწყებული თანამშრომლობა. საერთაშორისო გამოცდილების გაზიარების მიზნით სასწავლო ცენტრმა გააფორმა ურთიერთგაგების მემორანდუმები წამყვან დიპლომატიურ აკადემიებთან, კერძოდ, ბრაზილიის ფედერაციული რესპუბლიკის საგარეო საქმეთა სამინისტროს „რიო ბრანკოს“ ინსტიტუტთან, არგენტინის საგარეო საქმეთა სამინისტროსთან არსებულ ეროვნულ დიპლომატიურ ინსტიტუტთან, ჩილეს რესპუბლიკის ანდრეს ბელოს სახელობის დიპლომატიურ აკადემიასთან, ურუგვაის აღმოსავლური რესპუბლიკის „არტიგასის“ დიპლომატიურ ინსტიტუტთან და კორეის ეროვნულ დიპლომატიურ აკადემიასთან.



ბრაზილიის ფედერაციული რესპუბლიკის საგარეო საქმეთა სამინისტროს „რიო ბრანკოს“ ინსტიტუტთან ურთიერთთანამშრომლობის მემორანდუმზე ხელისმოწერა, 2 აპრილი, 2013

აღსანიშნავია ესტონეთის დიპლომატიური სკოლის, ამერიკის ვაჭრობის დეპარტამენტის კომერციული სამართლის განვითარების პროგრამის, საქართველოში ამერიკის საელჩოსა და საქართველოში ნატოს სამეკავშირეო ოფისის მხარდაჭერა სასწავლო პროგრამების ერთობლივად დაგეგმვისა და განხორციელების პროცესში.

ბულგარეთის რესპუბლიკასთან ხელმოწერილი ოქმი „საქართველოს საგარეო საქმეთა სამინისტროსა და ბულგარეთის რესპუბლიკის საგარეო საქმეთა სამინისტროს შორის გაფართოებული თანამშრომლობისა და კონსულტაციების შესახებ“ ბულგარეთის დიპლომატიურ ინსტიტუტსა და სასწავლო ცენტრს შორის თანამშრომლობას ითვალისწინებს.

2013 წლის ნოემბერში ევროკავშირის დაფინანსებით დაიწყო ორწლიანი პროექტი „კვალიფიკაციის ამაღლება საერთაშორისო ურთიერთობების სფეროში“, რომელიც მიზნად ისახავს საჯარო მოხელეების კვალიფიკაციის ამაღლებას საერთაშორისო ურთიერთობებისა და ევროკავშირთან დაკავშირებულ საკითხებზე და სასწავლო ცენტრის განვითარებას. აღნიშნულმა პროექტმა განსაკუთრებული მნიშვნელობა შეიძინა ვილინიუსის სამიტის ფარგლებში ასოცირების შესახებ შეთანხმების პარაფირების შემდეგ.



საზოგადოებასთან ურთიერთობა

საგარეო საქმეთა სამინისტროს საქმიანობაში მნიშვნელოვანი ადგილი უკავია საზოგადოებასთან ურთიერთობას, აქტიურ კომუნიკაციას, როგორც ადგილობრივ, ასევე საერთაშორისო მედიასთან.

მთავრობის საქმიანობის გამჭვირვალობის გაზრდის მიზნით, საქართველოს ხელისუფლება „ღია მმართველობის პროექტს“ ახორციელებს, რაც ითვალისწინებს მთავრობის წარმომადგენლების რეგულარულ შეხვედრებს მასმედიასა და სამოქალაქო სექტორთან. საგარეო საქმეთა მინისტრი მათა ფანჯიკიძე „ღია მმართველობის პროექტის“ ფარგლებში ოთხჯერ შეხვდა მედიის წარმომადგენლებს და მათ სამინისტროს საქმიანობის ანგარიში გააცნო.



საზოგადოებისთვის სრულფასოვანი ინფორმაციის მიწოდების მიზნით, საგარეო საქმეთა სამინისტროში ყოველკვირეული ბრიფინგები იმართება, რა დროსაც ფართოდ მიმოიხილება საგარეო პოლიტიკაში არსებული მნიშვნელოვანი მოვლენები და სამინისტროში დაგეგმილი ღონისძიებები. ჟურნალისტების შეკითხვებს ორშაბათის ტრადიციულ ბრიფინგებზე საგარეო საქმეთა მინისტრის მოადგილეები პასუხობენ.



საზოგადოებასთან კომუნიკაციისა და ინფორმაციის ოპერატიულად გავრცელების პროცესში მნიშვნელოვან როლს ასრულებს სამინისტროს ოფიციალური ვებგვერდი და საზღვარგარეთ საქართველოს საელჩოების და საკონსულო დანესტრულულების ვებგვერდები, სადაც, ახალი ამბების გარდა, თავმოყრილია ინფორმაცია სამინისტროს მისიის, ფასეულობების, ქვეყნის საგარეო პოლიტიკის - ორმხრივი და მრავალმხრივი ურთიერთობების შესახებ.

აღსანიშნავია, რომ მომავალი წლიდან ფუნქციონირებას დაიწყებს სამინისტროს ახალი ვებგვერდი, რომელიც მორგებული იქნება თანამედროვე ტექნოლოგიებსა და საზოგადოების ინტერესებზე. სრულყოფილად იმუშავებს მულტიმედიის განყოფილება, სადაც მუდმივად განახლდება ინფორმაცია დაგეგმილი და განხორციელებული ღონისძიებების შესახებ. საქართველოს კულტურისა და ტრადიციების პოპულარიზაციის მიზნით საიტის მთავარ გვერდს დაემატება ფანჯარა „Welcome To Georgia“, ხოლო ფან-

ჯარაში „Embassy’s Corner“ მომხმარებელი ოპერატიულად გაეცნობა საზღვარგარეთ საქართველოს მისიებში არსებულ სიახლეებს. თვალსაჩინო ადგილს დაიკავებს ინფორმაცია ქვეყნის მთავარ საგარეო პრიორიტეტზე ფანჯარაში - „ევროპული და ევროატლანტიკური ინტეგრაცია“.

თამანედროვე საზოგადოებაში სოციალური მედია კომუნიკაციის ერთ-ერთ საკვანძო ელემენტს წარმოადგენს და საზოგადოებასთან ურთიერთობის პროცესში ფართო შესაძლებლობებს იძლევა.

სოციალურ ქსელ „FACEBOOK“-ში აქტიურად ფუნქციონირებს სამინისტროს ოფიციალური FACEBOOK გვერდი და საგარეო საქმეთა მინისტრის მაია ფანჯიკიძის ოფიციალური გვერდი. სოციალურ ქსელში ოპერატიულად ახლდება ინფორმაცია, ქვეყნდება მინისტრისა და მინისტრის მოადგილეების მიმართულებით და ინტერვიუები.



სოციალური გვერდები საშუალებას გვაძლევს პირდაპირი კონტაქტი გვექონდეს მოქალაქეებთან. როგორც სამინისტროს, ისე მინისტრის სოციალურ გვერდებზე, ყოველდღიურად, კომპეტენციის ფარგლებში მრავალ შეკითხვას ვპასუხობთ.



სოციალურ ქსელებში აქტიურად არიან ჩართულები საზღვარგარეთ საქართველოს მისიები. მიმდინარეობს ინფორმაციის ურთიერთგაცვლა მისიების აქტივობების, მათ მიერ დაგეგმილი და ჩატარებული ღონისძიებების შესახებ.



2013 წლის ამბასადორიალის ფარგლებში, ელჩების მეუღლეებისთვის გამართული სპეციალური პროგრამის შემდეგ აქტიურობა გახდა საზოგადოებაში მათი როლის წარმოჩენა. თბილისში გამართულ შეხვედრაზე დაიგეგმა და ელჩების მეუღლეების მიერ უკვე ხორციელდება ბევრი საინტერესო და მნიშვნელოვანი სოციალურ-კულტურული პროექტი. მათი საქმიანობის თვალსაჩინოებისთვის შეიქმნა სპეციალური გვერდი Facebook-ზე, სახელწოდებით „Georgian Ambassadors’ Spouses Club“. გვერდი მუდმივად ახლდება სხვადასხვა ცნობებით და, რაც მთავარია, საშუალებას აძლევს ელჩების მეუღლეებს იდეების ურთიერთგაცვლის საფუძველზე საინტერესო პროექტები შეიმუშაონ და განახორციელონ.



სამინისტროს საქმიანობისა და ქვეყნის საგარეო პოლიტიკის საკითხების შესახებ ოპერატიულად ვრცელდება ინფორმაცია Tweeter-ის მეშვეობით, რომელიც თანდათან უფრო პოპულარული ხდება და ხშირად ყველაზე აქტიურად მოხმარებადი მედია საშუალებაა საერთაშორისო აუდიტორიის მიერ.



საგარეო საქმეთა მინისტრს და მის მოადგილეებს ხშირად უთმობენ სატელევიზიო ეთერს. ქართული ტელევიზიების საინფორმაციო ბადე დატვირთულია საგარეო პოლიტიკის თემებით.



უცხოური მედიასაშუალებების დაინტერესება საქართველოს საშინაო და საგარეო პოლიტიკის მიმართ იმ მრავალრიცხოვან ინტერვიუებში აისახება, რომელიც თან ახლავს საგარეო საქმეთა მინისტრის ვიზიტებს საზღვარგარეთ. 1 წლის მანძილზე მინისტრმა ინტერვიუ მისცა 50-ზე მეტ წამყვან მედიასაშუალებას.



ქვეყნის საგარეო სტრატეგიაზე, საქართველოში განხორციელებულ პოლიტიკურ ცვლილებებსა და ახალი ხელისუფლების ამოცანებზე საგარეო საქმეთა მინისტრის სტატიას დაუთმეს საგაზეთო გვერდები ია-პონიის, პორტუგალიის, ცენტრალური ევროპის გამოცემებმა.



ქვეყნის საგარეო უწყების ხელმძღვანელი არაერთხელ ყოფილა ავტორიტეტული საერთაშორისო სატელევიზო არხების სტუმარი



ურთიერთობა დიპლომატიურ კორპუსთან

საახალწლო მიღება ზ.წერეთლის მუზეუმში

9 იანვარს საგარეო საქმეთა სამინისტრომ გამართა ყოველწლიური საახალწლო მიღება, სადაც მონაწილე იყვნენ საქართველოში აკრედიტებული დიპლომატიური კორპუსის წარმომადგენლები და საქართველოს აღმასრულებელი და საკანონმდებლო ხელისუფლების წარმომადგენლები. მიღება ზურაბ წერეთლის თანამედროვე ხელოვნების მუზეუმში გაიმართა.



საახალწლო მიღება ზ.წერეთლის მუზეუმში 9.01.2013

ევგენი მიქელაძის სახელობის კლასიკური მუსიკის სალამო

12 მარტს საგარეო საქმეთა სამინისტროში გაიმართა ევგენი მიქელაძის სახელობის ეროვნული მუსიკალური ცენტრის პროექტის „მუსიკის ენა, რომელიც მსოფლიოს აერთიანებს!“ პრეზენტაცია საქართველოში მოღვაწე დიპლომატებისათვის. პროექტი მიზნად ისახავს პროფესიული მუსიკის ფართო გავრცელებას და ქართველ მუსიკოსთა საერთაშორისო მუსიკალურ სივრცეში ინტეგრირების ხელშეწყობას.

საგარეო საქმეთა სამინისტროში გამართულ მუსიკალურ სალამოს საგარეო საქმეთა მინისტრი მაია ფანჯიკიძე და კულტურისა და ძეგლთა დაცვის მინისტრი გურამ ოდიშარია დაესწრნენ.



ევგენი მიქელაძის სახელობის კლასიკური მუსიკის სალამო 12.03.2013

ლია კარის დღე □ვეცნობით ევროპას

31 მაისს, ბავშვთა დაცვის საერთაშორისო დღესთან დაკავშირებით, საქართველოს საგარეო საქმეთა სამინისტრომ პირველად ჩაატარა ღონისძიება - „ლია კარის დღე: ტური - ვეცნობით ევროპას“. აღნიშნული ღონისძიების ფარგლებში თბილისის ყველა რაიონის საჯარო სკოლების მე-6 - მე-8 კლასის 70 წარჩინებული მოსწავლე, მათ შორის საქართველოს ოკუპირებული ტერიტორიებიდან იძულებით გადაადგილებული 20 მოსწავლე, საქართველოში აკრედიტებული ევროკავშირის წევრი ქვეყნების დიპლომატიურ წარმომადგენლობებს ეწვინენ, მიიღეს ინფორმაცია მათი საქმიანობის ირგვლივ და გაეცნენ ვიზუალურ მასალას შესაბამისი ქვეყნის შესახებ.

დღის ბოლოს, ტურის დასრულების შემდეგ, საქართველოს საგარეო საქმეთა მინისტრმა მაია ფანჯიკიძემ საგარეო საქმეთა სამინისტროში გამართა მიღება და სკოლის მოსწავლეებს ღონისძიებაში მონაწილეობის დამადასტურებელი სიგელები გადასცა.



ლია კარის დღე „ვეცნობით ევროპას“ 31.05.2013

არარეზიდენტი ელჩების მიერ რწმუნებათა სიგელების ასლების გადაცემა

30 სექტემბერს საგარეო საქმეთა სამინისტროში რწმუნებათა სიგელების ასლების გადაცემის ცერემონია გაიმართა. 13 ქვეყნის არარეზიდენტმა ელჩებმა რწმუნებათა სიგელების ასლები საგარეო საქმეთა მინისტრის მოადგილეს გადასცეს. კერძოდ, საგარეო საქმეთა სამინისტრომ მიიღო საქართველოში ბანგლადეშის სახალხო რესპუბლიკის ელჩი (რეზიდენციით ანკარაში) ზულფიქურ რაჰმანი; შრი-ლანკას დემოკრატიული სოციალისტური რესპუბლიკის ელჩი (რეზიდენციით ანკარაში) ბჰარათჰი ვიჯერატნე; მაროკოს სამეფოს ელჩი (რეზიდენციით კიევში) მინა ტოუნსი; განას რესპუბლიკის ელჩი (რეზიდენციით თეირანში) ალჰაჯი აიემბილაჰ; მონტენეგროს ელჩი (რეზიდენციით პოდგორიცაში) ლიუბომირ მიცუროვიჩი; ალბანეთის რესპუბლიკის ელჩი (რეზიდენციით ანკარაში) გენცი მუჩაი; დანიის სამეფოს ელჩი (რეზიდენციით კიევში) მერეთე იული; ბელგიის სამეფოს ელჩი (რეზიდენციით ბაქოში) კარინ პეტიტი; ბოსნია და ჰერცეგოვინას ელჩი (რეზიდენციით ანკარაში) დამირ ძანკო და მექსიკის ელჩი (რეზიდენციით ანკარაში) მარტა ბარსენა კოკი.



ფოტო 4: არარეზიდენტი ელჩების მიერ რწმუნებათა სიგელების ასლების გადაცემა 30.09.2013

კახეთის ტური

საგარეო საქმეთა სამინისტროს ინიციატივით, საქართველოში აკრედიტებული უცხოელი დიპლომატებისთვის 20-21 ოქტომბერს გაიმართა კულტურული ტური კახეთში. ღონისძიების ფარგლებში სტუმრებმა თელავის რაიონში მდებარე შუხმანის ღვინის ქარხანა მოინახულეს და ლოპოტას ტბასა და „ჩჰატაუ Mერე-ს“ ესტუმრნენ.

შუხმანის ღვინის ქარხანაში საქართველოში აკრედიტებული ელჩებისთვის სოფლის მეურნეობის სამინისტროს ღვინის ეროვნულმა სააგენტომ გამართა „რთველი 2013“-ის პრეზენტაცია, სადაც ელჩებს მიეწოდათ ინფორმაცია ჩატარებული რთველის შესახებ. ელჩებმა დაათვალიერეს ღვინის ქარხნის ტერიტორიაზე მოწყობილი ეთნიკური კუთხე, გაეცნენ საქართველოში რთველის ტრადიციას, მოსავლის აღებას და მონაწილეობა მიიღეს ქართული ტრადიციული სუფრის სამზადისში: ამოავლეს ჩურჩხელა, მოახვიეს ხინკალი, დააგემოვნეს ქართული ღვინო. როგორც დიპლომატებმა აღნიშნეს, საგარეო საქმეთა სამინისტროს ინიციატივა შესანიშნავი შესაძლებლობაა მათთვის, უკეთ გაეცნონ ქართულ კულტურას და ტრადიციებს.

კახეთის ტურის დასასრულს, დიპლომატები დაესწრნენ თელავის საერთაშორისო მუსიკალური ფესტივალის დასკვნით კონცერტს, რომელიც ფესტივალის დამფუძნებლის და გენერალური სამხატვრო ხელმძღვანელის, გამოჩენილი ქართველი პიანისტის ელისო ვირსალაძის საკონცერტო მოღვაწეობის 50 წლისთავს მიეძღვნა.

საგარეო საქმეთა სამინისტროს ინიციატივით საფუძველი ჩაეყარა ტრადიციას მოეწეოს მსგავსი სახის შემეცნებითი ტურები საქართველოს სხვადასხვა რეგიონებში, ყოველი წლის შემოდგომასა და გაზაფხულზე, რომლის დროსაც საქართველოში აკრედიტებული დიპლომატები შეძლებენ, უკეთ გაეცნონ ქვეყნის კულტურას, საქართველოს სხვადასხვა კუთხეს, იქ არსებულ ტრადიციებს და შეხვდნენ ადგილობრივ მოსახლეობას.



კახეთის ტური 20-21.10.2013

დიპლომატიის დღე

12 ნოემბერს საგარეო საქმეთა სამინისტროში საქართველოს დიპლომატიის დღისადმი მიძღვნილი თბილისის სიმფონიური კვარტეტის კონცერტი, ლევან ცუცქერიძის ნამუშევრების გამოფენა და მიღება გაიმართა. ღონისძიებას უმასპინძლა საქართველოს საგარეო საქმეთა მინისტრმა მაია ფანჯიკიძემ. ღონისძიებას ქართველ დიპლომატებთან ერთად საქართველოში აკრედიტებული დიპლომატიური წარმომადგენლობების ხელმძღვანელები ესწრებოდნენ.

საქართველოს დიპლომატიის დღეს დაინერგა ტრადიცია, საქართველოში მოღვაწე დიპლომატიური წარმომადგენლობის ხელმძღვანელებს მათი მისიის დასრულებისას გადაეცეთ სიმბოლური საჩუქარი საგარეო საქმეთა სამინისტროს სახელით.



დიპლომატიის დღე 12.11.2013

საქართველოს პრეზიდენტის ინაუგურაცია

საქართველოს პრეზიდენტის ინაუგურაციის ჩასატარებლად საქართველოს პრემიერ-მინისტრის ბიძინა ივანიშვილის თავმჯდომარეობით შეიქმნა პრეზიდენტის ინაუგურაციის მოსამზადებელი სამთავრობო კომისია. სამთავრობო კომისიის თავმჯდომარის მოადგილე იყო საგარეო საქმეთა მინისტრი მაია ფანჯიკიძე. საგარეო საქმეთა სამინისტროს დავალა უცხოური დელეგაციების და საქართველოში აკრედიტებული დიპლომატიური კორპუსის მოწვევა, პრეზიდენტის, პრემიერ-მინისტრის, საგარეო საქმეთა მინისტრის ორმხრივი შეხვედრების დაგეგმვა, უცხოური დელეგაციების დახვედრა-გაცილება, დაბინავება, ტრანსპორტირება, პრეზიდენტის ინაუგურაციის ფარგლებში დაგეგმილი ოფიციალური ლანჩის უზრუნველყოფა და ინაუგურაციასთან დაკავშირებული სხვა საორგანიზაციო საკითხების მოგვარება.

საგარეო საქმეთა სამინისტრომ საქართველოს პრეზიდენტის ინაუგურაციაზე მოიწვია საქართველოში აკრედიტებული დიპლომატიური წარმომადგენლობების ხელმძღვანელები, ასევე, ყველა იმ ქვეყნის და საერთაშორისო ორგანიზაციის დელეგაცია, ვისთანაც საქართველოს დიპლომატიური ურთიერთობები აქვს. საგარეო საქმეთა სამინისტროს ორგანიზებით და კოორდინაციით, პრეზიდენტის ინაუგურაციის ცერემონიაზე დასასწრებად საქართველოს 53 უცხო ქვეყნის და საერთაშორისო ორგანიზაციის დელეგაციები ეწვია.



საქართველოს პრეზიდენტის ინაუგურაცია 17.11.2013

WINTER-EXPO

7 დეკემბერს საგარეო საქმეთა სამინისტროს მხარდაჭერით ჩატარდა „Winter-Expo“, რომლის ფარგლებშიც პირველად საგარეო საქმეთა სამინისტროს ინიციატივით და კულტურისა და სოფლის მეურნეობის სამინისტროების და საქართველოს ტურიზმის ეროვნული ადმინისტრაციის მხარდაჭერით ქართული კუთხე შეიქმნა.

„Winter-Expo“, რომლის მიზანია წარმოაჩინოს და ხელი შეუწყოს ქვეყნებს შორის ეკონომიკური და კულტურული კავშირების განვითარებას, უმსხვილესი ღონისძიებაა, რომელშიც სხვადასხვა ქვეყნის საელჩოები, კომპანიები და საერთაშორისო ორგანიზაციები მონაწილეობენ. თუმცა, ეს ღონისძიება მიმართულია არა მხოლოდ კულტურული და ეკონომიკური ურთიერთობების გასაღრმავებლად, არამედ ასევე ემსახურება ქველმოქმედებასაც. კერძოდ, ამ აქციის შედეგად შემოსული თანხა მზრუნველობა მოკლებულ ან განსაკუთრებული საჭიროებების მქონე ქალებს, ბავშვებს და მოხუცებს ხმარდება.

